







M. E. Barry.

DE RECTA LATINI GRAECI-
QUE SERMONIS PRONUN-
TIATIONE, DES. ERASMI
ROTTERODAMI. DIALOGVS:

In hac nouissima æditione locupletatus.



L V T E T I A E,

Ex officina Rob. Stephani typographi Regij.

M. D. XLVII.



GÈNEROSISSIMO ADOLESCEN-
TI MAXIMILIANO A BUR-
GVNDIA, DES. ERASMVVS RO-
TERODAMVS S. D.

*Q*uòd tanto affectu nostras literas de-
sideraris Maximiliane charissime, ue-
hementer quidem grata mihi fuit a-
moris erga me tui testificatio, nec hac
in re grauatè morem gessi tuæ uolun-
tati. Nam licet obrutus uerius, quàm occupatus nego-
tijs, tamen epistolam ἀπολογίαν ad te miseram, quòd
facile coniectarem, eam ita tibi fore chariorem. Cæte-
rū quòd interceptam ægrius tuleris, quàm siquid ea-
rum rerum perisset, quæ tibi maximè sunt in delicijs,
magnam, ut ingenuè dicam, ex tuo dolore uoluptatem
cepi, non dubijs argumentis perspicuens, te quum in
Annæ clarissimæ fœminæ auicæ tuæ, tum in ornatissi-
mi patris Adolphi principis Veriani, non uulgarè affe-
ctum, quem à teneris unguiculis in me conceptum, con-
stanter, perpetuòq; retinuit, uelut hæreditario iure suc-
cedere. Verūm ut dolorē istum, quem tibi nescio quorū
influxit perfidia, mea ciuilitate leniā, pro epistola nut-
to libellum De recta pronuntiatione, quam hodie ma-
xima ex parte corruptam habemus in Græcis iuxta ac
Latinis. Hoc argumentum tibi dicare uisum est, non
tantum eò quòd ætati studijque tuis uideretur accom-
modum, uerumetiam quòd magnam exemplorū par-
tem ex Batauorū, Brabantiorum & Gallorū populari
a. ij.

sermone produximus, quas linguas omnes tibi non incognitas esse sciebam. Ut autem materiam, quoniam de rebus minutis subtiliter differit, per se minus amœnam, aliqua uoluptatis illecebra lenocinióque commendaremus, dialogo rem tractauimus, subinde non nihil aspergentes quod lectionis satietatem uel recreet, uel excludat. Porro quanquam audio te Louanio in aulicam uitam auocari, nihil eo rumore deteritus sum à dedicationis instituto, sciens & in aula, præsertim Cardinalitia, dari locum studijs. Nam pietatis affectum, quem unà cum literis, ex Ioanne Borsalo Decano Veriensi, uiro quum egregiè docto, tū singulari morum integritate, sanctitatēque prædito, iam pridem hausisti, non oportet nec in aulis, nec in castris deponere. Ita fiet, mi Maximiliane, ut & laudatissimum Cæsarem, quem nomine refers, ornamentis exprimas, & clarissimis maiorum tuorum imaginibus plurimū decoris ac lucis apponas: postremò aulæ Cæsareæ, totiūque patriæ non uulgarem adferas utilitatem. Si libellus hic placebit, pro tuo candore communicabis adolescenti diuina indole prædito Maximiliano ab Iselstein, reliquísque sodalibus tuis, quibuscum tibi non tam generis, opum aut dignitatis, quàm eruditionis ac probitatis lōgè pulcherrimum certamen susceptum est. Bene uale. Datum Basileæ, Anno à CHRISTO nato, M. D. XXVIII.

5

DES. ERASMI ROTERODAMI
DE RECTA LATINI GRÆ-
CÍQVE SERMONIS PRONVN-
TIATIONE DIALOGVS.

PERSONAE.

VRSVS, ET LEO.

V R S V S. Sit fœlix occurſus, optime
Leo. nam totos ſex meſes te non ui-
di. L E O. Iſtuc non temerè preca-
ris, Vrſe. neque enim quibuſlibet bene
ceſſit occurriſſe Leoni. V. Næ uenu-

ſtè, Leo, imò ne Vrſo quidem. L. Iſtuc ſanè malo tibi
credere, quàm facere periculum, tametſi legimus Leo-
nem inter beſtias fortiſſimum ad nullius occurſum ex-
pauſcere. Cæterũ diuinæ literæ teſtantur eſſe formi-
dabilẽ occurſum Vrſæ, cui ſint erepti catuli. V. Quæ-
ſo quid loquuntur de Vrſa? L. Liber Regnorum ſe-
cundus ſic habet, Viros fortiſſimos & amaro animo,
ueluti ſi Vrſa raptis catulis in ſylua ſæuiat. V. Quid
præterea? L. Solomon parœmiographus hunc in mo-
dum loquitur, Expedit magis occurrere urſæ, raptis fœ-
tibus, quàm ſtulto confidenti. Et apud Oſee prophe-
tam ita minitatur Deus, Occurram eis quaſi Vrſa ra-
ptis catulis. V. Sit igitur impavidus Leo, quum be-
ſtia beſtijs occurrit. Nam ſiqua fides apologis, Leo be-
ſtia faſſus eſt formidabilem hominis occurſum. Nunc
ſæculum eſt aureum, quo Leonis Vrſo, Vrſi Leoni lætus

a. iij.

ac faustus est occurſus. Opportunè uerò catulorum facta mentione, mihi redigis in memoriam, ego tibi magnopere gratulor. L. Quo tandē nomine? V. Quòd tibi catulus domi natus eſt. L. Hoc omen auertant ſuperi, ut mihi catulus dominetur. V. Aio dómī nātum, audis accentum acutū in priore uoce, in poſteriore circumflexum. L. At iſtud magis etiam abominandum. An tibi uidetur canis? V. Minime, Leonem eſſe te non potes inficiari. Habent autē & Leones catulos. L. Habent proſecto, uerūm habent & Vrſi. V. Vera prædicās. nam Vrſula mea parit mihi plures catulos & catulas quàm uelim. L. Quot tandem? V. Quot? Examen eſt, iam pridē deſij numerare. L. Quur igitur mihi gratularis, quod in te ipſo deploras? V. Quia ſoles frequēter optare, ut tua Leæna pareret tibi leunculum: nunc habes optata. nos uotorum compoti gratulamur. L. At hic leunculus me iam nunc ſolicitum habet. V. Quid eſt rei? Nū puer habet malè? L. Nequaquam. Sed meditor efficiere, ut uerè catulus hominis uideri poſſit. V. Num forma prodigioſa fœtus eſt?

L. Nequaquam. Imò ſi uideas, dicas ſcitum infantem. At forma non facit hominem, quam habemus communem cum ſtatuis. Animo ſumus uel homines, uel beſtiæ. V. Vnde quæſo iſthæc inceſſit animo tuo cura?

L. Quia Galenus me docuit, hominem à cæteris animantibus, quæ uocamus ἀλογα, diſcerni non ratione, ſed oratione. V. Intelligo, metuis ne tuus infans, ſemper ſit infans. L. Nequaquam. Videtur enim ſatis linguax futurus, adeò nunc garrit, nimirum matrem referens. V. Quid igitur metuis? L. Quia uideo complures nō humana uoce loqui, ſed latrare cū canibus,

hinnire cum equis, grunnire cum suibus, mugire cum bubus, gannire cum vulpibus, stridere cum acadis, blaterare cum camelis, barrire cum elephantis, frendere cum apris, fremere cum pardis, gemere cum ursis, rudere cum asinis, balare cum ouibus, strepere cum anseribus, garrire cum picis, cornicari cum cornicibus, crocitare cum coruis, crepitare cum ciconijs, sibilare cum anseribus: denique quoduis animal referre potius, quàm humano more loqui. V. Næ tu, per anserē, uoces animantium probè tenes, nec prorsus abhorrent à uero quæ prædicas. L. Ad hæc perspicio, quantopere recta pronuntiatio commendet orationem, adeò ut interdum duobus eadem lingua pronuntiantibus, alter ueluti citharædus quispiam modulatissimè canens, aures omniū habeat intentas: alter molesto latratu tedium moueat omnibus, nec alia uideatur pronuntiatio, sed alia prorsus oratio, inuò quiduis potius, quàm oratio. V. Quod dicis, sæpenumero comperi experimēto. Sed tu mi Leo, præproperè curam istam suscipis. Tuus enim infans nondum uagire desyt, & tu sollicitus es quomodo loquatur? L. Ego nullam ætatem ad discendum arbitror immaturam, præsertim in his quibus discendis statim natura composuit, & ut ita loquar, finxit hominem. Quorū de numero cum primis sermo est. Nec enim magno negotio canum foetus discit adulari, aut leporem cursu petere. Mox ut natæ sunt simiæ, incipiunt gesticulari, protinus ut nati sunt aquilæ pulli, ad prædam gestiunt, & feliū catuli muribus insidiantur, equorum filij statim ad cursum properant, ut aues ad uolatum: non perinde successura re, si boui clitellas imponas, aut bubalum ducas ad certamen eque-

stre. Prouida natura primùm earum rerum docilitatē inserit, quæ cuique animati propriæ sunt, & ad uitam tuendam necessariæ. Dum enim repit puer, dum nihil humanæ uocis ædit, quadrupedi uidetur adsimilis, nec agnoscimus hominem. Verùm ubi iam nostra uerba meditari cœperit, tum demum ut ex nobis prognatum exosculamur. Et uidemus in pueris recens natis, uelut in psittacis, studium quoddam natium, ac uoluptatem etiam æmulandi, reddendique quod audierint tanta docilitate, ut prius auribus agnoscant consuetas uoces, quàm oculis dignoscant uultus. V. Istuc ego in meis catulis magna cum uoluptate frequenter animaduerti, risique. L. Præterea nihil uidemus in omnem ætatē hæerere tenacius, quàm quod rudibus illis annis, & cum lacte, quod dici solet, nutricum imbibimus. V. Sic est profecto. L. Proinde si cura fingimus tibias infantum ad gressum, si buccas, os, faciem ac reliquum corpus uincturis quasi formamus ad decorē, oculis etiam studio prospicientes, ne pæti, strabine, aut alio quopiam uitio deformes euadant: quanto magis curandum est, ut lingua studio nostro formetur, quum non aliud membrum sit uolubilius, & in omnia sequacius, tum ex hoc pendeat totius hominis decor ac fœlicitas: in summa, ut homo sit, non belua. V. Id satis declarauit noster Erasmus, qui nuper De lingua hominis linguacissimè scripsit. L. Proinde iam nunc circumspecto, si quem nancisci queam bonum poetam, cui mox catulum meum, dum adhuc uida est argilla, tradam in sinum, ut fari discat. V. Quorsum tandem opusest poeta, nisi fortè computationē instituis, ad quam si non adhibebis nisi bonos poetas, habebis admodum

rarum conuiuium? L. Equidem sequor monitorem Horatium, apud quem legi,
Os tenerum pueri, balbūmque poeta figurat.

V. Possunt quidem et istuc boni poetæ: uerūm Horatius, opinor, non adeo contempsit poetas, ut eos infantulis erudiendis uellet occupari, quod literatorum et grammaticistarum est munus. Sed quoniam poetarum scripta primum omnium ætati rudi proponebantur, unde æu per lulum, et lectionem, et pronuntiationem, et electissima quæque rerum uocabula discerent: sic à poeta dixit os pueri figurari, quemadmodum Demosthenes diceretur me Græcè docere, si quis Græcè peritus mihi Demosthenem prælegeret. L. Hic tecum non contendero: nam parui refert. Quamquam arbitror Philippum regem sapuisse, quum Alexandrum suum statim, ut natus est, tanto Philosopho traderet in gremiū. Bonum igitur grammaticum mihi quæro. V. Nec istius minus rari sunt hodie, quàm boni poetæ. L. Ridiculum, quasi grammaticorum non plena sint omnia.

V. Πολλοὶ βουκένται, παῦροι δὲ τε γῆς ὀρεῖταιρες. L. Imò tam uilis est ubique grammaticorum annona, ut tres minoris liceant, quàm unus cantherio. V. Rursus audies illud è Græcorum trinijs, Πολλοὶ τοὶ ἀθητικοὶ ὀροι, παῦροι δὲ τε βάρχοι: nisi fortè tu grammaticum esse putas, qui salutatus Latine citra solæcismum norit resalutare, nec in numero peccans, nec in casu, nec in genere uocis. L. Hoc nunc uulgo putant esse grāmaticum.

V. Atqui Quintilianus præter illas notissimas præceptiones à grammatico exigit enarrationem poetarū, cognitionem historiarum, peritiā antiquitatis, scientiam utriusque linguæ, copiam emendati lectique ser-

monis. Super hæc omnia, non satis est illi grammaticè dicere, nisi & Latine dicat, quorum illud è præceptionibus & analogijs petitur, hoc ex Latine loquentium consuetudine. L. Eadem opera exigit à grammatico cognitionem omnium disciplinarum, quandoquidem in poetis frequenter incidunt quæ ad musices, geometrices, arithmetices, astrologiæ, medicinæ mysteria pertinent: adde his si libet magicæ. Nam absquererum naturalium & cosmographiæ scientia, quis est locus in poetis, quæ rectè possit exponere grammaticus? V. Ut civiliter agas cum grammatico, nec exigas exquisitam harum rerum scientiam, certè rudem earum non oportet esse, quæ dignum censeas cui pueritiam credas instituendam. Nec enim quoniã grammatici est enarrare Arma virumque, protinus exigemus ut sit Pyrrhus, aut Hannibal: aut quoniam enarranda Maronis Georgica, sit peritus agricola: aut quoniam exponenda Aeneæ nauigatio, sit absolutus nauclerus, non magis quàm si tractet locum de re culinaria, flagitamus ut sit Apitius. Attamen quid dicet grammaticus qui prorsus nescit telorum machinarumque formas & usus, qui non intelligit figuras in ordinem digesti exercitus? His quidem rebus interfuisse, non parum contulerit: id si non contigit, ex libris authorum, ex eorū qui interfuerunt narratione, ex picturis, quantum grammatico satis est, discere licebit. Ad eandem rationem de cæteris sentiendum arbitror. L. Istud grammaticorum genus fortassis olim fuit, nunc obsoleuit. V. Prorsus, & ideo liberi nostri posteaquam apud istos penè consenuerunt, tales redeunt nobis domum, ut uix arboris, aut piscis, aut herbæ uerum no-

men possint ædere. Verùm si seria nobis esset reip. cura, nihil uetat quo minus & hæc secula sint habitura Seruios, Donatos, Victorinos, Terētianos, Asperos, Cornutos, celebriora nomina, quàm sint aliquot Cæsarū. nunc grāmatici cognomen penè sordidius est, q̃ pellionis aut aurigæ. V. De reliquis nescio, certè Asperos & Cornutos non deesse scio. Et tamē ex huius disciplinæ neglectu scatet orbi tā pudēda disciplinarū & optimorū authorū internecio, tamque fœda balbuties. L. Ad quos ista cura pertinet? V. Ad quos, nisi ad principes ac magistratus, aut certè ad præsules? L. Quā aliā ab his curam exigis? Nōne passim habēt ludos literarios? Nōne magnis prærogatiuis & immunitatibus principes ornant academias, designatis etiā iustis salarijs? Lutetiæ quot sunt collegia pueris erudiendis dicata? Ista præsulum est liberalitas. Fuisse unquam apud Anglos? V. Insulā omnem lustravi. L. Quàm illic uides regias collegiorum structuras: nec desunt amplius census prouocandis, alendisque iuuenum ingenijs. Ista principū ac præsulum est munificentia. Quid ultra flagitas? An expectas ut ipsi sedeant in ludo docturi pueros? V. Nequaquam, etiam si summum illū præselem Gregorium non puduit ludimagistrū agere. Duo quædam ab illis requiro, delectum magistri, & præmij pro merito docentis moderationem. L. Non satis assequor quid tibi uelis. V. Dicam crassiore Minerva. Ad huius aut illius commendationē quēuis ludo præficimus, ferè indoctum, interdum & moribus improbis, non huc spectantes, ut rei charissimæ, ciuiū liberis omnibus consulamus, sed ut unius famelici uentriculo prospiciamus, accuratius circumspectantes cui com-

mittamus unum equum, aut canem uenatorem, quàm cui credamus totius ciuitatis pignora. L. Haud multum aberras à scopo. V. Iam siquem nacti fuerimus dignum ea prouincia, nulla habetur hominis ratio, neque pilo fit pluris, quàm quiuis alius è plebe. Imò malunt bellum compotorem, quàm uigilantem pueritiæ formatorem. L. Quid hîc tu facturus sis, si tibi delegemus magistratum? V. Utinam delegetur. L. Creamus te Musis fauentibus studiorum dictatorem, cura ne quid Respub. literaria capiat detrimenti. V. Primum ex omni ciuium numero deligam mihi uirū ætatis non quidem decrepitæ, sed tamen prouectæ, uigilantem, industrium, bonæque fidei, qui maximam ætatis partē in hoc literarū genere non infœliciter transegerit. L. Quid si talē inter tuos nō inuenias? V. Accersam uel à Gadibus, ut aiunt. huic non præscribam certum salarij modū, uerū ea formula paciscar cum eo, qua conuiuator ille, cuius meminit Aristoteles, cum citharædo, sed fide meliore, quo diligentius fidelijque docueris, hoc plus feres à nobis præmij. Si fefelleris expectationem nostram, te ipsum magis, quàm nos fefelleris. Sin responderis, efficiam ut dicas tibi cum Rep. nequaquā ingrata rē esse. Si porro, quod optamus, etiā superaris, non patiemur, quod quidem in nobis erit, nostram benignitatem officijs tuis superari. Ad hoc certamen attingere bonis auibus. L. Quis istum deliget?

V. Quis alius, quàm ego dictator? L. Verū de arte negant rectē iudicare quenquam nisi artificem.

V. Fateor. L. At quid faciet dictator ipse literarum rudis, ut ferè sunt qui magistratum gerunt? V. Ex eruditorum suffragijs rem geram. L. Atqui hic rur-

sus faller delectus, si uel imperitus sit, uel prauè doctus, uel malæ fidei, is cuius iudicio niteris. V. Eñ deligam quæ fama potissimum commèdarit. L. Famam mihi narras? At paucissimis, ô bone, tutum fuit famæ credere. V. Colligerem eruditorum puncta. L. Eodem relabitur quæstio. Quid si pro eruditis eligas eruditionis ostentatores? quid si impostores? quid si sinistri iudicij homines? Nosti palliatos istos, sine quibus nihil rerû geritur. Improbitas, fuci, præstigiæ, quæstus omnia uitias, faciunt ut delectus sit difficillimus. V. Veris uincor, optarim te uana loqui. L. Sed ut foeliciter eligas, & in his quos selegeris, sint aliquot uerè docti, utri parti subscribes uariantibus sententijs? V. Maiori. L. Sed nunquam ea fuit, aut est, aut erit foelicitas rerum humanarum, ut quod optimum est, pluribus approbetur. V. Non mentiuntur omnia. Et uir qui sapit, qui que, ut Plautus ait, acutum habet in pectore, ex multis coniecturis aliquanto certius diuinat, quàm quiuis augur, aut aruspex ex auibus præpetibus & oscinibus, aut solistimis tripudijs, aut extorum fibris. postremo in re tam seria, non grauabor comprecari diuos, ut suo fauore rem bene fortunent. L. Cassianum opinor. V. Imò CHRISTVM ipsum. Nec enim illorû curam posuit, opinor, quos semel complexu suo dignatus, iussit ad se perferri, benèque precatus est illis: qui quod precatur, idè præstare ualet. L. Sed quas tandem coniecturas mihi narras augur & aruspex?

V. Exquiram num bonis prognatus, num liberaliter educatus, num proborum conuictu delectetur, num ipse probatis hominibus charus sit & amicus, num magis delectetur libris, quàm cõpotationibus, aledæue: ob-

seruabo mores, gestum ac sermonem hominis, an neque segni demissoque sit ingenio, neque rursus iracundo ac iactabundo. Denique contemplabor vultum, frontem & oculos hominis. L. Iam ex augure fies physiognomus. V. Dispicia quales enaserint, quos ille formandos susceperat. L. Hominis cordati sermonem audio. Nemo statuum faciendam locat artifici, nisi prius inspectis aliquot signis, quæ ex illius officina prodierint, & nos citra speciem omne liberos formandos temere cuius committimus, diligentiores in ære marmoreæ credendo, quàm in his quæ nobis chariora sunt, quàm sumus ipsi nobis. V. Rectè dicis. Ex tot igitur rebus an dubitas hominem non omnino stultum, & usu rerum edoctum, posse certo diuinare? L. Certius, opinor, quàm ipse Calcas Homericus. Verùm in re nõ magna uideberis magnam operam sumere: sic literatorem diligens, quasi deligas præfulem. V. Aliud sonant chordæ tui pectoris, uir egregie, aliud linguae plectrũ. An tu credis minus referre ciuitatis, ut sit probus pueritiæ formator, quàm ut sit probus Episcopus? Eadẽ est utriusque functio, nisi quòd hic fingit ætatem tencrã, ille iã adultam: atque ut par sit ars, literatoris operosius est negotiũ, & ob hoc utilius, quòd materiẽ fingit magis obsequentem digitis. L. Quid igitur superest, nisi ut grammaticum iisdem ornes insigniis, quibus Episcopum, unctione, chirothecis, mitra, gemmis, pedo, pallio?

V. Nihil absurdi fuerit, ò uir præclare, ut aunque rides. Quanquam quid refert? Habet ille pro pedo ferulam: & si magis placet regalis collatio, habet pro solio cathedram, pro fascibus & sceptro uirgam & ferulam. L. Adde pro satellitio pediculos. V. Leges

figit ac refigit pro suo arbitrato, pœnas sumit ac remittit: & quod est regali potestate sublimius, perpetuam agit dictaturam. nam illis dictare quotidianum est. L. Dictant nimirum usque ad raium interdū, capitisque uertiginem. Sed extra iocum, planè fateor nihil esse regno similius, quàm agere ludi literarij magistrū. Nec aliud spectabat Nero, si contigisset excuti regno, nisi ut alicubi ludo præfectus musicam doceret & literas. Nec moriturus aliud deplorabat, quàm quòd tantus artifex periret. Nec Dionysius sibi uidebatur prorsus regno spoliatus, posteaquā Corinthi ludi præfecturā esset adeptus. V. Utinam plerique nō sint tyranno similiores, quàm regi. L. Habes igitur grammaticum ex animi tui sententia: libet enim hoc fingere. Quo modo tractas hominem? V. Non sinā esse inter sordidos, sed optimis & honoratissimis quibusque ciuibus eū tradā, ut intelligat se uiuere in ciuitate, in qua uirtuti, rectēque factis habeatur honos. Nec tamen ad aliud munus uocari patiar, quàm suscepit. Sola ætas ingrauescens impetrabit illi rudem, sic tamen ut fruatur, sua uirtute & consilijs adsit, si minus queat opera. Currenti adhibebo antagonisten, qui citra contentionis amarulentiam uicissim & excite-
tur & excitet. L. Quid si gaudeat commutare locum, ut ferè est hoc hominum genus? V. Alligabo catenis aureis. L. Tui collegæ non patientur tanti constare ludimagistrum. V. Verum tu uidēris oblītus, quòd mihi paulo antè tradideris dictaturam. L. Sic est profecto. Exciderat, sed reddo dictaturā. V. Imò, si uis, iam pono magistratum, & collegis meis persuasurus sum, ut alibi potius, quàm hīc, sint frugales.

L. Quibus rationibus id efficies? V. Primum ostendā ex hoc fonte potissimum manare salutem, aut perniciē ciuitatis. Commemorabo quantum ex ærario depromatur in res penē nihili. L. Omitti poterat istud penē. V. Ad hæc quot canonicos alit una nonnunquam ecclesia, quorum singuli quotannis capiunt aureos quadringentos? L. Et eo amplius apud nos.

V. Non hæc eò dico, quòd illis inuideam. Dignos arbitror uberioribus præmijs, si suo fungantur officio. Sed illud mihi dicas, uelim, uter plus adfert momenti ad commodare ip. unus canonicus, an unus ludimagister? L. Ludimagister, si modo probus sit, plus adfert utilitatis, quam tres canonici, quamlibet in tēpli stationibus assidui. V. Quur igitur alter clarus, alter sordidus habetur: alter cum dignitate capit cēsus uberes, alter uix tantum ut famē effugiat? L. Vis igitur, ut ludimagistro duplū & dignitatis & cēsus decernamus?

V. Minime. L. At promeretur plus quàm triplum.

V. Dignitas ac præmiū paratum digno pariter atque indigno, inuitaret improbos ad prædā, quemadmodū nunc cōtemptus & mercedis exiguitas alienat probos.

L. Quid ergo facies? V. Ego hæc nolim muneri coniuncta esse, sed meritis & officio tribui, ac dispensari uerius quàm dari. L. Perdifficilis est provincia, & ad otium procliuēs sumus omnes. V. Eoque crebris adhortationibus ac munusculis excitarem hominis industriam, nec omnino committerem eam provinciam, nisi diligenter edocto, quàm arduum munus susciperet. Quin & sanctissimo iureiurando adigerē, quemadmodū olim magistratus tradebatur cōsulibus, præirē formula: Deuoneo me, meosque omnes, siquid sciens

fefellero. L. Adiunge & Iouem lapidem. V. Quid ni? Et siquid hoc etiam firmus. L. Quid si incidisses in impostorem? V. Eum pro suis ornare uirtutibus, ut nequis alius facile sciens idem auderet in posterum.

L. At noui ciuitates non in postremis celebres, ubi conducti professores insigniter eruditi, non inueniunt qui uel gratis audire dignentur. V. Ignauum hominum genus mihi narras, quod nuper sub umbra pietatis cœpit exoriri. hos ego ueluti fucos ab aluearibus abigerem. Quanquam & huius rei bona pars in professoribus sita est. Non enim minus est accendere studium adolescentiæ, quàm alere. Facile multa discit, qui discendi est auidus. Proinde non parum promouit, qui docuit amare literas. L. Istiusmodi doctorem optare procliuus est, quàm nancisci. V. Verissima prædicas, atque istud ipsum frequenter apud me demurari soleo. Multos incitat pietas, ut ex ultimis terræ finibus proficiantur Hierosolymam, magno rerû dispendio, nonnullo item uitæ periculo: quidam nudis pedibus, nonnulli etiam lorica cilicioue cutem affricantes Romam aut Compostellam adeunt. Multis hic inaccessit affectus, ut relictis omnibus quæ possident, dedant semet in arctissimum uitæ genus, puta Cartusiæ, Guilhermitarum, aut Brigidensum. Nec defuerunt qui sese in speluncam abdiderint, nunquam inter homines prodituri, nec solem hunc communem aspecturi. Ex tot hominum milibus mirum est tot seculis neminem existere qui gratis, suoque sumptu pueros formandos suscipiat. Si labor quæritur, hic laboris abunde est. Sin utilitas, quibus obsecro modis queas uberio- rem utilitatem adferre rei Christianæ? Sin pietas, quod
b.i.

tandem sacrificium Deo gratius offerre possis? Si benefacta metimur charitate, quid cōfert proximo, si Cōpostellam, Romam, aut Hierosolymam curras? Eos labores arbitror Deo gratissimos, qui cum plurimorū utilitate coniūcti sunt. Hi quū nusquā desint, quid attinet alios accersere, qui, siquid conducunt, uni conducunt, aut certè paucis, & his ad quæstum uerius, quàm ad pietatem. Reperiūtur qui suas opes largiter effundant extruendis templis: fateor pium esse sumptum. Verūm ex tot milibus demiror adeò paucos exoriri, quos inuet hīc esse benignos. L. Satis fœliciter ageretur cum rebus humanis, si uel pretio cōduci queant. V. Quid causæ? L. Quid nisi plerisque in rebus præpostera cæcāque mortalium iudicia? V. An his non putas esse medendum? L. Medêre mari, si potes, ut dulcescat. Sic sunt res & ingenia mortalium. V. Huc certè adnitendum, ut minus habeant mali, si, ut bene, perfici non potest. L. Licet quidem optare. V. Quid uetat quo minus & efficere? L. Nihil facilius, modo queas efficere ut sapiant homines. Nunc maxima pars mortaliū amat falli: adeò ut si desit qui id faciat, ipsi imponant sibi. V. Nimiū uera loqueris. L. Quin & illud obseruatum est mihi, uix unquam usu uenire, ut fidelis pueritiæ formator operæpretium ferat ex suis discipulis, quum norim multos pueritiæ corruptores, hoc est, qui non minus malè studijs illorum prospexerint, quàm moribus, hoc quæstu magnificè locupletatos. Sanè id fato quodam fit, siue ætatis illius inscitia, siue ingratitudine, ut iam non temerè uideatur Græcorum prouerbio dici, Beneficium non esse conferendum, nec in puerū, nec in senem: in hunc, quia perit antequam

gratiæ referendæ detur opportunitas: in illū, quia non meminit. addendū autem erat, quia non intelligit: & si intelligit, odit hoc beneficij genus. V. Aetas adferre solet iudicium. L. Fateor in nonnullis, in plerisque malitiam adfert. . V. Sic est, sed tamen nonnullis in tractanda ætate tenera deest dexteritas. Non enim satis est præceptorem esse doctum ac probum uirum: committas quædam & commoditas adsit oportet, qua & ferat ætatis, quam tractat, insitiā, & semet ad illius naturam accommodet, nutricum uidelicet exemplo. Quemadmodū medico non satis est nosse, quod pharmaci genus sit præscribendum, nisi sit artifex administrandi. nam & fallendus interdum est ægrotus, ut beneficium imprudens accipiat. L. Vnde tanta rerum humanarum infœlicitas? Pueri nec sentiunt beneficium, nec meminerunt: iuuenes non ferunt habenas: senes non referunt gratiam: & aiunt, quod mulieri benefeceris, ferè perire. V. Vnde? nisi ut Christianæ charitati nusquā deesset exercendæ benignitatis materia? quæ si desit, nihil effecerit humana prouidentia. Quin potius sæpenumero fit, ut quæ sunt summa cura, summæque ratione constituta, uergant in partem deterrimam. Quod enim ad scholas attinet, nihil olim uidetur prætermissum, quod hominis consilio prospici quiret. Institutæ sunt scholæ, quas ob omnium disciplinarū publicam professionem uulgus appellat Vniuersitates. In has & Romani Pontifices, & principes contulerunt quicquid potuerunt uel dignitatis uel munificentiae. Extructa collegia, digestæ disciplinae, designati professores, addita salaria, distincti incipientium, proficiētium, consummatorum gradus,

honores & emolumēta. Prospectū est & tenuibus, qui illic pleriq; dītescūt. Habēt rectorē, scep̄trigeros, cācellarios, cōseruatores, decanos, aliōsque magistratus. Quid quæris? Regnū quoddā esse dicas literariū. Iam de minoribus scholis nō segnius est habitā cura. Harū cura maiorū prouidētia bifariā partitā est, ut præcipua sit penes sacerdotū collegiū, altera penes magistratū. additus est peculiaris huius negotij præfectus, quē Scholasterē uocant, Scolarchus dici poterat, sub hoc ludimagistri. Et tamen tā sollicita prouidētia nō potuit efficere quo minus in omnibus ferē scholis seculis aliquot regnarit operosa barbaries. Proinde Ioannes Coletus, uir æterna dignus memoria, quum tēplo diui Pauli scholam puerilem addidisset, nulla cura magis torquebatur, quā in quos eius rei præfecturā delegaret. Episcopi iudicant hanc rem indignam sua sollicitudine. Scholasteres censibus recipiendis se potius, quā scholæ curandæ datos arbitrantur, & pulchrē sibi uidentur suo functi officio, si ludimagistros non deciment. In collegijs canonicorum ferē semper deterior pars superat. Magistratus uel iudicio carent, uel indulgent priuatis affectibus. L. Quid tandem consiliū reperit?

V. Hominem coniugatum, & liberis diuitem scholæ præfecit. Prouisionē delegauit aliquot è ciuibus laicis, quorū probitatem habere sibi uidebatur exploratā, ut ab his in hæredes proximos deriuaretur. L. Num ea prouidentia securum reddidit? V. Minime. Sed hic aiebat sibi uideri minimum esse periculi, ut tum habebant res humanæ. Vnde nunquam illorum iudicio potui subscribere qui uitijs hominum offensi, protinus tollendum censent quod institutum est, ueluti mona-

steria quidam cœsent abolenda, quòd in quibusdam collapsa sit uera religio: præsulum & canonicorum ordinem postulant abrogari, quòd nōnulli secus, quàm decet uiuant. Idem decernūt de ludis & pædagogijs, quia displicet quorūdam institutio: quasi statim quod in horum locum fuerit substitutum, aut cariturū sit omni crimine, aut in uitium non facilè possit degenerare. Quanto satius est id, quod rectè fuit institutum, sarcire, ad quædam interim conuiuentes, id quod eo facilius erit, si reputemus rerum humanarum conditionem, in quibus ut sint prosperrimæ, nihil est ab omni parte beatum, semper erit quod desideres, quod sarcias, quod instaures. L. Est igitur aliquid perspicere fontes unde scatet malum, deinde qua ratione liceat mederi. V. Ne recedamus ab instituto, huius mali præcipua pars mihi uidetur oriri ex publicis scholis, quas ambizioso uocabulo, ut dixi, nunc appellant Vniuersitates, quasi nihil absit bonæ disciplinæ tū ex monasterijs, præsertim ijs, in quibus instituuntur ad doctrinam Euangelicam, quod genus sunt Dominicanorū & Franciscanorū, & Augustineniū. In his enim adulescentes uix trimestri studio grammaticæ dato, protinus rapiuntur ad sophisticen, dialecticen, suppositiones, ampliaciones, restrictiones, expositiones, resolutiones, ad gryphos & quæstionū labyrinthos. hinc recta in adyta Theologiæ. Tales, ubi uentum est ad eos aucthores, qui utriusq; linguæ facundia præcelluerūt, Deū immortalem, ut cæcutiunt, ut delirant, ut sibi uidentur in alio prorsus esse mundo. Quoniā autem semel sumpto leonis exuuiio pudet insciam fateri, simul autem & pudet & piget neglecta discere, bellū indicunt

b. iij.

rectioribus studijs, & horū professores odio plus quàm
Vatiniano persequuntur. L. Istiusmodi multos nimū
cognitos habeo. V. Parentibus imperitis instillant in
aurē, ne sinant liberos suos friuolis studijs ætatem per-
dere, persuadentes in his & bonis moribus, & Chri-
stianæ fidei subesse naufragia. L. Nihil fingis. V. Iā
in collegijs siue pædagogijs quibusdam magna in hac
re cæssatio est. L. Quī sic? V. Si non reciperent nisi
iam grammaticæ rei peritos, nec aliud profiterentur,
quàm philosophiæ disciplinas, & eruditiores nobis da-
rent, & ipsi minus haberent negotij. L. Verūm, sed
& compendij minus. V. Rem acu tetigisti. Nunc quo
quæstus sit uberior, quamlibet elementarios ac prope-
modum ἀρχαῖους recipiunt. Tolerari poterat hoc,
si digestis ordinibus & classibus, in singulas artifices
idoneos præficerent, tū huic disciplinæ, cui ueluti fun-
damēto nituntur omnes, iustam curā, iustūque tēpus
darent. Nūc sophisticis argutationibus plus æquo da-
tur, & hæc disciplina, qua nō alia magis est necessa-
ria, uelut obiter & in trās cursu gustatur uerius, quàm
discitur. Moxque pueri rapiuntur ad titulos honora-
tiores, unde magistris plusculum accedit lucri. L. Ita
nimirum fit, ut qui plus æquo properant in initio, se-
rius perueniant quò uolunt. V. Nec huic professio-
ni suus habetur honos, quemadmodum cæteris. Alijs
enim honoris causa titulus additur à baculo, alijs à li-
centia, alij salutantur magistri artium, doctores medi-
cinæ, doctores iuris Cæsarei, doctores iuris Pontificij,
doctores utriusque: traduntur insignia, prærogatiuæ,
dignitas. At grammaticus nihil aliud est quàm gram-
maticus, quēadmodū calcearius nihil aliud est quàm

alæarius. L. Quos tu credis à baculo cognomen habere, equidem accepi à bacca lauri dictos. V. si res hæc tibi curæ est, dicam quod ex quodam hierophanta seu mystagogo talium rerum didici. L. Percipio.

V. Is attulit triplicem huius cognominis etymologiam, mea sententia non absurdam. A baculo, inquit, dicuntur bacularij, uel quod adhuc in pistrino laborantes, baculis impellantur iumentorum ritu, uel quod nondum in disciplinis absoluti, opus habeant rectore baculo. L. Probabile narras. V. Scis autem lauro baccas esse nigras & amaras. Porro quoniam id temporis etiamnum arrodentes amarum sapientiae corticem, nondum ad nucleum dulcissimum penetrarunt, bacca laureos appellari placuit. L. Istuc etiam probabilius,

V. Verum mystagogus ille tertiae sententiae palmam tribuebat. L. Quam tertia adferebat? V. Arbitrabatur dictionem compositam à uacca & laro, uaccalarius. L. Bella mixtura uaccæ cum aui. V. Imò probabis, si cognoris rem omnem. Scis aliquot nationes pro B sonare V consonantem, & contrarium. L. Noui. V. Et uacca lac porrigit. L. Añt. V. Et larus auis est auidiissima. L. Istuc me docuerunt Erasmi proueria. V. Idem de amabili illo sapientiae principe dictum est, Mel & lac sub lingua eius. unde quos uehementes quidam ardor huius lactis agit rapitque, uaccalarij dicuntur. L. Quin igitur capralarij dicuntur potius, quam lac caprinum à medicis praefertur bubulo? V. Quia plus lactis reddit una uacca, quam caprae tres, praesertim apud Phrygios. L. Pulchre quidem hoc expedisti. Sed unde Licentiae uocabulum? V. Et

Vaccalarius.

Licentia.

uelut ab omni honesta functione dimissis, eoque nōnulli-
tum se dedunt otio, quum maximè sint suscipiendi la-
bores. L. Idem error & me, fateor, hactenus habuit.

V. Atqui secus habet. Hæc licētia non ducitur à Licet
uerbo impersonali, sed à Licere, quod est ex eorum nu-
mero, quæ Græci uocant ἀνομιαν, quod genus est
uapulo, unde deductum licitari. L. Quis hoc diui-
nasset? V. Tum enim plurimi fiunt, & uelut à li-
citantibus accersuntur, alius ad aulam, alius ad curā
pastoralē, alius ad Abbatiam, alius ad opimam præ-
bendam: in summa, alius aliò. longum est enim om-
nia commemorare præmia. L. Scitè tu quidem ha-

Magistri
nostri.

ctenus. Sed unde magistri nostri? V. Honoris causa
Græcè dicuntur Theologi, Hebraicè Rabini, quod Latine
sonat magistri nostri. L. Intelligo. Talibus igitur
cognomentis honorandum censes & grammaticum?

V. Quidni tales, quales fuerunt Donatus & Ser-
uius, dicantur doctores grammatices, quum procliuius
sit uel in triplici iure doctoris nomen, quàm semel bo-
ni grammatici titulum promeruisse? L. Da Seruios,
dabimus honores. V. Imò tu da honores, ego dabo Ser-
uios. Honos enim non solum alit, uerum etiam gignit
artes. Adderem dictator & locum honoratum in con-
fessu, & insignia reliquaque debita uiris præclaris or-
namenta. L. An tibi parū est, si literatores insigniti
literis incedant ut Sami, quæadmodū aiunt? V. Ad-
derē & scholis ipsis munditiem ac dignitatem, quum
nunc uix sit hara porcorum sordidior. L. Puerisne
tantum honoris? V. At hi pueri templa sunt spiritus
sancti, in his plantarijs latent senatores, magistratus,
doctores, Abbates, Episcopi, summi Pontifices & Cæsa-

res. Quo infirmior est ætas, hoc plus addendū est honoris iuxta Pauli doctrinā. Postremo hi paruuli sunt, quorū unius cuiuslibet offensionem CHRISTVS uoluit atrocissimo supplicio puniri, & a sinis malè doctibus molam a sinariā alligari, itaque demergi non in arenam ripæ proximam, unde possent enatare, sed in profundū pelagus. Nunc quod est iniuriarū genus, cui non patimur imbecillē ætatem obnoxia esse? Nullus ferè tam abiectus, tū ineptus, tam insulsus, tam excors, tū indoctus est, quin uideatur idoneus formandæ pueritiæ, cuius leuior esset calamitas, si tantum aleret eiusmodi beluas, nisi pateretur & tyrannos. Nulli sunt enim plagosiores, quàm qui nihil habent liberalis disciplinæ. L. Sic & monarchæ si ratione careant, qua rempublicam administrent, ad uim ac tyrannidē confugiunt. Operosa res est imperare liberis, & compendiosa philosophia est dicere, sic uolo. V. Iam illud in pædagogis penè solenne est, ut aut tenues, quibus non est unde uiuant, aut puerum aliquem nudius tertius magistelli nomine donatum, pueris grammaticen docendis præficiant, tantum in hoc ut uiuat. L. An non piū existimas destitutis opitulari? V. At ista quidem humanitas in unum famelicum, in tot pueros magna est inhumanitas. Impia est eleemosyna quæ de rapina confertur: & ingratum sacrificiū quod ex prædatione datur. Malefica est beneficentia quæ cum multorum iniuria coniuncta est. Ut est interdum principum crudelis clementia, quum uni cuipiā condonant facinus plurimorum malo: sunt innumeræ uicæ, quibus famelicis consuli possit. L. Nascuntur interdum humillimo loco generosa ingenia, quæ rei familiaris

angustia submouet à liberalibus disciplinis. An nō humanitatis est hæc euehere? V. Maxime, sed cum delectu & citra cuiusquam iniuriam. Nunc ferè adsciscuntur ad hoc munus non alia commendatione, nisi quia cognatus est, aut conterraneus, aut compotor, aut alioqui notus, aut denique, quod est pietati proximū, quia miserabilis. At interim non miseret tot puerorū.

L. Plerique turpe putant quenquā semper in grammatices professione manere. V. Quinam id turpius, quā pictorem nihil aliud profiteri quā pictorem? Quāquam fieri non potest ut grammaticus nihil sit quā grammaticus, etiamsi in cæteris disciplinis non perinde excellat. Nā ut unus in omnibus emineat, nec à superis datum est, nec expedit uitæ mortalium, utcunque Græci iactant suum Hippiam. Tum enim cum rebus humanis fœlicissimè agitur, quū distributis uariè dotibus, amicitia, iuxta prouerbiū, facit omnia communia. Quid enim stultius, quā dicere manui, nihil aliud es quā manus: aut uētri, nihil aliud es quā uenter: aut tibie, nihil aliud es quā tibia: aut naso, nihil aliud es quā nasus? Et pulchrū est probri causa dicere grammatico, nihil aliud es quā grammaticus? Est aliquid & uentre contemptius, per quod eijciuntur crassiora corporis excrementa. Contemnat hoc qui uolet, & uideat quā floreat cætera membra.

L. Ista sunt euidentiora quā ut possim refellere. Sed ut ad profitendi rationem sese noster recipiat sermo, Non probas scholas publicas? V. Imò cum Fabio probo maxime, modò uitentur ea quæ uir ille non minus integer, quā eruditus uitanda commonstrat. Nec enim istos probo, qui obscuri ipsi, in obscurū angulum

contrahūt pueros, ac docēt impunè quodlibet. L. Lau-
dantur in hoc genere quidam, qui non ita pridem ex-
orti, mediū genus inter monachos & laicos, domi suæ
docendis pueris quæstum uberè facere dicuntur: quan-
quam hoc aucupium, & à monachis quibusdam affe-
ctari cœpit. V. Sua cuique sententia est, mihi displicent
in hisce rebus latebræ, lucem amo. Tum id genus
doctores ferè sunt αὐτοδίδακτοι, nonnunquam indo-
cte docti, nec sui iuris, & illiberaliter educati: ad hæc
alieniores à moribus sensûque communi. Quibus re-
bus fit, ut apud hos natiuus ille uigor & alacritas
ingeniorum frangatur, ac deiciatur ad habitum quen-
dam Pharisæicum, qui liberalem & ingenuam indo-
lem corrumpit, seruire quiddam & illiberale inserēs
teneris animis. Quin & illud non rarò uidemus, eos
qui ex talibus nidis emergunt, euadere cæteris insolen-
tiores, minus synceros, magis fucatos, minùsque libera-
les. L. Quid utilius, quàm ut prima statim ætas for-
metur ad pietatis disciplinam? V. Rectè, si pietas in-
rasuris, cingulis, pallijs, piscibus, & fabis morumque
tristitia, sita est. At uera pietate nihil est hilarius. Iam
ut hodie talis sit monachismus, qualis olim fuit, non o-
mnes huc aluntur, nec expedit imbecillem ueluti que
lactentem adhuc indolem immodica tristitia corrumpere,
quæ gignit seruire quiddam, & natiuam ingenuitatem uitiat.
Paulus non temere monet parentes, ne liberos suos amarulentia contristent. At istorum morosis
moribus scio quædā ingenia fœlicissimè nata, fuisse
perdita. Nā his potissimū imminet deiciēdis, quum ut
in equis, ita in pueris, sæpe fœlicissima sint ingenia,
quæ grauatim ferūt imperia. Itaque refingunt in asi-

nos, quoniam equis imperare nequeunt. Adde his & grauius malum. Si quem puerum uiderint indole candida, aut etiam re lauta, hunc studiosius frangunt ac deiiciunt, ueluti generosum pullum ad suæ uitæ institutum prædomantes: nec patiuntur abire, sed blanditijs, munis, terri culamentis, obtestationibus, horrendis narrationibus instant, urgent, obtundunt, donec uel ad se pertrahant, uel, si id nequeant, in aliū protrudant gregem. Quid autem facilius, quàm simplicem ætatem ac rerum imperitam uel fallere, uel terrere? L. An

istud faciunt? V. Non refero somnium: meum ipsius periculum narro. L. Quod obsecro? Num quando in

discrimen uenisti, ne fieres uir bonus? V. Educabar

✓ apud hos Deuenturi, nondum egressus annum decimum quintum. Eius sodalitij præfectus omnia moliri

cœpit, ut me ipsorū instituto addicerem: & eram alio-

qui puer ad pietatem propensus. Ibi pro mea puerili sapiētia excusabam ætatem, sed præcipuè uoluntatem

parentum, quorū iram serio metuebam, siquid illis inscijs tentassē. Hic ille uir egregius, ubi se uidet nihil

eloquentia proficere, admouet exorcismum. L. Quid fiet obsecro? V. Admouet imaginem crucifixi: ac mi-

hi iā flenti uultu entheo, Agnoscisne, inquit, hunc pro te passum? agnosco, inquam. Per hunc, inquit, te obte-

stor, ne committas ut frustra pro te sit mortuus, sed obtemperās meis consilijs, consulas animæ tuæ, nisi ue-

✓ lis in æternum perire cū mundo. L. Non deiecit puerum tanto ariete? V. Planè deiecisset, ni me parentum terror aliò retraxisset. L. Ista quidem uis est.

V. Quod mihi accidit refero, alij narrent quid ipsis acciderit. Nec dubito quin innumeri sint qui similia

pericula de se narrare queant. Accedit ad hæc quod huiusmodi ferè nihil habent commercij cum ethnicis authoribus. Cæterum quanquam non censeo Martialem, Catullum, Tibullum, aut siqui sunt horum similes, prælegendos ætati lubricæ: tamen ad antiquitatis & uenustæ dictionis cognitionem expedit præceptorem in omni ueterum genere diligenter fuisse uersatum. Sacratior quidem est liber Psalmorum, quàm Odarium Horati, sed ex his quàm ex illis rectius discitur sermo Latinus. L. Verùm, hoc hominum genus unde uelles parare uictum? V. Si nihil aliud, unde regius ille Paulus sibi parabat, consuebat coria. quanquam aliud est unum alere, aliud ditare multos. L. Prohibet sacerdotij dignitas. V. Sacerdotes sunt qui populo CHRISTI ministrant Euangelium. Quid si omnes fiant sacerdotes, num omnes uiuēt in otio? L. At sunt uiri boni. V. At non meliores Paulo. Verùm agnoscamus dignitatem, num otium adfert dignitatem? Scurrarū igitur & ludionum mira dignitas est. Otium laudem habet in Episcopis & clericis, quanquā id nihil minus est quàm otium, quum assidue uacent ediscendis edisserendisque scripturis, cognoscendis causis, componendis litibus, increpandis improbis, consolandis afflictis. Nullum est honestum otium, tantū in negotij genere discrimen est. An tibi iusta uidetur ab operis manuarijs excusatio, quod hypodiaconus sis aut diaconus, quum nullam operam præstes ecclesiæ, nec huc te pares ut præstare queas? Olim certè proprium erat monachorum operari manibus. Quod si causantur sordidum opificium: si non sordidarunt Paulum coria, non est quod illi metuant sordidum opificium.

L. Quod narras, idem frequenter audiui à uiris insigniter cordatis. Sed isti uacant precationibus. V. Vacent, labor non multum officit precationi. L. Illos certe probas qui constitutis sodalitijs alunt in studia tenues, quibus alioqui cum remo, stina & rastro res erat futura. V. His rebus quidam fortasse magis congruebant. Verum agetum, piæ mentis arbitror subleuandis pauperibus indulgere. Ad literas accersi nolum, nisi uigilanti cum delectu. L. Cur ita? V. Fateor ex subulco nonnunquam nasci regno dignum ingenium: sed ut paria sint ingenia, plurimum habet momenti liberalis educatio. Nec parui refert inter quos uerseris à puero. Ad liberales autem disciplinas prisca non admittebant, nisi bonis prognatos. Hic periculum est, ne uenter ille tect ad studia literarum, quos natura genuit alijs rebus. Iam si quorum indoles meretur ad hoc honoris uocari, simul accedere debet liberalis educatio, sic ut frugalitas adsit, non absit mundities. Nec oportet benignitatem esse sordidam, alioqui hoc non est alere, sed torquere. Sed de suis quisque liberis statuet quod uidebitur. Tum qua ratione uis institui? L. Primum discet expeditè sonare, deinde promptè legere, mox eleganter pingere. Deinde deligetur morum & ingenij formator, deligentur sodales proba indole. Alibi parcus error, non hic. Vtriusque lingue peritiam exacte perdisceat teneris statim annis. Dialecticæ non patiar esse rudem, nolum tamē ludicris illis argutis ad ostentationem repperitis torqueri. Rhetoricis aliquanto quidam diligentius, sed tamen citra superstitionem exercēbitur, scribēdi dicendique potius usu, quàm anxia præceptorum obseruatione. Sed prius Geographiam perdisceat accurat-

Ratio pueri instituendi.

te: Arithmeticæ, Musicam & Astrologiã degustasse sat erit. Medicinæ tantum addetur, quantum tuendæ valetudini sat erit. Nonnullus & Physicæ præbebitur gustus, non tantum eius quæ de principijs, de prima materia, de infinito ambitiosè disputat, sed quæ rerû naturas demonstrat. Quæ res agitur in libris de anima, de meteoris, de animalibus, de plantis. V. Nihilne de moribus? L. Hoc aphorismis instillabitur, præsertim ad pietatē Christianam & officia uitæ communis pertinentibus. V. Tot disciplinis oneras ætatem tenerã?

L. Faxo ut hæc omnia ludēs discat prius, quàm attingat annum decimumoctauum. V. Fortasse per artem notoriam. L. Nequaquam. V. Quî potest alioqui? L. Nihil est necesse, quemadmodũ uerè dictũ est, ut puer omnes disciplinas exactè discat. Quasdam gustasse sat est. Id magno fructu paruq; negotio fiet, si ex singulis præcipua quædam redigantur in compendium. Neque quicquã facilius discitur, quàm quod optimum est. V. Pulchrè narras. Sed unde compendiorum artifex? L. Iam hoc ago, nec ab uno petam omnia, sed in quo quisque præcellit, in eo deprecam illius operam. Ita meus catulus non ludet operam & impensam in friuolis, aut dediscendis, in quibus hodie, deum immortalē, quanta pars ætatis perit! Vbi iactis huiusmodi fundamentis peruenerit ad annum decimumseptimum aut octauum, ipse sibi deliget studiorũ ac uitæ genus, ad quod se senserit natura magis compositũ. Vix enim fœliciter cedit, ad quod quis reluctante genio protruditur. V. Utinam istam rationem amplectantur publicæ scholæ. Nihil esset iuuentute fœlicius.

L. Arbitror tibi frequenter ex maioribus auditum,

fuisse tempus quo pueri multis annis discruciantur modis significandi, & quæstiunculis ex qua ui, & alijs indoctissimis nænijs, magnâque ambitione dictabatur, ediscebatur, exponebatur Ebrardus & Florista: quod supererat temporis, ridiculis uersiculis transigebatur: Ioannis Garlandini Græcolatina disticha prælegebantur a sudantibus, Catholicon in omnibus templis habebatur. V. Infœlix profecto seculum. L. An tu credidisses unquã fore, ut apud Britannos aut Batauos pueri Græcè garrirent, Græcis epigrammatijs non infœliciter luderent? V. Citius credidissem ruiturũ cælum. L. Tanta rerum mutatio mihi spem facit fore, ut unaquæque professio, repurgatis his quæ magis faciunt ad quæstum & ostentationem, quàm ad eruditionem, tantum ea compendio doceat, quæ digna sint cognitu. V. Istuc equidem uehementer opto. Nam nunc uideo quosdam adeò propensos in has politiores literas, ut fastidiant liberales disciplinas, quasi summa studiorum sit emendatè loqui. L. Vera narras. Verùm hæc est rerum humanarum conditio, quum ad summum peruenerint, non corriguntur, nisi in diuersum detorqueas, ac propemodum uitio uitium emendes. Cæterum arbitror hanc prauitatem aliquando in suum statum redituram. V. Nihil existimo desperandum, posteaquam scenam rerum usque adeo mutatam uideo. Tantum uereor, ne nobis quidẽ sero contingant ista. Verùm hic sermo nobis propemodum extra causam fertur, optime Leo. L. Quis sic? V. Quoniã nobis hæc, ut dicebam, præpropera cura est. Nos enim de publico iuuentutis formatore loquimur, tuus infantulus adhuc inter matris ac nutricum sinus repit. L. Verùm, sed

ab his initijs prima facundiae rudimenta Rhetores au-
 spicantur. Nam Quintilianus, ut Gracchorum admi-
 randam eloquentiam nonnulla ex parte acceptam re-
 fert Corneliae foeminae supra sexus modum eloquenti,
 ita Lælij & Q. Hortensij filiam scribit in dicendo pa-
 ternam elegantiam retulisse. V. Hæc illis temporibus
 rectè præcipiebantur, quum Latinè Græcæque loque-
 rentur etiam infimæ plebis opifices, æquè atque docti,
 nec sermonis genere differebant, sed sermonis elegan-
 tia. Nunc à parentibus ac nutricibus quid discere pos-
 sunt infantes, nisi uulgatam suæ gentis linguam, pu-
 ta Gallicam, Hispanicam, Germanicam, Britannicam,
 aut Sarmaticam? L. Rectè mones. Utinam uniuersum
 mortalium genus duabus duntaxat linguis utere-
 tur. V. Quibus? L. Græca & Latina. V. Quid de
 lingua Hebraica? L. Eam, quoniam nec admodum
 latè patet, & ut apparet, nec ab ipsis Hebræis satis
 tenetur, Iudæis ac Theologis relinquere. Simulque ue-
 reor nequid Iudaismi cū literis imbibat puer. V. Ea-
 dem opera uerere nequid paganismi combibat ex Ho-
 mero, Demosthene, Virgilio & Cicerone. L. Et hoc
 pro uiribus curabitur. Verum unde, quæso, nobis tot lin-
 guarum myriades? V. Non nouum hoc malum est,
 ô præclare. Nam olim à diluuiio, quod Noe temporibus
 accidit, prisci mortales, ne simili calamitate dissipa-
 rentur, coctilibus lateribus & bitumine uice calcis ad-
 hibito, ciuitatē extruere adorti sunt, & in huius me-
 dio turrim immensæ molis, quæ pertingeret usque ad
 cælum. L. Vnde tanta bituminis uis? V. Non coque-
 batur ex animantium pellibus cornibúsue, nequid er-
 res, sed in eâ regione lacus immensi scatent bitumine.

Iam structura penetrarat nubes. Erat autē hominum immensa uis, neque quisquam omnium uacabat operis portione. Illic prorsus euenit quod habet Græcorū prouerbiū, ἀμας ἀπ' τοῦ, οἱ δ' ἀπ' πρὸς τὸ σκάφας.

L. Quinam? V. Aliquis è longinquo petebat obsonium, alter adferebat lateres. Rursus alius inclamabat sitiens, adferte potum, alter deferebat bitumen: priusquam ille recurreret, hic fame sitiue perierat. Rursus alius postulabat ignem, deferebatur aqua. Hic petebat trullam, ille ferebat cucurbitam. Tandem fatigati tædio, structuram omiserunt: dūmque se sibi mutuo ludibrio esse crederent, alij aliò demigrarunt, ut quosque iungebat lingua communis. L. Isti narrationi concinit OEdipodis, opinor, ænigma, de animante, quod primum quadrupes est, deinde bipes, tandem tripes, quòdque uocibus omnium animantiū sonet, pèrque omnia uolitet. V. Eandem ob causam Homerus homines μέγας appellat, ob uocis uarietatem. L. De linguarū igitur, ut uideo, diuersitate nulla spes est. V. Ne expedit quidē uulgo committere, quod syncerū ac perpetuū esse uelis. Olim bona pars Europæ & Africae, cum Asia minore Latine Græcæque loquebatur. Quot barbaricas linguas nobis uulgus ex una Latina reddidit? Quot discriminibus sectus est Italiae sermo? quot Galliae, quot Hispaniae? Præstat igitur has linguas, quibus maxima ex parte cōmissæ sunt disciplinæ, tantum ab eruditis seruari, quarū integritas non à populo, pessimo rerum bonarum custode, sed è libris eloquentum scriptorum petatur. Verum illud explica quur ea quoque sollicitudo tenet animum tuū, ut leuinculus tuus promptè legat, nec inscite scribat?

L. Quoniã id uideo Fabio quoque cum primis fuisse curæ, & simul utrūque disci potest. nam utraque res alteri auxilio est. Scripturã enim ineptam eadem sequuntur incommoda, quæ malã pronuntiationem. Vel Ciceronis orationem scribe literis Gotticis, solæcam dicēs ac barbarã. Fit igitur ut aut gratiam amittat quod scriptum est, aut omnino reijciatur, aut lectorem defatiget tædio. Consequitur autem ut nec doceas non intelligētem, nec delectes ægrè legentem, nec persuadeas enecto molestia. Et scis quàm sint morosa quorundam ingenia, præsertim si scribas occupatis, aut de re per se parum amœna lectori. Quis enim diu possit auscultare balbutientem, cuius sermonem ægrè percipias? Contrà uix credi queat quantopere commendet rem, elegans, dilucida, distinctãque scriptura, Latinis elementis Latina uerba repræsentatibus. Olim in scholis praeque dictabantur excipienda discipulis, ita fiebat ut celeriter scriberent pueri, sed incommode notulis & abbreviaturis compendium aucupantes. Nunc typographorum ars facit ut eruditi quidam ne scribant quidem omnino. Nam siquid suarũ lucubrationum literis mandare uisum est, tam bellè pingunt, ut ipsi nõnunquam non possint legere quod scriptum est, & ab amanuēsi flagitent ut legat, agnoscatque quod ipsi non agnoscunt. Quin & in epistolis principum exemplo, complures utuntur amanuensium opera. Sed quid illi facient in epistolis arcanis quales frequenter incidunt etiam regibus? ut onuttam quod interdum ad auctoritatem, interdũ ad gratiam facit agnita manus. Nonnihil habebat momenti, quod Paulus apostolus Galatis epistolam totam αὐτοῖς αὐτοῖς misit. Quis non reue-

c. ij.

reatur, si rex sua manu descriptam mittat epistolam? Quomodo autem exosculamur, quoties ab amicis aut eruditis uiris literas accipimus ipsorum articulis depictas? Tum demum ipsos coram audire, coram intueri uidemur. Quid multis? Epistola digitis alienis scripta, uix epistolæ nomen promeretur. Multa de suo addunt amanuenses. Et si dictes ad uerbum, tamen abest illud secretum, & quædam aliter pronuntias, nonnulla suppressis, ne conscium habeas quem nolis. Non est igitur hoc liberum cum amico colloquium, ne quid interim loquar de fide scripti. Subscriptionem effingere facillimum est, totam epistolam perdifficile est. Habet enim singulorum ut uox, ita manus quoque quiddam suum ac peculiare. V. Quod dicis quemadmodum mirum, ita uerissimum esse fateor. L. An parum interesse censes, utrum ore suo quis referat tibi mentem suam, an per internuntium demandet? V. Plurimum refert, meo quidem animo. L. Mandatarius ille fieri potest ut mentiatur, ut quædam prætermittat, ut aliter referat, quam accepit: postremo ut optima fide referat omnia, oculorum, frontis, uultus & uocis energiam non potest exprimere. V. Persuasisti, plurimum ad rem facere si puer statim discat quam optimè scribere, non solum ob causas, quas tu quidem grauissimas commemorasti, uerum etiam ob id, quod facilius ac libentius scribit qui scitè didicit scribere. Habet enim elegans scriptura non aliter, quam insignis pictura suam oblectationem, quæ tum scribentem in opere, tum legentem in studio remoratur. Verissimum est autem hic & illud quod dicitur, rectè scribendo fieri ut celeriter scribamus, non multum scribendo ut bene. L. Supere est igitur ut inquis-

ramus qua ratione fieri possit ut puer & bene & æ-
 leriter discat scribere. V. Eadē cura me quoque iam-
 pridē torquet. Nam optarim ex tot ursinis catulis unū
 atque alterum sic educari, ut ex homine prognati ui-
 deri possint. L. Ergo communica siquid habes. V. Ex
 me quidem nihil habeo: cæterum quod ex alijs accepi,
 si uoles, qualecunque est, proferam in mediū, sed hac
 lege, ne tu cæles uicissim, siquid habes rectius. L. Pol-
 licæor. V. Nuper interfui conuiuio grammaticorum,
 opinor fuisse plures duodecim, diceres non modò iustū,
 sed & frequentem senatum. Ibi de rebus huiusmodi fe-
 rebantur suffragia. L. Conueniebat inter illos?

V. Adeò, ut rē pulchrè gestam arbitrarer, si ἀπαυων
 dimissum fuisset consiliū. Nunquam uidi calidiorē
 de re frigida concertationem. Longa rixa fuit, quot es-
 sent orationis partes, alijs octo in quindecim proferen-
 tibus, alijs ad pentadem, alijs ad dyadem contrahen-
 tibus. In prælijs quamlibet acribus nox ingruens solet
 conflictum dirimere: hi medio conticinio fortissimè uo-
 ciferabantur ad ipsum usque galliciniū. Nec satis om-
 nium memini: si iubes, referam quantum hæsit memo-
 riæ. L. Mihi quidem pergratum fceris. V. Aggre-
 diar, & quidem præposterè. Nam sonare primum est,
 proximum legere, tertiū scribere, de quo primo dicam
 loco. L. Hic quidem nihil refert. V. In primis uie-
 bant curandū ut puero statim exemplum quàm abso-
 lutissimum proponatur quod effingat. Nec quicquam
 uetat quo minus idem sit imitatu facillimum. Nam uul-
 gus scribarū flexibus, connexionibus, appendicibus, si-
 milibūque friuolis ductibus, quibus uelut animi gra-
 tia lasciuunt, multum difficultatis addunt scripturæ,
 c. iij.

Scribere di-
 scat puer.

*fructus omnino nihil. Annon uides quanto Gottorum manus olim fuerit operosior Romana, & hodie Gal-
lorum ac Germanorum, quàm Italorum? L. Atqui
Græcis successit ista literarum connexio, in minusculis
duntaxat. V. Quid enim istis non succedit? quan-
quam & hanc affectatam esse nolim, multo minus fe-
ram scripturā crebris notulis decurtatam. L. Ne La-
tini quidem prisca notulis huiusmodi caruerunt. Qua-
de re Probus grammaticus etiam librū reliquit. V. Fa-
teor: sed in paucis dictionibus, numerorum, ponderū,
mensurarum, & aliorū quæ solent identidem in ser-
mone recurrere. Quanquam hoc quoque compendiū,
multum inuexit dispendij studijs. Nam in huiusmodi
notulis ut est procliuis notariorum lapsus, ita restitutio
perdifficilis, quod idē usu uenit in Mathematicis, qui
formis elementorū signant suas *ὑποδείξεις*. L. Perge.*

V. Primum igitur erit singulas elementorum figuras
effingere, minusculas simul & maiusculas. L. Qui-
dam in elementis affectant obsoletam antiquitatem,
uelut ē duodecim tabulis petitam, aut siquid his anti-
quius. V. Isti non minus absurdè faciunt, quàm fa-
ciunt ij, qui uerbis iam olim desitis delectantur, perim-
de quasi cum priscis Aboriginibus, aut Euandri matre
loquantur. L. Etenim si rem ab Assyrijs ac Phœnici-
bus Cadmóque repetas, nec formas, nec sonos eosdem
comperies. Sunt & qui suum quoddam scripturæ ge-
nus affectant, ita scribes Latina, ut parū exercita-
to Græca uideri possint. V. Ridēdos mihi narras, non
imutandos, nisi fortè placent Apuleij & Sidonij, aut, ut
recentiores attingam, Baptistæ Piij, qui, quum suppetant
probata, splendida, accommodaq; uocabula, tamē con-

fictis impudenter nouis malunt suo more loqui, perinde quasi nihil possit esse præclarū quod sit usitatum.

L. At quod tandem formularū genus maximè probas? V. Maiuscularū absolutissimum exemplum est in nomismatis Romanorū, quæ temporibus Augusti, & aliquot post hūc seculis excusa sunt, præsertim apud Italos. Nā in prouincijs artificum imperitia non perinde respondent. Minusculas undelibet suppeditat Italia, nisi quòd ex omnibus eligendæ, quæ & simplicissimæ sunt, nec ita multum recedunt à maiusculis. Tantundē de Græcis præceptum esto. L. Quibus in rebus potissimum situs est literarum decor? V. In quatuor, *Literarum decor.* in figura, contextu, serie & proportionē. L. Figuram ostendisse satis est? V. Non est. Proderit & partium ductum ostendere, & quomodo parti pars adapte-
tur indicare. L. Dic, oro te, clarius quod mones.

V. Per longum sit, Leo, de singulis differere: dabo specimen unde cætera coniicias. L. Expecto. V. Alpha *A* maiusculum Græcis ac Latinis simili figura signatur. Huius sinistra linea paulo subtilior, calamo transuerso ducenda à summo ad imum: dextra, crassior plano, quemadmodum & transuersa, quæ uidetur addita, ne nullum sit discrimen inter Alpha & Labda Græcum. Hæc admonitus puer facilius imitabitur, quàm si tantum ostendas figuram. L. Sanè rectè. V. Alpha *a* minusculū uariè pingitur, sed cōmodissimè si primum *a* pingas o oblongū, dorso supernè ueluti gibbo nonnihil prominente ad dextram, deinde ab illius summo in gyrū commodè flexo calamo, mollem addas semicirculū, infernè nonnihil inflexum o, α. Item b minutulum si uelis pingere, ducenda est ex alto recta linea, *b*

id primū est. huic annectendus semicirculus, hoc est, in-
 uersum ^o. quod si infernè hiet, fiet h aspirationis nota.
 Eidem columnæ si addideris lineā infractam, erit K.
 Rursus eadē si infernè promineat extra uersum, et
 addideris ad dextrā inuersum ^o, fiet p. Si ad læuam
 rectum c, erit q. Si nihil annectas lineæ sursum pro-
 minenti, erit l, nisi quòd infernè paululū inflectitur,
 quo differat ab l maiusculo. L. Sat est, habeo speci-
 men, reliqua per me coniecto. V. Supereſt formularū
 uarietas, quæ maior est in Græcis minutioribus. Deim-
 de notulæ decurtatarū dictionum, quæ res magis perti-
 net ad promptè legendum, quàm ad rectè scribendū.
 Sed primis initijs magis congruunt simplicia. Huic
 exercitationi succedit contextus: refert enim quam li-
 teram cui iungas. Quædam enim se non sustinent con-
 tingere, quædam gaudent contactu, quædam sibi met
 implicantur, ueluti p et o refugiunt contactum: f, g, t,
 et fortassis aliæ nonnullæ, quibusdam annecti gaudent,
 ut grande facinus, flagitiū, traxit. nec tamen hæ mi-
 ſcentur quibuslibet. Græci in pingendis minusculis fœ-
 liciter lasciuiunt, literas aliquot inuicem complicantes.
 Idem et in maioribus tentatum, sed apud Græcos non
 temerè nisi in notis numerorū, ueluti quum signantes
 quinquaginta, Delta minusculū includūt py, [Δ]. Apud
 Latinos tentatum à multis non successit. Profuerit igitur
 nouo scribæ, si has formarum uarietates non solum
 pictas, sed et pingi conspiciat. L. Super his, ut cun-
 que minuta sunt, admoneri gaudeo. V. Post hæc de
 serie disputabant, ut intra rectas lineas decurrāt uer-
 sus, ne scriptura sit similis Sibyllæ folijs, et iuxta Plau-
 tinum iocum, litera literā scandat. Nihil hac inæqua-

litate deformius. L. Ad istū sanè modū scribit uxor mea. V. Iā bona pars artis est in proportionē. Ea sita est, partim in partibus figurarū, partim in prominentijs, partim in internallis. L. Ista non satis assequor.

V. Nihil aliud accipies, quàm specimen rei. A maiusculū constat tribus lineis. Itaque ad symmetriā pertinet: ut transversa æquali spatio distet, & à summo & ab imo. Rursus indicandū quanto spatio distet inum sinistrae lineæ ab imo dextrae. Finge triangulum æquis lateribus: si detrahas imam lineam, eāque certa portione decurtatam transseras in mediū, habebis Alpha. A

L. Intelligo. V. Item in B, erectæ lineæ æu columnæ duo ueluti uētres annectūtur, sed inæquali tumore: cui si desit sua symmetria, offendit figura. L. Sic est profecto. V. Eadē est ratio in partibus quæ prominent, aliæ sursum, aliæ deorsum, uidelicet ut l, sursum emmens, & p, deorsum, tantum habeant longitudinis extra uersus spatiū, quantum intra: c, uerbi causa, implet rectum spatiū, huic annexa lineæ ut fiat q, duplicet illud, aut certè minimo superet. Hic enim non artem tradimus, sed exemplū adducimus. L. Mihi quidem satis est. V. Porro internallū bifariam consideratur. Alterum est quod dirimit uersum à uersu, alterū quod literam à litera: addo si uelis tertiū, quod dictionem à dictione, quod comma à commate, colon à colo, periodū à periodo, simul ascriptis notulis, quibus distinguuntur. Ut autem obseruata proportionis ratio non hic tantum plurimum confert ad decorem, ita recta distinctio credi uix potest quantum adferat lucis ad intelligendam sententiā. ut non inscite dixerit eruditus quidam, aptam distinctionem, commentarij genus B

membranis pingitur, alia scribendi ratio est. L. Et antiquitus folijs, arborum codicibus, aut linteis cerussatis, aut alioqui leuiter incrustatis inscribebant.

V. *Et nunc sunt qui in tabellis puluere oblitis stylo æreo argenteoue scribant. Sed præclarus artifex varias rationes comminiscetur, quibus puerili studio subueniat. Quarum una est, si perfectum exemplar membranæ pellucidæ supponatur, super quam puer calamum ducat sequens subiectas lineas. Altera est, si scribendi peritus stylo argenteo cupreoque uestigia literarum imprimat chartæ, deinde puer per eadem lineamenta ducat calamum, aut pennam atramento madentem. Eadem erit utilitas si succo ligni cuiusdam figuras præscribas, leuiter purpureas, quas puer tegat atramento. Hic prioris scripturæ uestigia coarquant, quantum sit aberratum à præscripto. Iam quidam utuntur tabulis, in quibus fila, fidæ sue glutino affixæ, linearum uestigia chartis admotis imprimunt. Eares ad figurarum speciem non ita multum confert, plurimum tamen conducit ad rectitudinem uersus, et ad harmoniam partium supernè inferneue prominentium. Id commodissime fiet, si singuli uersus signentur quatuor lineis, æqualibus internallis inter se distantibus, intra duas medias ducentur ipsa literarum corpora: quæ uerò prominēt sursum ac deorsum, intra suum modum cohibebunt extremæ duæ. Eadem arte licebit æqualibus spatijs dirimere uersum à uersu. Verum ut his adminiculis prodest exerceri puerum, ita non expedit semper his niti: sed ubi iam profecerit, consuescat absque cortice nare, nec semper linearum ductum desideret. L. De scribendo uideor mihi propemodum sa-*

tis instructus. V. Vnum illud addā, hæc ita tradenda pueris ut se ludere putent, non studere. Quidā enim hæc tanta docent acerbitate, ut pueri prius discant odisse literas, quā nōsse. Ad hæc innabit ad picturā interim nonnihil exerceri puerum: ad eam artem plerique sua sponte feruntur, dum gaudent & exprimere quod agnoscūt, & agnoscere quod ab alijs expressum est. Ut autem qui musices periti sunt, rectius pronuntiant etiam non cantantes: ita qui ducendis in omnem formam lincis digitos habet exercitatos, mollius ac foelicius pinget literas. Siquid super his requiras subtilius exactiusq;, extat liber ALBERTI DVRE-
 RI, Germanicè quidē, sed eruditissimè scriptus, in quo prisca huius artis heroas imitatus, nominatim Pamphilum natione Macedonem, quum omnium literarū, tum Geometricæ & Arithmeticæ egregiè peritū. Nam sine his disciplinis artem absolui posse negabat: ad hæc Apellem, qui & ipse ad Perseū discipulū de arte sua conscripsit, multa præclare tradit de mysterijs graphicæ, ex Mathematicorū petita disciplinis, & in his non pauca de figuris elementorum ac ductibus, proportionēque literarū. L. Dureri nomen iā olim noui, inter pingendi artifices primæ celebritatis. Quidā appellant horū temporū Apellem. V. Equidem arbitror, si nunc uiueret Apelles, ut erat ingenuus & cādidus, Alberto nostro cesserū huius palmæ gloriā. L. Quī potest credi? V. Fateor Apellem fuisse eius artis principem, cui nihil obijci potuit à cæteris artificibus, nisi quòd nesciret manum tollere de tabula. Speciosa reprehensio. At Apelles coloribus, licet paucioribus minusque ambitiosis, tamen coloribus adinuabatur. Du-

Albertus
 Durerus.

rerus quanquã & aliàs admirãdus, in monochromatis, hoc est, nigris lineis, quid non exprimit? umbras, lumen, splendorem, eminentias, depressiones: ad hæc, ex situ rei unius non unam speciem sese oculis intuentiũ offerentem. Observat exactè symmetrias & harmonias. Quin ille pingit, & quæ pingi non possunt, igne, radios, tonitrua, fulgetra, fulgura, uel nebulas, ut aiũt, in pariete, sensus, affectus omnes, denique totum hominis animum in habitu corporis relucẽtem, ac penè uocẽ ipsam. Hæc fœlicissimis lineis ÿsque nigris sic ponit ob oculos, ut si colorẽ illinas, iniuriã facias operi. An non hoc mirabilius, absque colorũ lenocinio præstare, quod Apelles præstitit colorũ præsidio? L. Non arbitrabar esse tantum eruditionis in arte pingendi, quæ nunc uix alit artificẽ. V. Non nouĩ hoc est, in singnes artifices tenui re esse. At olim inter artes liberales numerabatur graphiçæ, nec hanc discere licuit nisi claris, mox honestis quidẽ concessa, cæterũ uetitum ne seruitijs traderetur. Principũ est ignominia, nõ artis, si caret suis præmijs. L. Sentio quantum ad omnem facultatem parandam habeat momẽti, statim optimis præceptionibus admonitum esse. V. His coniũcta est legendi cura, cuius celeritas, nisi primis statim annis paretur, non temerẽ contingit homini, quantum uis adnitatur. Vix autem fieri potest, ut lectione delectetur, qui legendo hæret ac laborat. Proinde, ut qui parum expeditẽ scribunt, ad dictandi compẽdia confugiunt: ita qui difficulter legunt, aut in totum abstinẽt a libris, aut si quid coguntur scire, lectorẽ accersunt. utrobique perit illud secretum quod præcipuè alit ingeniũ, siue tuas cogitationes mandare literis pares, siue magnorũ

De rectè
propteq; le
gendum.

uirorū cogitationes uelis cognoscere. Ut autem puer statim per lūsum agnoscere discat literarū figuras, rē adfero dictū humilem, sed tamen à summis uiris traditam. Profuerit eas crustulis exprimere, ut diuinanti nomen elementi, præmium sit ipse cibus. Hoc Flacci consiliū est. Fabius aliud indicat huic simile, ut ex ebo-
re fingantur literarū formæ, atque ex his lusus aliquis pueris gratus proponatur, qualis est nucum, aut talorū, aut si quod aliud genus, quod nisi cognitis ac nominatis elementorū uocabulis peragi non queat. Quam ad rem accommodatissimus latrunculorū ludus, quē hodie Scacorum uulgus appellat, sic ut hinc Græcæ, hinc Latinae literæ inter se concurrerent, nisi quod operosior est, quàm ut ætati primæ conueniat, adultioribus aptissimus. Idem efficient munuscula, quæ puerorū uestibus ornatus gratia affiguntur, aut in manum dantur, ut cum uoluptate intueantur, contrectent ac nominent. Videmus ætatem illam affici uoluptate, si in picturis agnoscant hominis, aut animantis, alteriū sue rei figuram ac nomen reddant. Simili illecebra poterunt et ad literas agnoscendas irritari. Mox ad syllabarū connexionem progrediendum, hinc ad dictionum complexum, postremo ad orationis structuram. Ea res ferè constat memoria, quam uolūt esse certam, eoque negant primæ fidendum, sed nunc recto, nunc inuerso, nunc confuso literarū, syllabarū ac dictionum ordine: repetenda subinde eadē et inculcanda, donec certam legendi facultatem et expeditam paratam esse con-
terit. Nec ante tempus affectanda celeritas, quò fit ut multum adferat moræ lectioni incogitans festinatio, dū auditor dubitat quid legerit, dum auribus non asse-

Quomodo
pueri docē
di literas a
gnoscare.

quitur lingua properantem, dum quædam intermit-
tuntur, quædam perperam sonantur, unde dū uel alijs
reuocantibus, uel ipse tibi diffidens repetis multa, non
parum dispendij secum adfert malè captatum compen-
diū. Prima cura sit, ut attentè, ut emendatè legamus:
cæterum ut idem faciamus expeditè, nec cogitantes, ac
uelut aliud agentes, dabit usus. Id quod scitè præcæ-
pit Fabius, Certa sit, inquit, in primis lectio: deinde con-
iuncta, & diu lentior, donec exercitatione contingat
emendata uelocitas. L. Ista præceptio non hîc tantum
ualet. V. Adijciebant & illud, dum legis, in dextrū
flectendos oculos, & quodammodo præcurrendū di-
ducta in duas res animi intentione, ut aliud agatur
uocè, aliud prospectu: quemadmodū qui facit iter, non
hoc intuetur quod calcat, sed quod calcaturus est: sic
huic posteriora intuēti priora recitanda sunt. L. De-
miror quur hoc natura inuiderit homini, ut altero o-
culo prospiceret in dextrum, altero in læuum. Nec ui-
deo quorsum opus sit duobus, quum fabri & balista-
rij, si quando maximè intendunt prospectum, alterum
occludant oculum. V. Dicam, si quis te casus altero
orbaret oculo, nōne gauderes alterū superesse? L. Ve-
rūm si legas Hebræa, in læuum flectendus prospectus.

V. Nimirum ut in scribendo manus. Verūm id mi-
nimo negotio docet paucorū dierū usus. Noui qui &
pedum digitis expeditè scitèque scriberent. Quibus-
dam ea prospectus celeritas est, ut oculis præuolanti-
bus deprehensa sententia, bene legant etiam perpe-
ram scripta. Quædam enim nisi cognito prius sensu
rectè sonari non possunt, etiam si bene scripta sint.

L. Credo, sed plures sunt qui rectè scripta legant

perperam. V. Quod dicam, prodigij simile est. Viuit adhuc quidam de procerū aulicorū numero, qui nunquam legit ipsum quod scriptum est, sed loci sententiā alijs reddit uerbis. Rogatus à me num sciret se id facere: fatebatur, se frequēter huius rei admonitum. Quærebā num sciens ac uolens id faceret, negabat: imò non dissimulauit se sibi hoc nomine displicere. Addebam quānā occasione uenisset in eam consuetudinem: num puer habuisset præceptorem, qui parandæ copiæ gratia iussisset illum alijs uerbis efferre quod legeret, aut num quid aliud accidisset simile. negauit. Nam est huiusmodi musices genus apud Britannos, ut multi inter se concinnant, quorum nullus eas sonat uoces, quas habent codicum notulæ. L. Habet natura suas quasdā arcanas causas, quas frustra scrutatur homines. Et ipse noui puerum annos natum duodecim, cætera perfectum, hoc tantum habebat prodigiosum, quòd omnia uerba præposterè loqueretur, quod in nostrate lingua scis esse absurdissimū. Nam Latine loquentibus, quamquam ad decorū compositio plurimum facit, tamen ad sensum ferè nihil refert, siue dicas honora patrē tuū, siue patrem tuū honora: nihil autem absurdius, quàm si quis nostrate lingua dicat, patrē tuū honora. V. Sic est ut dicis. Addunt autem præceptiunculam, mea sententia non aspernandam, quæ pariter & ad legendū & ad scribendū pertinet, nonnihil etiam ad mores.

L. Audire gestio. V. Moris est ut post agnitas formulas, & cōtextas syllabas incipiant scribere nomina, mox & oratiunculas. L. Sic est. V. Hoc operæ nolunt insumi in uocabulis inanibus, ac nihil significantibus, aut uulgo notis. L. Expecto ut melius dicas.

V. Scis bonam eruditionis partem esse, scire rerum uocabula. Hic supra modum cessatur à grammaticis uulgaribus, quorū uitio fit, ut adolēscētes post multos annos in grammatica contritos, uix norint ullius arboris, piscis, uolucris, quadrupedis, aut leguminis uerū nomen. Ne domi quidem ullam supellectilem Latine nominare possunt, adeo ut quum uolūt sibi dari mantile, dicant da mihi rem, & aut indice digito est opus, aut uulgatæ linguæ subsidio. Idem usu uenit si producantur in officinam cuiuslibet artificis, tantum generales rerū uoces utcunque tenent, species prorsus ignorant. L. Istud mihi sanè usu uenit, ac mecum alijs quamplurimis. Arborem, legumen, herbam, equum & canem ostendere possum: at si quis exigat ut ostendam alnum, aut fraxinum, aut ilicem, silurum, scarum aut pectinem: eruū aut milium: scolopendram, uiuerram aut felem, hæreo. V. Sic & in dialecticis pueri nihil audiunt, nisi sortes currit, Plato disputat. Si asinus uolat, asinus habet pennas, & Sortem currere est possibile. L. Quid igitur hīc consiliū? V. Eadem opera licebit pueris præscribere, uulgo non obuia rerum uocabula, aut uoces exquisitas, nonnunquam & bonæ rei quippiam admonentes. Tam facile dicitur quid sit lacerta, aut stellio, aut pectunculus, quàm quid sit canis aut uacca: nec difficilius scribitur Tempori parce, quàm uacca mingit, aut canis latrat. Interdum unica uox continet perfectam sententiam, ut σωφροει. Id multo magis conuenit obseruari posteaquam eò profecit puer, ut integri uersus iam sint ad imitationem præscribendi. Quur enim non potius illis præscribitur hoc carmen,

Quo semel est imbuta recens seruabit odorem
 Testa diu: quàm illud,
 Aut pluit, aut ningit, aut nostra pedissequa mingit.
 In hunc usum ualebūt celebrium uirorū apophtheg-
 mata, exquisitæ breuēsque sententiæ, prouerbia, ac le-
 pidè dicta, cuiusmodi supellex ad omnem discendi fa-
 cultatem plurimum habet momenti. Quorum si quis
 singula contemnit, huic occinam illud Hesiodium, Pu-
 sillū pusillo si addideris, cito nasci magnum aceruum.
 Et hæc inter lusum licet ediscere, nulla rerum memo-
 ria tenacius ad ipsam usque senectutem hæsurā ani-
 mo, quàm quæ sic infixæ sunt. Vides igitur quanta no-
 bis hîc pereat utilitas. L. uideo sanè quanta pars æta-
 tis nobis instituentiū uitio præterfluat. V. At uereor
 ne te delassem, si quæ de pronuntiando disserta sunt
 referam. L. Imò hîc habebis attentissimum, quando-
 quidē hoc erat quod me potissimū sollicitabat, quan-
 quam et cætera iuuat audisse. V. Quanquam ergo
 puer à nutricibus non discit Latine, tamen referre di-
 cebant, inter quas primum inciperet æmulari uoces hu-
 manas: quod ætas illa, quoniam præter imitandi faci-
 litatem nihil habet, nescio qua rerum humanarū in-
 fœlicitate, citius propè reddit praua, quàm recta. Ac
 mirè fit, ut semel infantibus arrepta uitia in adultam
 ætatem sic prosequantur, ut ægrè queant dedisci. Sunt
 autem oris ac linguæ diuersa uitia, quorum aliquod
 nonnullis affixit natura, sed plura peculiaris cuique
 uel negligentia uel affectatio: bonam autem huius ma-
 li partem affert ipsa natio, ut in sonis suum quæque
 quiddam habent, Hispania, Italia, Gallia, Germania,
 Britannia, ac bene nobiscum ageretur, nisi singulæ na-
 d. ij.

De rectè
pronuntiā-
do.

De p

tiones in uarias uitiorum species essent distractæ. Si labdacismus est impotētia sonandi caninam literam, multis uitium hoc adnascitur, nonnullis deliciæ loquēdi conciliant. Etenim quum cæteris animalibus lingua sit absoluta, homini tot uenis astricta est, ut quibusdā necesse sit intercidī. Nec hoc succedit omnibus. nam alijs deterius accidit uitium, alijs lingua nihilo secius manet inexplanata. Memorix proditum est Demosthenem eloquentiæ principem, primam artis suæ literam sonare non potuisse. Metellum Pontificem lingua adeo impedita fuisse narrant, ut mensibus aliquot sese torserit, dum meditatur in dedicanda æde uerbis solennibus dicere, opiferæ Cereris. Nam labdacismum, quē scriptores notant in Alcibiade, delicijs non naturæ tribuendum arbitror. L. Ab istis ortum arbitror, quod pellucidum dicimus pro perlucidum, & pellicere pro perlicere, & pellegere pro perlegere. V. Haud malè coniectas. Huius literæ difficilior est sonus in initio & fine dictionis, tum in medio duplicatæ, mollior si simplex incidat inter duas uocales. Exempla sunt, regula, moror, carrus, oro. Durior etiā apud Græcos qui posteriori addunt aspirationem, ut χαράρρος. Hanc asperitatem quidam mitigant supposito σ, ut παρσῆν pro παρρῆν. Idem faciunt hodie mulierculæ Parisinæ, Masia pro Maria sonantes Masia, pro ma mere, ma mese. Etiā si non defuerunt apud Latinos, qui contrā Fusios ac Valesij. Valesios uerterint in Furios ac Valerios: atque è di-Honos. uerso, qui honos, labos, uapos & clamos dicere maluerint, quàm honor, labor, uapor, & clamor. His contrarij Eretrienſes, σ uertunt in ρ, dicentes σκληρότης pro σκληρότης: atq; hinc prouerbij iocus in Eretrienſiū ρῶ.

Pellucidū
Perlucidū

Masia

Valesij.

Honos.

L. Iſto uitio noui plurimos qui laborent. Verùm eſtne remedium huic incommodo? V. Eſt, ſi interdādas plectri retinacula, niſi quod non uacat periculo tāgere uenas, hoc eſt, iuxta prouerbiū, τὰ ἀκύνετα κινεῖν.

L. Quum animantibus quibuſdam tam mobiles & expeditas linguas natura dederit, demuror homini datam tot aſtrictam retinaculis. V. Multis expediebat nullam omnino linguam eſſe datam. Nunc neque uenarū retinacula, neque uallum duplex dentiū, neque labiorū oppoſiti muri ſatis cohibere poſſunt membrum hoc nimium uolubile. L. Nihil uerius. V. Rurſus alijs tam eſt docilis, ut animaliū omnes uoces indiſcreta ſimilitudine reddant, ut ſi tantum audias, credas uagire puerum, rixari fœminam, tuſſire ſenem, grun- nire porcum, canere luſciniā, hinnire equum, latra- re canem. Cæterum aduerſus omne linguæ uitium ua- lebit difficultatibus exerceri, quo ſtudio Demoſthenes fertur triplex naturæ uitium expugnaffe. Nam ad ex- primendū p, linguam habebat inexplanatam, & ſpi- ritofus erat, & uox infirmior multitudinis fremitu in- terſecabatur. Itaque tophis ſubter linguā impoſitis, uer- ſus complures aduerſo monte continuato ſpiritu reſo- nabat, & in litore nonnunquam quum maximè fre- meret mare, dictionem exercēbat, ut populi fragorem aſſueſceret contemnere. Ita uerum eſſe docuit, quod à ſapiente quodam dictum eſt, μελέτη πάντα δυνάται. Huic ſimillimum eſt quod indicat Fabius. L. Quod nam? V. Exiſtimat os puerorum reddi firmitus, ac ſermonem expreſſiorem, magiſque, ut ita loquar, arti- culatum ſi ab his exigatur, ut nomina ac uerſus affe- ctatæ difficultatis ex pluribus aſperrimè inter ſe coeū-
d. iij.

tibus syllabis catenatos ac ueluti confragosos, quàm citatissimè uoluât. Huiusmodi uersus Græci χαλεποὶ dicunt. Difficultas autem syllabarū aut dictionum, partim nascitur ex natura literarū, partim ex connexionē, partim ex turba concurrentiū consonantium, partim ex his omnibus, ρ, ξ, ψ, & nostrum f durioris sunt soni: unde rerum, rex, ξένος, psittacus, & effero, non admodum faciliè sonantur. Quemadmodū & μῶα, πύω, βδέω, non quòd in his postremis difficultas sit in singulis, sed quòd parum sibi congruant. Turba gignit difficultatem, quū dicimus glans & mons. Nam in his sunt duæ literæ, l & n omnium suauissimè sonantes. Ex multis simul nascitur difficultas, quum dicimus ferrum, feruor, fragor, πύξ, trabs, Thrax, Xerxes, Artoxerxes, αἰγροκερδής. Numerus autem literarū in eadem syllaba non excedit senariū, qui tamen apud Græcos ægrè reperitur. Fraus constat quinque literis, sed unam absorbet diphthongus. strix habet quinque sine diphthongo, quemadmodū frons. Scrobs & stirps apud nos sex literis constant, soluta duplici: si Græcè scribātur, quinque duntaxat: si stirps sonetur, eadem syllaba septem literas cōplectetur. Apud Græcos una dictio profertur, cuius altera syllaba sex literas complectitur, αἰγροῖς, sed ita ut diphthongus initialis separetur à consonantibus sequentibus, & ou diphthongus pro duabus supputetur. Versum quos à Græcis χαλεποὶ appellari diximus, hoc exemplum fingi poterit, Γεωὺ χθονίαν αἰγρὸς φόνος ἑρπᾶς, οὐ ξίφος ἐχθροῦ. Item, Arx stridēs rostris, sphinx, præster, torrida seps, strix. In huiusmodi difficultatibus exercitatio reddet linguam ad cætera tum expeditiorem, tum explanatiorem. At hodie sa-

tis esse credunt, si facillimas quasque syllabas tradāt,
 ba, be, bi, bo, bu. Et harum similes, quum difficiliore Ba, be, bi.
 magis sint inculcandæ, μνα, πλυ, βδε, τλα, αὐν, κνα, χο,
 δνα, πνα, γνα, χθω, φη, κτη, τμη, δμω, θλα, σμα, σπεα:
 uelut in μνημοσυνῇ, πύω, βδέω, τλάω, γραῦν, κνάω,
 χοῖς, θυπὸς, πνέω, γάμιν, χθές, φθάρω, κτῆμα, τμῆμα,
 τμῶλος, δμῶες, θλάω, σμάραγδος, σπερχίς, Et huius ge-
 neris alijs, quibus exprimendis, nisi protinus assuescat
 os tenerum, uix unquam feliciter sonabit. L. Ani-
 maduerti quosdam esse qui laborent in exprimendo s,
 maxime si adhæreat illi consonans, ut est. V. Hoc est,
 ut opinor, quod nos blesum uocamus. L. Ab hoc uitio Blesi.
 tam absunt Hispani, quàm Eretrienes absunt à De-
 mosthenis uitio. Galli contrà solent uel elidere, uel ob-
 scurare literam hanc, lingua uulgari scribentes est, Et Est, e't.
 sonantes et, producta uocali. Græci ψαλισμὸν appel- ψαλισμός.
 lant, teste etiam prouerbio, ψαλὴ οὐ πηδᾷ. V. Vitiū
 hoc leuius est, Et à nonnullis affectatur, qui blandio-
 res uideri student. Illa deformis linguæ hæsitantia, Et
 oris tremor, spasmi species, easdem syllabas iterans. Id
 alijs accidit in principio dictionis, alijs in fine, uitium
 inemendabile, si in ætatem paulo adultiorem duraue-
 rit, præcipuūsq; labor est in K, q, c, p, Et t, ueluti quum
 κωκώει dicunt pro κώει, Et pepepepedi pro pepe-
 di, cacacaue pro caue. Tutullius pro Tullius, rursus, Ro. Cacacaue.
 mama pro Roma. L. Vtriusque mali possum exem-
 pla non illepida narrare. V. Libet audire. L. Sa-
 crifico quidam insigniter hoc uitio laboranti, quū ad-
 ornaret immolare, contigit minister pariter eidē obno-
 xius malo. ubi uentū est ad κώει ἐλέησον, quod apud
 nos alternis dicitur, multum temporis absumptum est,

priusquam ter absoluerent Kyrie eleeson. Tandem sacrificiis, ut hoc hominum genus dicatur iracundius esse: Quid fiet, inquit, tūn' me derides, an ego te? Et exutus amictu sacro, reliquit arā, magno risu nostro. V. Eodē malo laborare videntur ranæ, nunquam absoluentes suum illud κκεκεκεκεξ. L. Apparet. Alio quodam die audiui medicum in frequentissima schola disputationi præsentem, alioque doctum ac uocalem, nec inexplantæ linguæ, tantum geminabat extremā syllabam omnium dictionum, pro Auicenna pronuntians Auicennana: pro scriptor, scriptortor: pro dicitur, diciturtur: pro pharmaça, pharmaçaca. Id Græci, ni fallor, appellant τραυλισμός, aut βατταρισμόν: fortassis ὁ βαττολογία, nisi quod battologia repetit orationem. Sic enim apud Ouidium Battus, In illis montibus, inquit, erant, ὅτι erant in montibus illis. Quē imitatus Mercurius respondet, Et me mihi perfide prodis, Me mihi prodis. Nos fortē non ineptē dixerimus titubantiam oris, cui cognatum est uitium hæsitantiæ, quam Græci, ni fallor, uocant μοιλαλία. Hæc omnia grauiora facit ira ὅτι pudor, aut alius uehemens affectus: quū inque alioqui, iuxta Fabium, pectus soleat facere disertos, his diuersum quiddam accidit ut obmutescant. Noui qui Austro flante sic hæsitabat, ut uix duo uerba posset eloqui. L. Vnde hæc mala? V. Partim à natura, sed multo maior pars à consuetudine praua, præsertim primis annis hausta. L. Ecquod habes his uitij remedium? V. Præsentissimum. L. Obsecro quod nam? V. Ut taceant. L. At nulli minus id possunt.

V. Ergo mittantur ad exemplum Demosthenicum, ac dictum illud sapientis, μελέτη πάντα δυνάται. L. In-

dicarationem. V. Accipe, qui laborant in K, recitent
 subinde carmen in laudem Caluitij, concinnatum ex
 dictionibus continenter literam hanc primo loco habē-
 tibus. Qui in t, tales uersus repetant, ô Tite tute tati,
 tibi tanta tyranne tulisti. Aut tales, At tuba terribili to-
 nitru, taratantara trusit. Nihil negotij fuerit alios cōsi-
 miles effingere. Profuerit & singulas dictiones, & ora-
 tionis membra lentè distinctè que pronuntiare, per si-
 lentia quodammodo redintegratis linguæ uiribus, uo-
 cæ nonnihil ad cantum deflexa. Noui siquidem uiros
 adprimè doctos, qui priuatis colloquijs deformiter ti-
 tubabant, è cathedra clarius loquentes, nihil eius ui-
 tiij præ se ferebant. L. Nihil hîc ualet medicorum
 ars? V. Arbitror posse nonnihil, si nossent omnes mu-
 sculos, quorum opificio uox promitur. Qui si fallant,
 habemus hîc diuam opiferam. L. Quam ais? V. Eu-
 laliā. L. Ad diuos confugere extrema quidem est
 anchora, & fausti ominis nomen est. V. Quoniā au-
 tem grammatici excipiunt uocabulorum controuer-
 siā, labdacismus fortassis erit, ubi quis literā l, nimium
 operose sonat, ueluti siquis pro luēt, dicat ellucet, aut
 pro salua, sallana: quod uitiū in magnis aliquot uiris
 deprehendi, sed quod affectationi potuit imputari, nō
 naturæ. Dū enim plus iusto studerēt articulatè loqui,
 in hoc malū deflexerūt. Idē faciebant in litera p, sonan-
 tes serana pro serua, ueraba pro uerba. Cui simillimū
 uideri potest, quod Græci uocāt Iotacismū. Id mihi ui-
 deor in quibusdā genere Græcis animaduertisse, noni-
 natim in Georgio Hermonymo, qui se Spartanū præ-
 dicabat: docebat autem Lutetiæ, recenti memoria plu-
 rimis adhuc notissimus. Et apud Latinos sentias quos-

Labdacis-
mus.

Iotacismus.

I dā intorquere os, quoties hāc student nimium exprimere. Alij quoties sequitur uocalis in eadem syllaba, pro i, propemodū sonāt g, ut gēcit pro iēcit, egicio pro eijcio. Quāquā enim iota transit apud Latinos in consonantē, si præcedat in eadē syllaba uocalē, tamen sonus debet esse medius inter uocalē et consonantē. Sunt qui simili loco pro i, sonant ferè χ, ut pro ianua, χanua: pro Iesus: χesus pro iecur, χecur. Rursus alij sic sonant tibijs, Virgilij, ut ante secundū i, uidearis audire i consonantem, et pro duabus efferunt tres. Sunt rursus qui pro e, sonant i, quemadmodū pro a, o, de quibus suo loco dicetur conuenientiū. Addunt et Metacismum, dū plus æquo exprimitur m, incidēs in finē dictionis sequēte uerbo, cuius prima sit uocalis: ut, plurimum audet: hīc uolūt m euanescere, ut sonēs plurimaudet: sicut in illo Ciceronis, Quousque tandem abutere, Tandabutere dici uolunt. Quod ut nolim refellere, ita credo nonnihil interesse inter sonos, quum dicimus, animam agit, et quum anima agit. Nam in priore nīsus sentitur uolentis exprimere m. Vnde Fabius admonet m in talibus syllabis, neque prorsus audiri, neque tamen non audiri. Idē inter oris uitia cōmemorat ἰξρότης, quam exilitatem siue angustiam possis dicere, quæ quibusdam adest natura, alijs morbo senio uē nonnullis accersita, dū arctatis arteriæ circa imas fauces musculis uox semiclusis labijs promitur. Cui contrariū est

πλατυσμός

πλατυσμός, quum nimium diductis faucibus, et ore plus satis patulo sermo promitur. Quorum illud si natura contingat, Aristoteles timidæ mentis argumentum interpretatur, hoc stolidæ. Hollandiæ uulgus ferè summis labijs loquitur, Germani superiores contrā, penē

ab umbilico uoces ducunt. Vnde mihi uidentur hæc duo non solum ad uocis exilitatem, uerumetiam ad oris indecoram uel contractionem, uel diductionem pertinere. Nam in multis utrunque uitium deprehenditur, in quibusdam etiam nationibus ut peculiare ridetur. In non paucis autem deprehendas κοιλοσομίαι, quum κοιλοσομία. uox uelut è cauo specu, èque recessu oris resonat. Et hoc uitium quibusdam addidit natura, quæ linguam dedit prima sui parte nimis astrictam, alioqui latiorē, unde fit ut uox fundatur in latera faucium, atque hinc repercussa resonet, qualis umbrarum uox esse fertur: eoque qui simulant huiusmodi spectra, ex olla fictili uerba promunt. Quidā habent coruinū quiddam, quiddā stridulum, quidam balbū ac senile, qualis est edentulorū oratio. Nonnullis totus sermo crassior est. Sunt qui uoluta intus lingua nescio quid Hebræū resonant. Sunt qui syllabas extremas audiri non sinunt, uerū eas quodāmodo deuorant deglutiuntque. Quod pueri metu faciunt, ne deprehendantur inemendatē loqui indicio postremæ syllabæ, ita quibusdam popolare est. Hos Græci peculiari uocabulo dicunt κολοβώτας, κολοβώται. id est decurtatores. Rursum sunt qui postremas omnes acuant Hebræorum ritu. Sunt cornicines, quibus sonus per nasum erumpit potius, quàm per os, ut omittam quorūdam gargalisimum, ructum, singultum, crepitum inter loquendū, stridores, sibilos, gemitus, creatus, tusseis, risus, quibus sermonis tenor interciditur. Denique innumera sunt uitia, quibus à recta pronuntiatione disceditur, quam Græci ὀρθοέπειαν appellant. De quibus incidet postea locus, ut aliquid dicamus. Hæc in hoc tantum admonui, ut infantem ab eorum conuictu

submoueamus, qui uitijis huiusmodi sunt obnoxij: Et siquid uel natura traxit, uel consuetudine contraxit huiusmodi uitiorum, id maturè corrigatur. Iam est peculiaris quidam cuique genti oris sonus, què proprijs uocabulis notare difficile sit. Quanquam enim Latini et Græci iisdem penè literis utuntur, tamen agnoscas Græcum etiam Latina sonantem, et contrà Græcus agnoscat Latinum Græca sonantem. Hanc ob causam Fabius suadet quidem ut puer prius Græcis imbuatur, non uult tamen diutius in his hærere, ne peregrinus oris sonus prosequatur etiam Latine loquentem. Fœdum est enim hominem in ea lingua uideri hospitem, in qua natus est: quod si negligentia acciderit, desidiæ crimen est: si affectatione, stultitiæ tribuitur. Nec desunt tamè qui hoc æu bellum et elegans affectent, sic redeuntes nobis ex Gallijs, ut Latine sonantes uix intelligantur: Et siquid habeat ea gens in dicendo uitij, puta uolubilitatè linguæ, cōfusus accentus, aut uoces nihil significantes, interiectionum uice subinde mixtas Latinis, id studiose representent, quo ualde Galli uideantur. Nos quoniā Græca ferè discimus in hoc ut ueterum libros euoluamus, potius quàm ut cum uulgo Græcorum fabulemur, præstiterit utriusque linguæ rudimentis semel traditis, in Latinis potissimum exerceri, donec cōfirmatus adolescens iunctis utriusque literaturæ studijs, tuto progredi possit. L. Et istam fabulam Vrse, haudquanquam surdo canis. V. Nunc si nō est molestum audire, restat commemorare quid illi de sonandis singulis elementis tradiderint. L. Audiā perquam lubens. V. Atque operæpretium est: nunc enim tota ferè pronuntiatio deprauata est, tum apud Græcos, tum apud Latinos. L. Quid audio?

V. Sic est. L. Vnde nam id accidit? V. Partim ex corruptela uulgaris sermonis, partim hinc quòd soni uocum scribi non queunt. Et scis quàm nihil apud populũ stabile, nihil diuturnum. Verũm hoc interim mihi credas uelim, mox demonstraturo, si pauca de sonis elementorũ perstrinxero. Ordiam autem à uocalibus, quas Latinis esse quinque notissimũ est, a, e, i, o, u: Græcis septem, α, ε, η, ι, ο, υ, ω: et apud Latinos omnes ancipites esse: apud Græcos duas natura breues, ε, ο: totidẽ longas, η, ω: tres ancipites, α, ι, υ. Ex his A, diducto largiter ore profertur, lingua recta suspēsa, hoc est, nec ad palatum superius afflexa, nec in anterius dentiũ nullum impacta, nec in latus dentium illisa, nec inter dentium hiatum inserta, uoxque prodit ex arteria profundiore, feriens superius palatũ. Quur autem uocales dicantur, à grammaticis iam olim reddita est ratio, uel quòd elegantius sonent, uel quòd per se sonent, uel quòd alijs, quæ consonātes uocantur, uocẽ tribuant, alioqui mutis, nisi siquid ædant stridoris, aut strepitus, unde et semiuocalibus nomẽ. Sed quur Alpha inter uocales primas teneat, difficilior est quæstio. Quidam aiunt Cadmum ob hoc primum locum tribuisse alpha, quòd Phœnicum lingua bos appelletur alpha. At Hesiodus in paranda re familiari, primo loco secundum domum et uxore ponit βοῶν ὑπομήνη. Hæc ratio per me Casca Cascis arrideat licebit, mihi probabilius uidetur, ideo prælatã apud Græcos inter ancipites, quòd hæc in compositione syllabarũ præcedit i, et γ, quum ipsa nullã sequatur uocalem in eadẽ syllaba. Nam in uaco, et iaceo, prima migravit in uim cõsonantis. Nec aduersatur huic rationi, quod adfertur ab

Vocaliũ sonus.

A

alijs, hoc esse naturale, minimè que operosum loquendi exordium. In loquendo siquidem nihil est prius, quàm diducere labia, mox nullo alio uel dentium uel linguæ uel labiorũ adminiculo uocem ædere, quam primam audimus in pueris nascentibus. L. Nec dissimilem

E in ouibus balantibus. V. E, simili modo profertur, nisi quod ore parcius diducto uox non erūpit sursum in cælum oris, sed in linguam infimam, quæ leuiter ferit utrinque dētes molares, reductis introrsum labijs.

H Inter hæc duo elementa, medium est η Græcorũ, quod effertur rictu minus diducto, quàm in α, hiantiore tamen, ac minus in ima depresso sono, quàm in e. Cognationem arguit primum quod apud Græcos, α frequenter uertitur in η: ἔ contrā, ut ἀρίππος pro ἀρίαπος, ἔ in ἔς, pro ἰάῳς. Contrā τὰν pro τῶ. Apud Latinos ferè uertitur in e longū, ut κρήτες Cretes, ἔ πῶλῶ splen. Id si crassiore Minerva tibi demonstrari cupis. L. Crassissima si potes, atque adeo, si libet, adipali. V. Iustū est α, quod sonant Itali. Immodicè diducto uel rotundato magis ore sonant Vuesphali, referentes Ionicum quiddam, qui pro alpha sonabant ω mega, dicentes θῶμα pro θῶμα, ἔ ὠπὸς pro αἰπὸς. ut alij contrā, ω uertunt in alpha, pro τῶ νομφῶν, dicentes τὰν νομφῶν, μουσῶν pro μουσῶν, ἀῆπος pro ἀῆπος. Item e uertitur in η, ut ἥστε μέγας τε, ἔ pro ἐβουλόμην, ἔβουλόμην. Hæc nimirum arguunt his literis uicinitatem quandam in sono fuisse. η uerò sonuisse uidetur apud Græcos, quod nunc sonat α, Scotorum, aut Hollandorũ quorundam: neque enim omnes eodē modo promunt, ac de uulgo nunc loquimur, ne quis eruditus existimet hæc ad se pertinere. Quum enim hi dicunt ama, me-

diam uocem audis inter ama & emē Italorum more pronuntiata, quemadmodū alij, quos diximus Ionicum quiddam referre, penē sonant omo. Nunc fac ut oculis os, auribus sonum obserues, dicam primum Italicē, mox Scoticē, postremo Vuespalicē. L. Isthic sum. V. Ama, ama, ama. Fama, fama, fama. Ianua, ianua, ianua. L. Crassissimē profecto dicis, sed tamen ad docendū appositē. Verūm age dic, discernuntūrne hęc apud Græcos?

V. Vix sentias, sed iam admonui pronuntiationem esse corruptam. Siquidem quam nunc habent eruditi, non aliūde petunt, quā à uulgo, scis quali magistro. uerūm de his mox. Iam in e pronuntiando non leuiter peccat uulgus. L. Quid ita? V. Quia literam eandem aliter atque aliter sonant, nunc ore contractiore, nūc diductiore. de nostratibus loquor. Nam Italicorum hīc, ut in alijs plerisque, correctior est enuntiatione. L. Expecto exemplū. V. Dicam in genere, Quū e finit syllabam, sat rectē sonant. quum adhæret illi consonans, uel a sonant pro e uel n, hoc est a Scoticum. Demo probē sonāt & peto: at perago, peruia, sperma, diductius resonant, quā par est, & in lego contractius efferunt quā in lex, in rego quā in rex, in rebus quā in res. Verūm id potissimū accidit, quum e excipitur à consonante r: quū enim dicunt aspergo, secunda syllaba, nihil aliud sonare uidetur, quā in sparta prior, & in peruius prima minimum, aut nihil discernitur ab ea quæ præcedit in paruo. Item in pertundo & partu, erro & arra, uerro & uarro. Idem uitiū sequi solet etiam Græca sonantes, ni fuerint diligenter admoniti. Vix enim in πέρω, & παρτέρος discernūt primas syllabas. Quanquā hęc felicissimē di-

stingunt Itali. Vix in alia litera magis errat Gallorum
Galli a pro uulgus, a pro e sonantium, si quando uocalem excipiat
e sonantes. n, aut m. Nam pro quendam sonant quandam, pro ua
lent ualant, pro redemptus redemptus, pro emblemata
amblemata, pro uendo uando, pro uentosus uanto-
sus, pro tēpus tampus. Hunc errorē subinde deprehē-
dimus etiam in codicibus Gallorū manu descriptis aut
excusis. Hīc tamen emendatior est Picardorum enun-
tatio, nec ulli magis peccāt, quā qui sibi mirē Gallicē
uidētur loqui. Quod nō in aliud monemus, nisi ut &
protinus dediscant pueri, ne prauus usus hæreat La-
tina Græcāue sonantibus, néue pro ἐμπορος enuntient
ἀμπορος, pro ἐντεα, ἀντεα. L. Prorsus ita res habet.

I

V. Iam i, minus etiam diducto rictu sonatur, ac penè
 coeuntibus dentibus, quibus sensim lingua illiditur,
 qua parte sunt gemini, sic ut labia nihil adiument soni-
 tum, sed reducantur potius aliquantulum, ut in e.

L. Teneo. V. Et hīc bifariā peccatur à multis. Si-
 quidem apud Brabantos, campestres quidam pro i, so-
 nant diphthongum Græcam ei, quam euidenter audis
 quū nostrate lingua dicis ouum, & quum Latinè di-
 cis, hei mihi, ueluti quum pro uia dicunt ueia, pro pia
 peia. Rursus Scoti quidam pro e, sonant propemodum
 i, dicētes pro faciebat, faciēbat. Ea consuetudo sic à pue-
 ro inhæserat Ioanni Coletto, uiro alioqui facundo &
 erudito, ut nec in pronuntiando, nec in scripto uitaret
 quamlibet admonitus ab amicis. Ne is quidem nouus
 est error. Siquidem Victorinus Afer obiurgat discipulos
 suos, quòd e, uerterent in i: & rursus i, scriberent pro
 e. Ac prisca grammatici, cūque his Fabius, ostendunt
 esse quendam sonum mediū inter e & i: unde factum

est ut alij hanc, alij illam usurparent in eisdem dictionibus, uelut heri & here, aduerbiū sono uocalis discer-
 nebatur ab heri & here nomine. Eiusdē arbitror esse
 generis, tempori & tēpore, luci & luce, uesperī & ue-
 sperē aduerbia. Hæc interdū transit in consonantem,
 quam nōnulli, sicut antè monuimus, plus satis sonant,
 sic dicentes iecit, quasi dicant gecit: & maiestas, quasi
 sit magestas. Idē usurpant in Græcis dictionibus, quum
 i, apud Græcos semper sit uocalis, nec unquam præce-
 dat alteram uocalem in eadem syllaba, ut *ιαῖος, ἰαμ-
 ῶος*. unde perperam quidam iambus sonant dissylla-
 bium, quum uox ἀμπίλεσσι reddat. Sequitur o, simi-
 liter ex arteria prodiens, quemadmodum a, lingua re-
 cta quidem, sed introrsum modicè reducta, nisi quod
 ore non solum diducto, uerumetiam rotundato, quod
 ipsa elementi figura uidetur admonere: quemadmodū
 i, sua forma monstrat uocis exilitatem, & e, labiorum
 reductionem nobis ueluti pingit. Item A, patens infer-
 nè, rictus diductionem pingit. Peccatur & hīc à uul-
 go, nostrate duntaxat. nam Græci Italique rectè so-
 nant. L. Quo pacto? V. Primum Batavi literā hanc
 promunt ore contractiore, quā opus est. Deinde ean-
 dem non eodem modo promunt. Rotundius enim so-
 nat in nos, quā in non: in nono, quā in nōne: in
 omen, quā in omne. In posterioribus enim nostri pe-
 nè sonant pro o, u. Vuesphalicum. L. Planè sic ha-
 bet. V. At faciam ut clarius etiam rem perspicias.
 Quod discrimen uulgo facimus inter on, quod est in-
 tondere, & inter un, quod est tūdere? Nec aliud sonat
 o, in rhombus quā u, in tumbo. Item in suntō, & son-
 tes. Atqui o diductiore rictu pronuntiandum erat.

L. Quàm multa peccamus imprudētes. Vel ab asinis discere poteramus huius literæ pronuntiationem, unde illi apud Græcos nominis initium, ὄνος, & ipsi sono ὄσινδ' ὄνος.

V. Item ω mega nihil differt ab o, nisi quod α longum differt ab α breui. Nam pleniore sono profertur, de quo suo dicitur loco. Pro u uerò formabis V Gallici, si labia paululū exporrecta iunxeris. Eandē literam rotundiore mugitu sonant Germani, immo dico Vuesphali. Nec desunt tamen apud Italos, qui Galloꝝ more sonent, ueluti Bergomates. Nonnulli contra labijs ad trium digitorum spatium indecore porrectis, nimirum Batavis contrarij, Romani modice. Nec omnibus feliciter cedit huius uocis affectatio. Nostrates enim quum affectant Vuesphalorum imitari mugitum, nō possunt id perpetuò facere, subinde lingua relabēte ad inolitam, uelutique natiuam consuetudinem. Hanc inæqualitatem frequenter animaduerti in sacrificiis Britannis. Nos in hac pronuntianda parū etiam nobis ipsis constamus, nonnunquam in eadem dictione, uelut in nullum, nullum, & Tullium. In prima siquidē audis u Gallicum, in postrema u Vuesphalum. Idem sentire licet in huc & hunc, in illud & illū. Sona Batavice fontes. L. Fontes. V. Sona fundere. L. Fundere.

V. Quod discrimen audis inter utriusque dictionis primam syllabam? L. Nullū. V. In rhombo & plūbo, quid interest inter u & o? L. Profecto nihil. V. Nūc mihi considera eiusdē literæ sonum non eundē. Sona sunt. L. Sunt. V. Tolle n, & dic sutor. L. Sutor. V. An nō sentis longē diuersum sonū? L. Quidni? V. Rursus, sona plumbum Batavice. L. Plumbum. V. Abijce liquidam, & dic Pluma. L. Pluma.

V. Quid simile huic u, cum illo? L. Nihil. V. Idē senties, si ex tundere facias tutudi, ex fundere fudi. Verū in his fortassis aliquantulum patrociniabitur antiquitas, quæ sunt & dicunt, quā sunt & dicunt, scribere maluit. Apparet enim & apud illos paulo sonantius fuisse u sequente liquida n & m, quā in alijs dictionibus, quemadmodum contrā in nonnullis mediū sonum obtinebat inter u & i, ut in optimus, pessimus, unde ueteres has uoces per u scribendas putabāt, optimus, pessumus, quod in his aliud quiddam sonaret i, quā quod in opimus & finus. L. Probabile est quod narras. V. Tantum de inconstantia. Nunc ad cætera propero. V. Gallico respōdet u Græcorū, uel ipsa teste figura, quæ nobis cum illis communis est, nisi quod nos sinistram lineam infernè protraximus u y. V. V. spha-lico respōdet Græca diphthongus ou. Argumentum est, quod in usurpandis Græcorū uocibus, ueteres frequenter u Græcum uerterunt in u nostrum, uelut in i & sus, in μῶς & mus, in ὑπὲρ & super, ὑπερήλιος & superbus. Quin & Latini ex syllā sullam faciunt, ex ἀπὺα apua. Idē arguit quod Galli uulgo pro θύειν dicunt tuer, id est mactare, usurpata uoce Græca, nisi quod abiiciūt aspirationem. L. Poteramus istud uel ab aui ridicula discere, cui Græcis ἀ cantu nativo uocabulum κῶκωξ, quæ in θεός cantus non i sonat, sed u Gallicum, & hanc Latini cucūlum, ni fallor, uocant.

V. Quī scis an aui hæc non eodē modo canat apud Græcos, quo apud nos? Sed ad rem. Rursus ou uertunt in u productum, ut, μουσά musa. Hoc adeo uerum est, ut prisca Latini, siquando uolebant syllabam haberi longam, addere soleant o, lōumen scribētes pro lumen,

numen & flumen, pro numen & flumen. Habet autem omnis syllaba longa sonum uegetiorem breui. Nam producta uocalis, quemadmodum & diphthongus, gemina quodammodo uocalis est. Atque ex huius rei neglecta distinctione grauissimus error, quum apud Græcos, tum uerò apud Latinos extitit. Apud Græcos enim, ut dixi, sunt natura longæ, η & ω: cūque his omnes diphthongi, breues ε, ο, apud Latinos uocales omnes sunt ancipites, licet non iisdem syllabis. Quauquam autem Græcus pronuntiando confundit longarum ac breuium discrimen, tamen scriptura distinguit. Apud Latinos non idem fit. Qua de re post referam quod accipi. Illud notissimum est, u literam a quod Latinos frequenter transire in naturam consonantis, interdū elidi, nonnunquam sic admisceri consonantibus, ut prope modum euanescat, at non quibuslibet. Consonās fit, quoties præponitur uocali, uel sibi, uel alteri in eadem syllaba, ut uanus, uenor, uinum, uoueo, uulnus, seruus. Eliditur sequens m, uel n, ut in enim uero & inuidia. Docent hoc uersus Terentiani, Sine inuidia laudem inuenias, & amicos pares. Et, Enim uero Daue, nil loci est segnitiae neque socordiae. In quorum priore nisi primo loco sit tribrachus, si in uui, non constat senarius trimeter, sic ut secundo sit spondeus dia lau, dia, contractis in unam syllabam: quanquā potest & proceleusmaticus accipi: in posteriore nisi primus locus habeat anapæstum, non constat uersus tetrameter. Neutrum autem fieri potest, nisi illic elidas u, hīc u cum m, quæ inter consonantes fermè solet elidi præcedens uocalem. Admiscetur autem his consonantibus, q, c, g, & s, ut qui, cui, æquor, sanguis, anguis, lingua, cōsuesco,

v cōsonans

et suavis, si adsit synæresis, et faciat dissyllabum: nec
 tamen hîc prorsus evanescit. Vulgaris lingua idem fa-
 cit in pluribus, uelut quum dicit fatuum, u admiscetur
 d. Item quum sonant duo, coniungunt t. Græci uerò Duas
 quemadmodum pro nostro f, ut cunque sonant φ: ita
 u nostrū consonās, quo reddant non habent, nisi quòd
 recentiores in hoc abutuntur β, de quo paulopost dic-
 tur. Siquando coguntur nostra suis literis scribere, pro
 Valentinus faciunt οὐαλεπῖνος, penta syllabum. In hūc,
 opinor, usum AEoles reppererāt digamma, quod mediū
 esset inter u consonans nostrum et φ. Item quoties ex-
 primunt Quintus, non aliter possunt, quàm κῶιντος,
 quòd eam literam uelut evanescentem nesciant. Apud
 illos enim u, nullam præcedit uocalem in eadem sylla-
 ba, præterquam in diphthongo abusua, ui. Indicauit
 hoc Quintilianus in æquor et æquum, reddi sonum
 quē Græci nullo modo possint exprimere. Hactenus de
 uocalibus aliquot. Nūc ad diphthōgos attingor. De diphthō
 lubet. gis. V. Primū illud manifestius est, quā ut uel
 ab eruditis Græcis negari possit, pronuntiationem, quæ
 nunc uulgo Græcorū cum doctis est communis, perpe-
 rā sonare diphthongos aliquot, et simplices item ali-
 quot uocales. L. Quas? V. Nōne u, i, u, ui, ei, oi, indis-
 creto sono pronūntiant? L. Ita mihi uidetur: aut si quid
 est discriminis, uix aures percipiūt. V. Frustrā igitur
 sunt distinctæ literæ, si sono nihil differūt. L. Appa-
 ret ueteres aliter promūtiasse. V. Rursus aliquot ideo
 dicūtur propriē diphthōgi, quòd duæ uocales ut scribū-
 tur, ita sonantur, quòd idē in his non fit quæ dicuntur
 abusiue diphthongi. L. Sic est. V. Atqui in αi, oi, ei,
 quid audis nisi simplicē uocalē, in prima e, in cæteris i?
e. iij.

L. Nihil prorsus. V. Nequid iam disceptem de αυ
 & ευ, in ου quid audis nisi υ, Vuesphalicum? Non e-
 nim aliud sonat prima huius uocis αῦρω, quàm prima
 huius ἐρῶ. Nec aliud sonat ultima in θαυμασὶ, quàm
 ultima in ἐλλωσὶ, aut ἀκονίτι. Nec aliud penultima in
 ἀλίστα, quàm in σοφία. Proinde aut frustrà discernun-
 tur à diphthongis impropriè dictis, aut alio sono pro-
 ferebantur, quàm hodie proferuntur. L. Non habeo
 quod refellā. V. Rursus, quid aliud audis in ultima
 χαυμαπῆς, quàm in ultima, κλυμακίς? Quid aliud
 sonat penultima in μία pro una, quàm in μῆα pro
 musca, & ἀφύα pro pisce? L. Aut omnino nullū, aut
 perquàm tenue discrimen est. V. Et tamen extra con-
 trouerfiā est, literas tota natura diuersas esse. L. De-
 miror. V. Et quid mouit Latinos, ut tanto aliter so-
 narent αυ & ευ, quàm Græci? Quid enim simile παῦ-
 λος & Paulus, εὖιος & Euius? Et tamē opinor, hīc La-
 tinorū pronuntiationem emendatiore esse, quàm Græ-
 corum. Apud nos enim utraque uocalis auditur in au-
 dio & euge: à quo sono Græcorū aures intantum abhor-
 rent, ut quum nostra sonare cōnātur, audio dicant te-
 trasyllabum pro trisyllabo, audio: & claudus trisylla-
 bum pro claudus dissyllabo: pro heu monosyllabo, heu
 dissyllabum. Atqui si Græci rectè sonant αυ & ευ, ser-
 uandus erat idem sonus υ, in οὔπος & λόγῳ. At in his
 nihil auditur quod ullo modo uergat ad sonum f, aut
 u consonantis. Porro quū sua efferunt, in diphthongo
 propemodū sonant f, aut u consonans, ueluti meditans
 adherere sequenti uocali, ut ὀρφεὺς, βασιλεὺς, βασιλεύω,
 εὐαγγέλιον. Atqui diphthongus non conflatur ex uocali
 & consonante. L. Quo sono credis hæc ueteres ex-

tulisse? V.Referam quod in senatu Grammaticorum
 audiui. L.Sat erit. V.Coniecturam faciebant ex
 linguis popularibus, in quibus utcumque corruptis re-
 sident antiquæ pronuntiationis uestigia. *oi* diphthon-
 gus Gallis quibusdam est familiarissima, quum vulga-
 ri more dicunt, mihi, tibi, sibi: aut quum pronuntiant *Moi*
 fidem, legem, ac regem. Hic enim audis euidenter utran- *Foi*
 que uocalem *o* et *i*. L.Sic est profecto. V.Ad eum
 propè modum somnisse ueteres arbitror, *μοι, σοι, οἱ, τοῖς,*
 et *ῥῆγοι*. Alioqui quorsum appellatur diphthongi pro- *Diphthongi*
 priæ, nisi eadem syllaba geminæ uocalis sonum ædat? *propriæ.*
 Atque ob id producitur et diphthongus omnis, ut utra-
 que possit audiri. L.Probabile narras. V.Iam et
 diphthongum euidenter audire licet in lingua Germa-
 norum, quum nominant Cæsare, quanquam hic Ba-
 tavi propius accedunt ad sonum *e*, uel *ita*, quod penè
 faciunt, ut dictum est, perpetuò in *a* uocali. Neque non
 sentitur apud nos diphthongus *ei*, si Hollandicè dicas
ouum, paratus, uersutia, maius, facinus, seductus, caro.
 Apud Gallos hæc rarius auditur. *ou* uerò arbitror pri- *Oudt*
 scis ferè sonuisse, quod Batavus sonat, senex, frigidus, *Cont*
 et aurum, aut eam tunicæ partem quæ tegit brachium. *Gout*
 Rursum Latinam diphthongum *æ* audis, quum sonat *Mouue*
 malus, uadit, consilium, sapor. *OE* uerò quum sonat pa- *Quæet*
 nem, nudum, et rubrum, callidum, et fragile, aut ne-
 cessitatem: aut si dicas Gallicè, tribus uicibus: Britanni-
 cæ, *nix*. Quanquam in his linguis deprehendas et alias
 diphthongos à Græcis pariter ac Latinis dissonantes,
 ueluti quum Gallus dicit, melius, parum, aut fastidio- *Mieulx*
 sum, aut periculosum. Item quum Batavus dicit, men- *Pen*
 dacium, cervical, aut ianuam, aut Iudæum: quum Galli, *Fascheux*

Fleur *florem, aut honorem. Cui non dissimilem habent Hebræi. In nonnullis audias tres uocales, ut quum Galli dicunt formosum patrem, in formoso audis, e, a, et u, quum dictio sit monosyllaba. In alijs diphthongū inuersam, ut cum Batavius sonat arundinem, aut margaritam pro fœmina: audis enim i ante e. Item quum Coloniësis dicit salutem, audis u ante e. Rursus quum Hollandicè dicis, dulcē, aut bonum, audis diphthongum nouam, nullis literis exprimendam, sed sonum quendam medium inter o et u. Quum dicis, domum aut murē, audis i post u in eadem syllaba. Aut quum Gallus sonat famam aut fructum. Verū hęc persequi non est huius instituti, præsertim quum nationes quædam nihil omnino sonent absque diphthongo. Ex his autē quæ retulimus, satis est intelligi, et diphthongos posse sonari, et olim sonari solitas. L. Quæ res abiecit eas? V. Nihil aliud, opinor, quàm loquendī deliciæ. Nam mulierculæ quondam elegans habebant, semiclusō ore, uixque motis labijs sonare uerba, sic ut uix audiretur exitus. Diphthongi uerò ferè torquent os, multūque resonant, quod nunc habetur indecorū, et ut rusticānum ridetur: inde primū apparet exortas diphthongos impropriè dictas: deinde paulatim idē in alijs nonnullis ausæ sunt illiteratorum deliciæ.*

L. Non leuis incommoditas, siquid cui dictes scribendum, aut si quis ex alterius recitatione suum emendet codicem. **V.** Maxima. Quinam sciet is qui excipit, quum audit uulgato more sonari oīvos, an scribere debeat iōvos, ōōvos, yōvos, lōvos, aut eīvos? **L.** Nequaquam, nisi sit eruditus. **V.** At non semper nobis cum eruditis res est, et quædam uoces huiusmodi sunt, ut doctus

etiam possit hæsitare, uelut in ὡν & ἡων: quod si ὡν sones, per u Gallicum aut propemodum, & ἡων per a Scoticum, hoc est, per e diductius, sublatus est error. Habes de diphthongis. Iam longarū breuiūque syllabarū discrimen magna ex parte sublatū est, & in Græcorum & in Latinorū pronuntiatione, quum olim plebes imperita exploserit atq; exhibilarit histrionem qui paululum se mouisset extra numerum, aut si uersus pronuntiatus esset una syllaba breuiore aut longiore, quod à Cicerone literis proditum sciunt omnes qui literas sciunt, ex quo colligitur, & recitatorem seruasse spatia syllabarū, & illiteratam multitudinē, præsertim urbanā, auriū sensu diiudicasse. Nūc quis offenditur, uel apud Græcos, uel apud Latinos, nisi siquid arguat accentus, quod in multis non potest: imò frequēter accentus ducat in errorem, dū facit uideri longam, quæ brevis est, & contrā. Qui uerò docti nunc discernūt an dicas plāne impostori, an plāne, apertē, an plānē, affirmans, quū in prima dictione sit pyrrhichius, in secunda trochæus, in tertia spōdeus? Rursus an dicas malo pro uitioso, an malo pro potius habeo, an malo pro arbore, siue pome, quū in prima uoce sit iambus, in secunda trochæus, in tertia spondeus? L. Non satis assequor quæ fuerit illa ratio saltandi ad uocem alienam. V. Audita referam, iudiciū periculum penes alios esto. L. ἄρρη. non hīc agitur apud prætorem. V. Scis quosdam dictos mimos, inter quos celeberrimi fuere Publius & Laberius. L. Scio. V. Hi simul & recitatoris & histrionis officio fungebātur, pronuntiātes uersus sibi cognomines, hoc est mimi mimos, & ad propriā uocē gesticulantes. Erat aliud histrionū genus, qui

De quantitate syllabarum.

muta gesticulatione repræsentabant poetarum longas fabulas, sic ut spectator intelligeret argumentum saltationis. Quo de genere diligenter tradidit Lucianus. Rursus erat recitatorum genus omnium honoratissimum, qui sua recitabāt populo sine gesticulatione corporis, nisi quantum oratori conceditur, uocē, oculos, uultum, & corporis motū sententijs accommodare: sic Virgilius, sic Horatius, sic Plinius sua recitabant populo, sic & Philemon suam ipsius fabulam populo recitasse legitur, quum nemo saltaret. L. Quatenus isthuc oratori conceditur? V. Si uno lapsantē ac balbutientem narres, indecorum fuerit eam rem corporis gestu referre: aut si mulieris, pueri, senis, Germani, Galli, Britanni uerba referas, ridiculum fuerit ipsa pronuntiatione mulierem, puerum, senem, Germanum, Gallum, aut Britannum exprimere. L. Iucundum quidem esset. V. At non protinus bono uiro decorum est quod delectat. Plato & Fabius concedunt, ut modicē uox loquētis ad ea quæ narrantur accommodetur: ueluti si recites ex historia, lugentem, minitantem, blandientem, lasciuientem, satis est aliquam rei similitudinem apparere in oratione. At fit interdum, ut aliquid loco additum ex uocis aut gestus alieni faceta imitatione gratiam habeat. Postremum genus est, quum unus recitat fabulam, & ad huius uocē histriones personati, gestus attemperant. Huius generis erat Roscius, quem accepimus cum M. Tullio decertasse, utrum ille sæpius uerbis alijs eandē efferret sententiam, an ipse sæpius uariatis gestibus repræsentaret. L. Vnde colligis hoc fuisse genus histrionum? V. Primum ex ipsis Terētianis fabulis, in quarum calce recitator dicit,

ualete & plaudite, Callipius recensui. Si singulæ personæ suas uoces pronuntiant, quis est locus Calliopio? L. recensui. Dicis nonnihil. V. Accipe grauius argumentum. Ex Hecyræ prologo liquet eum qui præfatur solere fabulas emere, easque recitaturū ediscere. Alioqui si singuli suam portionem sonabant, quur unus hæc præfatur? Rursus qui præfatur in ἐαυτὸν πρὸς τοὺς ὁδόν, queritur non haberi rationē suæ senectutis, ad quem deferrentur fabulæ turbulentæ. Nam nunc, inquit, nouas quæ scribunt, nihil parant seni. Siqua laboriosa est, ad me curritur. Si lenis est, ad aliū defertur gregem. Quod si quis contēdit hæc ab eo dici, qui suo periculo fabulā emere ac proferre, quique præcipuas fabulæ partes agere soleret, nō inficior & illud fabularum fuisse genus, quo singuli personati sua uerba sonabant appositè gesticulantes. Quod accepi refero. Nūc ad id quod intermissum est redeo. Quū audis, Legi, quī scis an prior longi sit, an breuis? Rursus quū audis Θεοφίλω, nōne Latinus credat penultimam productam, nimirū accentu Latino deceptus? L. Prorsus. V. Accentus igitur incertus est index spatij syllabici, præsertim in Latinis polysyllabis. L. Est igitur alia ratio dignoscendi? V. Erat olim sine controuersia, nunc ea propè in totum obsoleuit. L. Quod aliquando fuit, potest instaurari. V. Sunt quidam adeò crassi, ut non distinguant accentum à quantitate, quum sit longè diuersa ratio. Aliud est enim acutum, aliud diu tinnire: sicut aliud intendi, aliud extendi: quanquā nihil uetat eandem syllabā & acutum habere tonum, & productum tempus, uelut in Vidi & Legi præteritis. At eruditos noui, qui quum pronuntiarent illud ἀνέχου καὶ ἀπέχου,

Calliopius
recensui.

Accentus.

mediam syllabam, quoniã tonum habet acutum, quantum possent producerent, quum sit natura brevis, uel breuissima potius. Et ferè qui Græca legunt, accentus observatione confundunt spatium moræ, sic enuntiantes ῥυελαος, quasi penultima sit brevis: ἔϋρυέδημος, quasi duæ postremæ sint breues: quemadmodum in θεόδωρος, ᾠδὴ κλητος, εἰδωλα, alijsque innumeris. Nec ita multis contingit sonare Græca, ut accentuum simul ἔ morarum rationem obseruent, uel in carmine. Loquor autē non iam de uulgo, sed de eruditissimis quoque. Minus est erroris in Latinis, sed tamen illic quoque tonus acutus ac inflexus obscurat cæterarum sonum, ut in Vidēbimus, congruit accentus cum quantitate: at in Legebāmus, sola penultima uidetur esse producta, quum secunda sit æquē longæ: in Amaue'rimus, sola antepenultima, quum ea sit brevis, secunda producta. L. Omnino sic obtinuit usus, quē dediscere difficillimū est. V. Atqui qui degustarunt musicam, nullo negotio distinguunt inter longam, breuē, ἔ inter acutam ἔ grauem. Nihil enim est aliud pronuntiatio, quàm modulatio quædam uocum numerosa. Est enim ἔ in oratione soluta pedum ratio, licet non perinde certis astricta legibus, ut in carmine: quæ si confundatur, non magis erit oratio, quàm cantio cantio, in qua graues cum acutis, longæ cum breuibz temerē confunduntur. Vnde quidam priscorum grammaticorū non inscitē dixerunt, accentum esse animam dictionis. Et tamen hodie talis est etiam eruditorum pronuntiatio, qualis esset illa ridicula cantio. Scis, opinor, canere cithara. L. Utinque. V. Nōne frequenter imam chordam pulsans producis sonos, ἔ summam tangens

breuibus insonas, aut contrá? L. Frequenter, quamquam hoc discrimen euidentius est in flatili musica.

V. Vnde igitur nos sumus usque adeò ἀμωωω, ut omnes acutas syllabas sonemus productione mora, graues omnes corripiamus? Vel ab asinis licebat hoc discrimen disare, qui rudentes corripiunt acutam uocem, imam produunt. L. Idem propemodum facit cucûlus. V. Quatuor enim rationibus curatum est à Accentus. priscis, ut omnes syllabæ, quantum licet, clarius audiantur, nequa suffugiat aures, aspiratione, tono, productione & diphthongo. Clarius enim auditur prima in hero, q̄ in ero. Et magis auditur li in ligo, quam in intéllico. Et sonantior est prior in μωμω, quam in μωωω. Itidē in amāuērīmus, sonātor esse deberet ma secūda, quam a, prima: ut in amā, sit iambus, uērīmus, tribrachus, nisi quod prima trium acuitur, & ob hoc sonantior, quasi musicus per breuē, longam, & tres breues sonet, re fa re re re, amāuērīmus. In hac dictione sonantiores sunt secūda, quia producta, & proxima tono acuto, licet breuis. Quoniam autem uocales principes sunt sonorū, diphthongum audibiliorē faciunt duæ res, gemina uocalis, & productio moræ. Sonantior enim est prima in Audio, quam in Adeò: & udu, in oīu, quam in oīu & idu. Horum si nihil obseruatur, quid est oratio, nisi incompōsitus uocum strepitus? Iam intentio uocis & productio percipi non potest, nisi ex aliarum comparatione. Potest enim eadem esse breuis & longa, grauis & acuta, si ad alias atque alias cōparetur, ueluti uox pueri grauis, acutior est uoce uiri acuta, & syllaba breuis sic pronuntiātis ut Cartusiani pronuntiāt psalmos festis diebus, productior est longa,

uolubili lingua pronuntiantis:quemadmodum sacri-
fici quidam expediunt preces solennes, dum ad alia
quæ magis sunt cordi festinât. L. Intelligo. V. Quin
et idem inter dicendū nunc lentius pronuntiat, nunc
celerius, nunc demissius, nunc clarius, ut cunque ser-
monis ratio postularit. Nam et oratores in exordijs,
in quibus oportet sedatam esse dictionem, longiore mo-
ra pronuntiant syllabas, quàm in affectibus ubi iam
incaluit oratio. Atque adeò in hac oratione, Primum
optimam spem de se præbebat, sobrius, quietus, placi-
dus erga socios, obseruans et officiosus erga maiores,
mox in diuersum uersus, cœpit amare, potare, rapere,
prodigere turpiter omnia: prior pars lentius sonatur,
quàm posterior. L. Fit idem à musicis. V. E proxi-
mis igitur petenda est et tonorum et morarum dif-
ferentia. L. Quæ ratio est breuis ad longam?

Breuis.

Longa.

V. Dupla, ut aiunt grammatici: uerùm in dicendo
non est necesse tam exactè rationem obseruare, ueluti
fit in concentu musico, aut ueluti si quis saltet ad citha-
râ. Sat est si longa, sensibili mora distinguatur à bre-
ui. Nam fieri potest ut una longa respondeat duabus
breuibus, aut amplius: rursus ut respondeat uni bre-
ui et dimidio. Iam sunt dictiones duriores, quæ plus
spatiij postulant, quàm aliæ, præsertim monosyllabæ.
Diutius enim sonat, stant tristes, quàm stant acies, non solū
ob consonantes in eandē syllabam coeuntes, uerum etiā
ob sequentē syllabā, quæ excipit, difficiliorē. Item plus
moræ desiderat prima in Structus, quàm prima in Lege-
ro, quū utraq; sit longa. L. Liberaſti me magno scrupu-
lo. V. Imò qui exactius super hisce rebus conscrip-
ſere, docent in quibus syllabis sufficiat unicum tem-

pus, in quibus unū semis, in quibus duo semis, in quibus tria. L. Audio nouam musicam. V. Haud tamen absurdum est quod adferunt. Si uocalis, inquit, natura breuis est, & sequitur unica consonans, eaque simplex, unicum tempus obtinebit, ut caput, λόγος. Rursus ubi uocalem natura breuem, muta cum liquida sequens, aut alioqui geminata, reddit ancipitem, tempus erit unum semis, ut lachryma, recludo, cygnus, Atlas: τέκνον, τέκμενα, ἀναμνήσκω. quod à quibusdam obseruatur etiā in diuersis dictionibus, ut Tribulāque, trahēque. Item, Terrāque tractūque maris. Sed potissimum si tres sint consonantes, aut prior sit s, habeātue inclusam, ut præmia scribe: a produci poterat, nec aliter produci uolūt quidam, quā elisione s: & litto-
ra Xerxes, quia sequitur duplex. Iam quæ natura uel positu longæ sunt, harum duo sunt tempora, ut dos, mors. Rursum si uocali natura longæ adhæreat unica consonans in eadē syllaba, in his tribuunt moræ tempora duo semis, hoc est, duo breuia, & semibreue, ut sol. Porro tria tempora uolunt esse, quum uocalem natura longam duæ consonantes sequuntur, aut una duplex, ut mons, rex. Huiusmodi multa referebant ex auctore Prisciano: cuius authoritas sicuti parū grauis est, habet simile quiddā Quintilianus libro nono, tractātis de cōpositione. Testatur enim nō omnes breues ac productas esse pares, sed esse breues, breuiores, ac breuissimas: contra longas, longiores, ac longissimas. exēpli gratia producit uersiculum Maronis ex Tityro,
Agrestem tenui musam meditaris auena.

Quanquam hīc nostri codices habent Syluestrem pro Agrestem, uerū id nihil ad rē. In Agrestem duæ pri-

mæ syllabæ natura breues sunt, & tamē gre, secunda,
facit priorem longam. Dat igitur, inquit, aliquid ex suo
tempore. Quomodo dat, ni habet plus, q̄ quæ breuissi-
ma, qualis ipsa esset detractis cōsonantibus? Nunc unū
tempus accommodat priori, & unū accipit à sequen-
ti: ita duæ natura breues, positione sunt temporū qua-
tuor. Concurfus igitur mutæ & liquidæ in gre, tardio-
rem redderet syllabæ pronuntiationem, etiam si nulla
consonans sequeretur: nunc quia sequitur st, duplicatur
tarditas, uel triplicatur potius, cuius portionem trans-
fert in primam natura breuem: tamen si Priscianus non
tribueret primæ duo tempora, sed tempus unum se-
mis: nec secundæ tribueret amplius, nisi ob uocalem
utrinque cinctam gemina consonante. Verūm hæc mi-
nutiora sunt: potuisset enim omnibus breuibz gemi-
num tempus assignari, si placuisset senatui populō-
que grammatico, ita nihil opus fuisset temporis unius
sectione. Aliquanto pōst Fabius non inficiatus, à scri-
ptoribus traditum, finalem breuem pro longā accipi.
Aures tamen, inquit, consulens meas, intelligo multum
referre, utrūne longā sit quæ cludit, an pro lon-
gā. Neque enim tam plenum est dicere, incipientem
timere: quā illud, ausus est confiteri. At qui si nihil
refert, breuis an longā sit ultima, idem pes erit. Verūm
nescio quomodo sedebit hoc, illud subsistet. Quo moti
quidam, longæ ultimæ tria tempora dederunt: ut il-
lud tempus quod breuis ex longā accipit, huic quoque
accederet. Nec solū, inquit, refert quis cludat, sed quis
antecedat. Vides Quintilianum sensisse discrimen in-
ter longā & longiorem, breuem & breuiorē, etiam
in finali commatis clausula: quanto magis id sensurus

in cursu perpetuo uocum, aut in media dictione? Quod si ueterū literæ nullum indicassent discrimen, tamen ipse naturalis aurium sensus non sineret aliter iudicare. Quis enim non omnino stupidis auribus non intelligat κω minus habere difficultatis in κώω, quàm in κώκω†, quum utraque sit breuis? rursus tardiozem esse sonum in κλω†, quàm in ων, quum utraque sit natura longa? sed illi morā addunt, quibus cingitur, consonantes à fronte duæ, à tergo duplex: huic additum υ, non difficultatem addit, sed iucunditatem. Præterea quis non sentit ων, faciliore esse soni, quum dico, κώων ἐξ, quàm quum dico, κώων τρεῖς? Item tardius sonare, κλω†, quum dico κώκω† σπατηῖ, quàm κώκω† ὀξῖ? In κώων ἐξ, sex sunt tempora: in κώων τρεῖς, sex semis. In κώκω† ὀξῖ, septem tempora: in κώκω† σπατηῖ, nouem semis, ut κλω†, syllabæ dimidiū temporis accedat ob moram, quam adfert consonantium collisio. L. Haud procliuē sit ista discernere. V. Nihil facilius. Atque adeò miror hoc homini musico uideri, qui nris quomodo uocē, quam hodie maximā uocant, diuidant in longam. Rursus quomodo longas in breues, breues in semibreues, semibreues in minimas, & has insuper secant in plusquam minimas. tum non ignores quomodo proportionibus, quas illi modos hodie uocant, uariè producant aut accelerēt pronuntiationem, nunc ad rationem duplam, nunc ad triplam. Quāquā hac subtilitate nihil est opus. Res fuerit euidentis, si, iuxta musicos, breuē secēs in semibreuē: ita in caput, prima erit breuis: in lachryma, breuis cum semibreui: in da & fle, duæ breues. in sol, duæ breues & semibreuis: in stirps & rex, tres breues. L. Intelligo.

V. Verùm hanc exquisitam uarietatem negant obseruari in carmine pronuntiando, sed in oratione pro-
 fusa nihil uetat. At ego multo minus arbitror obseruari
 posse in multorum concentu, præsertim imperitorum.
 Hinc enim, ni fallor, natum est, quod chorus Ecclesia-
 sticus nec in Psalmis recitandis, nec in Canticis solen-
 nibus, ullum habet breuiũ aut longarum delectũ, ne
 tonorum quidem admodum magnam rationem, sed
 omnes pari temporis mora sonant, ne dum alius aliud
 sonat, inæqualitas uocum pariat indecoram confusio-
 nem. Et in cantu, siquando uocibus imparibus utun-
 tur, inæqualitatem eam non ex natura syllabarum, sed
 ex suo arbitrato metiuntur. Quamquam hoc genus cã-
 tionis nõ recipiunt qui religionis sunt austerioris, sed
 spondeis pronuntiant omnia. Non dubito tamen quin
 Ambrosius suos hymnos obseruatis syllabarum modu-
 lis canendos instituerit, eamque consuetudinem arbi-
 tror ualuisse, donec crassior literarum inscitia, et in-
 conditus uocum tumultus compulit ad hanc inæqualẽ
 æqualitatem confugere. Quin audiui concionatores ex
 hoc genere, qui quo pluris habeantur à populo, nouum
 aliquid ac prodigiosum comminiscuntur, eodem tono,
 pari mora pronuntiantes syllabas omnes, paribus etiã
 interuallis, quasi singulæ syllabæ singulas absoluerent
 dictiones, magna quidẽ admiratione plebis imperitæ,
 sed æquẽ magno tum risu, tum tædio doctorum homi-
 num. Hoc enim uerè est quod ait Cicero, latrare, nõ lo-
 qui. Verùm ut ad institutum nostra recurrat oratio:
 quẽadmodum in productione syllabarum plurimum
 habet momẽti facilitas aut difficultas literarum unde
 constantur, neque quicquam uetat quo minus in eo-

dem sermone, nunc citatior, nunc lentior sit pronuntiatio, modo in cursu uerborum, quam Græci *συνέπειαν* appellant, inter uicinas proportio discernat moris temporum, ita in modulandis tonis non est eadē ac perpetua ratio, ut omnes acutas sones ūsdem chordis, seu graues, aut circumflexas: licet enim pro sensuum et affectuum uarietate, nunc intensiore, nunc depressiore linguae sono uti: ex proximè præcedentibus ac proximè sequētibus distinguere uocis modulationē sat erit. Non enim semper pari spatio uox acuta ultra grauē intenditur, sed utcunque commodū est, aut ut sermonis natura postulabit, remissior aut ardentior. Interdū enim ad semitonium, interdum ad tonum, nonnunquam ad ditonum, aliās ad *τὸ διὰ πασάπων*, aut *διὰ πέντε* tollitur. Quidam etiam altius, et ultra *τὸ διὰ πασῶν*, sed iam indecorē, nec citra speciem insaniae, quæ hoc est euidentior, quod faciunt crebrius, maximè quū sensus nullam uocis mutationem postulet. Totā hęc modulandi ratio intra heptachordi modos consistit. Rursus in depressione uocis eadem est ratio, nec anxie seruandū est ut omnes, quemadmodū dixi, syllabæ eodē tenore, uelut eadem sonentur chorda, præter eā quæ acuitur: quod genus si dicas legeramus, abominanda, horrenda, non referenda: prima legeramus potest sonari in nete (fingimus enim hanc esse quæ grauissimam ædit uocem) secunda in paranete, tertia in paramese, quarta rursus in paranete. Rursum in abominanda, primæ duæ sonari possunt in paramese, tertia in mese, quarta in parypate, quinta in mese. Item horrenda, prima sonari potest in lichano, secunda in hypate, tertia in parypate. Denique non refe

renda, primam sones licebit in parameſe, proximam in paranete, antepenultimam in nete, penultimam in parameſe, ultimam in nete. L. Hic deſidero meam ci-
 Acuti à cir- tharam. Sed age dic quo pacto diſcernitur acutus tonus
 à inflexo diſ- à circumflexo? V. Duplici nota, productione temporis
 crimen. & intentione uocis, ut lentiore, ita remiſſiore. Non huc
 acceſſam muſicorum ſubtilitates, qui diſtingunt tonum
 ac ſemitonium, diuidūt per apotomas, dieſes, comma-
 ta, ſchiſmata, & diaſchiſmata. Nobis ad hanc rem ſuf-
 ficit diſcrimen toni, ſemitoniſ, ſi uiſ & ditoni. Sit igitur
 hoc diſcrimen inter acutum & inflexum, quod inter
 tonum & ſemitoniū, aut ſi hoc uidetur obſcurius,
 quod inter tonum & ditonium. Et hoc diſcrimen Latini
 prorsus negligunt, quum quoties penultimam natu-
 ra longam excipit ultima breuis, in priore loco ſit cir-
 cumflexus accentus, non acutus. Vidi, primam habet a-
 cutam. Vidit, primam habet circumflexam: illud, perim-
 de ſonat quaſi dicas fa re (nam docēdi gratia, craſſius
 eſt loquendum) hoc quaſi dicas fa mi: aut ſi ſyllabam,
 cui tonus additur, conſeras cū præcedēte, acutus perim-
 de ſonabit, quaſi dicas re mi, perfectō tono: circumfle-
 xus; quaſi dicas mi fa, quia ſemitonium eſt. Quòd ſi
 cuius aures ſunt hebetiores, quàm ut hāc ſentiant diſ-
 ferentiam, ſit acutus fa ut, aut ut fa, circumflexus fa re,
 aut re fa, prout ſyllabam intendendā cum præcedenti
 aut ſequenti conſeres. Hæc cum diſcreuerint ueteres
 & uſu & præceptis, an non piaculum eſt nos hoc diſ-
 crimen in totam negligere? Quis enim nunc diſcernit
 pronuntians inter has, crêta, mûſa, Rôma, mêta, uêna,
 nominandi, uocandiue caſu, & crêta, mûſa, Rôma, mê-
 ta, uêna, auferendi caſu? L. Certè nemo. V. Rurſus.

inter luctus recto casu, & luctus paterno casu? Atqui in prioribus est trochæus, & prior syllaba tonum habet circumflexum ob ultimam breuem, in altera prior habet acutum propter sequentem productam. L. Audiui ueteribus ultimam semper habitam pro ancipiti.

✕ V. Verum ultimam carminis, non cuiuslibet dictionis, & quod ueniae datur in carmine, fortasse dabitur & in colis, aut periodis, tamen si ne illi quidem, nisi ut pro breui sonet longam, non contrā. In synepia uerò nequaquam idem licuerit. Et quanquam euidentius breuis ac longæ discrimen est, uocalem excipiente consonante, ut fructus & fructus, ut post docebimus: tamen apud ueteres finalis uocalis, nulla sequente consonante, manifesto discrimine signabatur. Id esse uerum liquet ex Diomede grammatico, qui docet o in fine uerborum solere produci, Græcorum exemplo, qui ut λέγω dicunt & πῶμαι, ita illi dico & cædo: post, inquit, usus intantum obtinuit, uocalem hanc haberi pro ancipiti, ut ridiculus esset qui non corriperet. At unde deprehendebat hoc irrisor ille, si tum pronuntiabant ut nos pronuntiamus hodie? Nimirum ex accentu & mora temporis, præsertim in cursu. Qui producebat, dicebat dico tibi. Iam duæ dictiones habebant sex tempora, & syllaba prior in utraque tantum habebat acutum: qui corripiebat, ita sonabat, dico tibi, & eadem dictiones non habebant nisi quinque tempora. Idem si dicas, amo pecuniam, faciliè dignoscant aures an sonet iam-bos duos & pyrrhichium, an tribrachium & dactylum. L. Monitus sentio. V. Nunc aliam accipe fabulam, quæ rem eandem doceat. Quintilianus libro duodecimo narrat rusticum quendam testem interro-

O produ-
ctum in fi-
ne uerborū

gatum an nosset Amphionem, negasse. At cuius intererat illum nosse hominem, quum esset minimè stultus, suspicatus est id quod erat, rusticum hominem quidem nosse, sed non agnoscere uocem parum rusticè pronuntiatam. Itaque ueluti de altero percontans, rogauit an nosset Ampionem, uidelicet aspiratione sublata, et secunda syllaba breuiata: protinus agnouit Ampionem, qui Amphionem non nouerat. Hic accentus quoniam anteit penultimam, non indicat discriminè quantitatis syllabicæ. quum enim penultima sit breuis, in antecedenti tonus sit oportet, siue corripitur illa, siue porrigatur. Vnde igitur rusticus ille discernebat à longa breuē? Nec enim refert ad dignoscendi facultatem, quod apud rusticos utiosè corripiebatur. Sic esse pronuntiandum existimabat, hoc mihi satis est, quod aurium iudicio secreuit breuem à longa. Vnde inquam? Non accētū, ut modo dicebā, sed mora temporis. Quum enim urbanè pronuntiaret Amphionem, Ionicus erat ἀπὸ μείζονος, hoc est, spondeus cum pyrrhichio: quum Ampionem more rusticorum, trochæus erat cum pyrrhichio. Suetonius indicat Neronem Cæsarem mortuo Claudio stultitiam exprobrare solitum, unius uocalis productione. Quoties enim incideret, ut diceret illum esse mortuum, ita loquebatur: Desūt inter uiuos morari, porrecta prima syllaba. Quis autem erat hic ioco locus, si quemadmodum nunc loquimur, ita tum quoque nullum longæ breuīsq̃ue discriminē sentiebant auditorū aures? Num hæc tibi uidentur satis aperta? L. Non habeo quod contradicam. V. Accipe quod his omnibus euidentius est. Tot authores apud Græcos scriptores de numeris orationis conscripserūt, inter quos sunt

Aristoteles ac Theophrastus, si rhetores contemnimus: tot apud Latinos, præsertim M. Tullius & Quintilianus. At oratio numerosa, quibus rebus constat? L. Pedibus opinor. V. Rectè: nam iisdem pedibus constat oratio soluta quibus carmen, nisi quòd non æquè certis legibus inter se iunguntur. At pedes unde constant?

L. Ex breuium ac longarum syllabarū inter se connexionione. V. Rursus quare discrepat à breui longæ?

L. Porrectiore mora pronuntiandi. V. Si tum confundebatur longarum ac breuium discrimen, quæadmodum hodie facimus, quorsum attinebat celebres & graues uiros tot uoluminibus præcipere de numerosa dictione? Ac Romæ quidē quoniam Democratia, propter senatus auctoritatē temperata erat Aristocratia: multa apud populū, nonnulla etiam in senatu agebantur. Athenis autem quòd esset Democratia pura, omnia agebantur apud populum. Quòd si plebes imperita non discernebat longas à breuib, quorsum opus erat Demosthenem, olei simul & somni iactura hac solitudine discrucari? Sin indocta multitudo bene modulatis delectabatur, rursus malè compositis offendebatur, qua fronte nos nobis loqui uidemur, qui præter accentus nullū in syllabis discrimen facimus, atque hīc ipse accentus frequenter in causa est, ut pro breui sonemus longam? Frustrā tam operosè præcipitur, qui pedes congruant initijs & clausulis incisorū, membrorum, & periodorum, si nostri arbitrij est pro breuib longas, pro longis sonare breues. Quir in medijs uitabant immodicam syllabarū celeritatem, quæ sic offendebat aures, ut puerilium crepitaculorū strepitus, unde Aristoteles eiusmodi compositionem chordacem ap-

f.iiij.

pellat, si ubicunque tonus est, licet sonare productam? ut mulier, faciat dactylum, non tribrachum: et temeritas, faciat diiambum, non pæonem quartum, qui constat pyrrhichio et iambo. Animula misera perijt, si prouinties ut oportet, offenduntur aures eruditæ concursu breuij, quasi tu τὸν χόρδακα saltanti canas, aut τὸν τετραπόλο. At nos hîc sonamus diiambum in animula, duos dactylos in misera perijt. Quur quibusdam uisum est durius, quod Marcus Tullius in clausula posuerit, balneatori et archipiratæ: Demosthenes, πᾶσι καὶ πᾶσι, qui finis est iambici Σαχονtis, constans ex Trochæo et Molosso, si nobis licet, balneatori, tribracho et spondeo, archipiratæ dactylo et spōdeo sonare? Rursus quur laudatur hæc eiusdem compositio, ijsdē in armis fui, quod in armis fui, spondeus iambo præponitur: aut quod ijsdē in armis fui, sint duo cretici, si nobis licet ut ferè facimus, sonare dactylum, et dichoreū in ijsdē in, et armis, fūi? Siquidem tunc non decepti, priorē in fui, producimus. Aut qua ratione probatur illa Ciceronis clausula, criminis causa, quia spondeum præcedit creticus, si nobis permittimus creticum uertere in dactylum, quod improbatur ab artis scriptoribus? Idem dicere possum de clausula Ciceronis, uerumetiā notā, in qua spondeus succedit anapæsto, si nobis liberum est pro anapæsto sonare dactylum, ut ferè nunc uulgo sonant etiam docti. Quur illa Ciceronis clausula doctis olim uisa est fœlix, Patris dictum sapiens temeritas filij comprobauit, quod ultima dictio dichoreum absoluat, si tum liberum erat pro dichoreo sonare pæonem tertium, hoc est pyrrhichium ac trochæum? Sed exemplorū plus satis. Vides quan-

tam syluam adferre queam : sed hæc declarandæ rei abundè, ni fallor, sufficiunt. L. Mihi sanè supersunt etiã. Cæterũ nunc aures ista non diiudicant. V. Quid causæ, nisi quòd aures habemus asininas ? quibus non placet luscinia cantio modulatissima. Et tamẽ ista aures in musarũ donis plus quàm asininae, in saltationibus ineptis, in ebrijs cantionibus sentiũt longæ, breuis, acutæ, demissæ, mediæque uocis discriminẽ. L. Sic est : ubi intenderis animum, ibi ualet. Si hæc sunt uera quæ narras, ut sunt profecto uerissima, nullus hoc tempore sonat Latine. V. Adde ne Græcè quidem, utcunque nobis placeamus. L. Multi quærũt in uocibus Græcis, quas usurpatione, sui iuris fecerunt Latini, quæ ratio accentuũ sit obseruanda. V. Istuc expedire perfacile est. Si uox deflexa est ad normam Latinæ declinationis, seruetur accentus Latini regula. Id præterquã quod iustus est, etiã commodius est. L. Quamobrẽ?

V. Quia apud Latinos perpetua ratio est, Græci uariant, eo quòd Latini ferè spectant penultimam in polysyllabis : in dissyllabis tonus propè semper est in prior, nec aliunde aliò migrat, quẽmadmodũ apud Græcos. L. Exemplo rem feceris dilucidiozem. V. Quidam malunt dicere grammaticæ, grammatices, grammaticen Græco more, quàm Latino. Atqui Latine si dicas, tonus semper erit in ea quæ tertia est ab ultima : alioqui grammatica, ultimam habebit acutam, grammatices paternus casus, et grammaticæ datiuus circumflexam, rursus ô grammatica acutam : quanquam in septimo casu cogeris esse Latinus. Item qui Timotheus dicit Latine, semper acuit antepenultimam, et hætenus conuenit cum Græcis quoties ultima corripitur. Cæte-

Grāmática

Timotheus

sôphia

uuit
 uuijt.
 uuin
 uuijn.
 vles
 vlees.
 Best
 Beest.
 Lest
 Leest.
 Vel
 Veel.
 Pu
 Put.
 Bret
 Breet.
 Vet
 Veet.
 Rat

rum quoties ultima sit longa, tonus migrat iuxta Græcos in penultimam, ut Timothéi, Timothéo: in Timótheum remigrat in locum suum. L. Expeditius itaque dicemus sôphia prima acuta, & philosôphia antepenultima acuta. V. Sic opinor. Nam quòd Christiani quidam tantum tribuerūt accentui Græco, ut in metro quoque syllabam naturā longā corripuerint, uelut in idola, & paraclytus, ecclesia, & si qua sunt alia, condonandū arbitror pietati potius, quā imitandum. L. Explana, quæso, crassius, quo sono discernatur natura longā uocalis à breui. V. Id ne putes rem nouam, dilucidè patet in linguis uulgaribus, quæ & sono & scriptura discernunt longā à breui, longā aut geminata uocali scribes, aut additā uocali uertentes in diphthongum. Dic Batauicè albū, sentis unicum i: dic latum, sentis geminum, quum tamē dictio sit monosyllaba. Audis apud machinas, quibus onera tolluntur è nauibus, quoties iubent uolui rotam, simplex i: quoties uinum postulant, geminum. Rursum dic Batauicè lagenam, audis unicum e: dic Flandricè carnē, audis geminum. Idem discrimen in optimo & bestia: ultimo & forma calcearia. Dic Batauicè pellē, audis unicum e: dic multum Brabanticè, audis duo. Item Batauicè puteum, audis u simplex: dic extrā, audis geminum, nisi maioris hīc esse peculiare diphthongum. Item dic Anglicè panem, audis e breue: dic Batauicè latam, audis ee geminū. Dic obesum Batauicè, audis e breue: dic similitatem, audis porrectum. Dic Batauicè rotam, audis a breue. Dic consilium, audis diphthongum æ. Idem fit in foramine & uadite: in balneo & lucro. L. Iam mihi succurrunt istius generis exempla in-

numera. V. Quo magis mirum est nos hæc omnia Raet.
 confundere seu Græcè, seu Latinè loquentes. $\Sigma\eta\rho$ uox Gat
 natura longa excepta prima litera, quid aliud sonat Gaet.
 hodie, quàm apud Latinos uir, quæ natura brevis est? Bat
 Item $\pi\upsilon\rho$, nos sequuti Græcos, malè pronuntiamus, quum Baet.
 Germani uocem eam à Græcis sumptam rectè sonent,
 nisi quod tenuem uertunt in aspiratam, Bataui in u
 consonans. $\pi\alpha$ nos malè sonamus, Galli rectè, quum hu Bas
 mile dicunt aut passum. L. Sic est profecto. V. Iam Pas
 in $\Sigma\eta\rho$, quod ipsum ad nos fluxit à Græcis; Batanica
 lingua dum sonat dier, θ mutato in δ , declarat quid
 sonuerit apud Græcos $\Sigma\eta\rho$. Ad hæc quid aliud sonat
 syllaba mus in animante longa, quàm in dictione mi-
 mus brevis? L. Nihil prorsus. V. Atqui discrimen
 docet Batauus sonans animantis uocabulū, in quo au-
 dis geminum u: si sones simplex, nullus quid uelis in-
 telliget Latinè nesciens. Tantum est discriminis in mo-
 ra syllabæ, quod nos perinde ac si nullius sit momen-
 ti, planè negligimus. Nihil enim aliud sonat nobis ho-
 die las in puellas, quàm in Pallas: es in res, quàm in
 uerbo es: lis in facilis, quàm in lis, unde litis: or in $\epsilon\kappa$ -
 $\tau\omega\rho$, quàm in uincor: lus in nullus, quàm in palus &
 salus. atque item de cæteris. Nec ullo modo dubitandū
 quin ueteres distinxerint manifesto uocis discrimine.
 Nequis autem existimet hoc usque adeò barbaricū esse
 de quo loquimur, præter alios Grammaticos & Quin-
 tilianus ipse prodidit, Latinos usque ad Actii poetæ
 tempora & ultra, uocalem productam, per eandem Vocalis geni
 geminatam notare solitos: ueluti si scribas, uauanus pro nata, pro lō
 uauanus, turbaas pro turbas, rees pro res, lijs pro lis, doos ga.
 pro dos, saluus gemina uocali pro salus. Si nullum erat Doos.

discrimen, unde prisca tanta huius rei cura? Nunc uero quid interest inter priorem syllabam in *mála* adiectiuo, et *mála* substantiuo, quod illis erat *maala*? Inter finalem *is*, huius uerbi legis et finale *audis*, quod illi scribebant *audijs*. Inter *legi à legor*, et *legi à lego*, quod illis erat *leegi*. Inter *uius* uerbum et *uiuis* nomen, quod illi *uiijs*: inter *dos* Græcum uerbū, et *dos* dotis, quod illi *doos*. Inter ultimam, manus genitiui, et ultimam, *uulnus*? L. Deum immortalem, quantum à recta pronuntiatione degenerauimus. V. In Græcis propè grauius etiam aberratum est. Quis enim distinxit inter *τύπωμα* indicatiuum, et *τύπωμαι* subiunctiuum? Aut quis inter *ας* in *αἰείας*, et *ας* in *λαμπάς*: inter *καλός* nomen, et *καλῶς* aduerbiū: inter *κρείος* et *κρείως*, si tonū tollas, quū ipsum *ω* ex duobus *o* pusillis conflatum admonere nos debuerit et productionis et soni? Quod si nihil aliud sonabat *o* quàm *ω*, quid sibi uult quod grāmatici tantopere prædicant *ω*, ueluti grandius quiddam resonans è specu oris? Quid autem facilius, quàm eandē uocalem duplicatam, non ictu uocis, sed productione sonare? Id facillimè percipiet, qui primum pro una sonarit duas, quemadmodum solent non absoluti musici, quo certius canant ad ictum manus, longam diducunt in duas breues: rursus eadem mora, perpetuo sono pronuntiant eandem longam, animo tantum imaginantes geminū uocis ictum. Simili ratione periti complures breues, aut etiam longas continuo sono pronuntiant, nec errant in moris, animo supputantes interualla, non uocē. Sic apud Latinos ex *tibijæn* factum est *tibicæn*. Igitur ut rectè sonēs *legi* præteritum à *lego*, primum fac uocem trisylla-

Audijs

Leegi

Vuijs

Doos

Tibijæn

bam, & dic léegi prima acuta: deinde pari mora, sed Léegi
 uoce continua légi, ut hæc uox quatuor tēporibus exten-
 datur, quum légi à legor constet tribus. Ut rectè sonet
 lege à lex, dic léege: mox inflexa priore, lêge, ut dictio
 constet tribus temporibus, quum lege uerbum constet
 duobus. Item dic lúctuus trisyllabōs, mox luctūs ex- Lúctuus
 tento u. Dic máala, mox málā, quum arboris fructum Málā
 indicas. L. Tu quidem crassissimè doces. V. Nimi-
 rū crassis tradenda. Idem qui uolet assuescere pro-
 nuntiandis diphthongis, primum diuidat, deinde con-
 trahat in eādem uocem: primum sonet musæ, deinde
 musæ: primum foënum, mox foëni: primum aúdio te-
 trasyllabum, mox audio trisyllabū: primum eūge tri-
 syllabum, mox euge dissyllabum, sic ut utranque uo-
 calem liceat agnoscere, quauis sono confuso. Idem in
 diphthongis Græcis, ut πᾱίς πᾱίς, δημοδένει δημοδένει.
 οἶνος οἶνος, μούσα, per u Gallicum μουσα. Similis in
 Græcis productis est exercitatio. Primum dic αἰνείας,
 mox conflato sono in longum αἰνείας. Item u, diuide in
 duo ee ore diductiore, aut in duo a Scotica: & dic
 χαμμαλικίς, mox perpetua uoce χαμμαλικής, memor
 prioris soni, ut κής id sonet quod apud Gallos sonat
 sed, apud Zelandos cascus. Similiter μῶς per u Galli- Kees
 cum, deinde μῶς. Item καλός, mox καλῶς. L. Video Meys
 facillimè discerni uocalē longam à breui, si consonans
 finiat syllabam, ut in audis, legis: at non perinde fa-
 cile, quoties uocalis claudit syllabam. Quum enim di-
 co is ab eo, sic enuntio quemadmodum Bataui glaciē:
 quum lis unde litis, sic effero quemadmodum Gallus Lis
 sonat lilia. At minus est euidentis discrimen in colo uer-
 bo, & colo nomine. in málā substantiuo, & málā adie-

Et *huo*: in *pûtet* à *puto*, & *pûtet* à *puteo* uerbo. *Accentus* enim *obscurum* habet *discrimen*, nisi *mora* *prolationis* accesserit, nec ea facile sentitur, nisi in *contextu*, quam, ut dixi, *Græci* uocant *συνέπειαν*: ueluti si dicas, da *bôna* *mâla*, ex duabus *breuib* *præcedentibus* & una *sequente*, sentitur a *productum* in *mâla*. Item ex *bo* *acuto*, sentitur *ma* *circumflexum*. Hinc *iocus* ille *Plautinus*, quum *Sofia* *heræ* *minanti* *magnum* *malum*, *mutato* *accentu* *respondet* *prægnanti* *potius* *esse* *dandum* *mâlum*, ut quod *obrodat* sit, *animo* si *malè* *esse* *occeperit*. Verum his in *rebus* *emendatior* est *Germanorû* *lingua* quàm *Gallorum*, qui *finales* *syllabas* *omnes* *ferè* *producunt*, nisi siqui *uulgatam* *pronuntiationem* *dediticerunt*, atque item *cæteras* *plerasque*: ita *sonant* *caput* quasi *geminum* haberet *u*, & *audit*, *dicis*, *similiter*, *maximè* *uerò* quum *dictio* *desinit* in *s*. Itaque *rectè* *pronuntiant* *salus*, *uirtus* & *fructus* *gignendi* *casu*, quæ nos *confundimus*: at non *rectè* *eodè* *sono* *pronuntiant*, *dominus* & *seruus*: *mus* & *I E S V S* *rectè* *sonant*, at non *rectè* *minus* & *læsus*. *Rectè* *sonant* *audis*, *uenis*, *nescis*: at non *rectè*, *audit*, *uenit*, *nescit*, aut non *rectè*, *scribis*, *legis*, *dicis*. Bene *sonant* *os*, *mos*, *flos*: at non bene *σοφός*, *καλός*, *κώερος*. Est igitur hîc quod *discamus* à *Gallis*, est quod illi *uicissim* *discant* à *Germanis*. In *medijs* item ac *primis* *syllabis* *amant* *porrigere* *uocales*, uelut quum *dicunt*, *arma*, licet *a* sit *positu* *longæ*, tamen *perinde* *sonant* quasi sit *geminum* *a*, a *arma* *sono* *continuo*. Id quo possint *cômodius*, *elidunt* è *duabus* *sequētibus* *mutis* *alterâ*, *sonantes* *mama* pro *mamma*, & *aliu* pro *allium*, *aduco* pro *adduco*, *atero* pro *attero*, *ualo* pro *uallo*, *anuus* pro *annuus*. L. Suggestis

animo quiddam, de quo frequenter addubitavi. Grammatici distinguunt uocalem natura longam, & positu longam. At apud Latinos quum omnes sint ancipites, eoque dicatur natura longæ, quæ positu longæ non sunt, estne ratio qua per sonum possim dignoscere? V. Et hoc te docebit uulgata Gallorum pronuntiatio, qui omnes ferè sonant ut natura longas, duas consonantes, aut unam geminam uoce separantes à uocali præcedenti. Nos enim uidisti, sonamus, ut penultima syllaba desinat in s, ultima incipiat à t: Gallus penultimam finit in i, & ultimam incipit à st. Rex, lex, fax, & pax & natura & positu longas Galli rectè sonant: at fax tantum positu longam, non item. L. Sed præter discrimen soni, unde liquet positu, an natura sit longa uocalis? V. Ex cognatis dictionibus hoc elucebit, in quibus abest altera consonantium, uelut in amasti, a, natura longum esse declarat, quod & in amare sit longum, & in amati, quum absunt consonantes. Idè apparet in regis, legis, facis & pacis. Contrà in face, in noceo, unde noxa, in Arabe & trabe declaratur uocalis rectè esse positu, non natura longam. Rursus in τῆνοφα & τῆφος, manifestum est u positu non natura longum esse, in τῆνω, τῆω, & similibus. Eadem est ratio in κῆνος priore ancipite: proinde qui duas consonantes separat à præcedenti uocali, si productè pronuntiant, declarat natura longam esse: sin alteram partitur priori uocali, alteram posteriori, significat positu longam. Qui in κῆνος sonat priorē breuem, consonantē utranque iungit posteriori uocali. Sic Horatius Donatura cygno si libeat sonum. &, Forma captiue dominum Tecmessæ: cmes, separandū est à te. Quanquam est non-

A,tlas.
Aru,spex.

nullis sua quædam pronuntiandi ratio, quæ iubet consonâtes posterioribus uocalibus annectere seu diducere, uelut in Atlas & aruspex, quoniam prius compositum est à τᾱώ, & α, particula uehementiæ: rectius τ separatur à prima uocali, quemadmodum in ἄσαυος. Posterius compositum ex ara & specio siue spectro, sp rectius annectitur uocali sequenti. Cōtrā est in abstemio, quoniā dictum est ab abstinentia temeti, s melius annectitur primæ syllabæ. Quanquam hæc magis pertinent ad orthographiam, quàm ad pronuntiationem. L. De uocalibus & accentibus uideor mihi satis instructus. Superest ut de cæteris item consonantibus nobis edisseras. V. Referā quod memoria suggerit. Tres sunt mutarum ordines. primus est p tenuis, b mediæ, ph aspiratæ, quam Græci propriam habent φ. secundus, c tenuis, g mediæ, & ch siue χ aspiratæ. tertius, t tenuis, g mediæ, & th, siue θ aspiratæ. Atque hæ potissimum mutæ dicuntur, quòd ne sibilum quidem, aut stridorem, aut strepitum ullum ædere possint, nisi uocalis addita sonum expediat. P sonatur dum compressis labijs, spiritus ex arteria prorumpens diducit os addita uocali: quæ si præcedat mutam, uocalis uelut obmutescit: exempla sint, pa, ap: unde Fabius hoc tribuit fœlicitati linguæ Græcanicæ, q nullā habeant uocem desinentem in ullam mutam, nec in m, quæ & ipsa uelut obruit uocem ore compresso. Con simili ratione promitur b, nisi quòd leniore compressu labiorum uox exit, sed paulo largiore spiritu, largissimo φ siue ph. Euidens discrimen senties, si continenter pronunties, pe, be, phe. C uerò reducta introrsum lingua, & hinc atque hinc ad molares illisa, hæren-

P

C

tem intra os sonum propellit in palatum superius: nec aliter sonatur g, nisi quòd lenius exit, & paulo largiore spiritu quum chi plurimo flatu proferatur: discrimen senties si sonueris co, go, cho. T sonabis, si summa lingua pulsaris supernos & infernos dentes, eos quos Græci, ni fallor, πμεῖς appellant, modicè diductos. D crassius erumpit, th crassissimè. Eadem est sonandi ratio in duplicibus, ut ψάλλω, ξένος, γάζα: aut in compositis, uelut in πύω, πένω, φεάζω. Item in κτίζομαι, κτήμα, κνίσα, κῶναι, χοῖς, πλάω, βδέω. Rursus in τμήμα, τμῶλος, δμῶες, θλάω, θνητός, & alijs huius formæ. Nunc expendamus quantū in his à Germano sono degenerauerimus. Græci pro π sonant b Latinum, si m li tera præcedat, ut ἔμπορος emboros, συμπύζομαι symbaezomæ, συμπόσιον symbosion. Id durius fit, quum idem faciunt in diuersis dictionibus, mutato etiam sono v in μ, ut ἐν ἐμβρότῳ embroto, ἐν πνεὶ embyri. Et hoc mutuamur à uulgo delicijs. Nec enim huiusæ rei ulla mentio fit apud ueteres, usque adeò in cæteris minutijs tradendis penè dixeram supersticiosos. Rursus pro β, sonant u nostrum consonans, βάτραχος uatrachos, ἀμβρόσιος amurosios, quum probabile sit β apud priuscos Græcos idē sonuisse, quod apud Latinos sonabat b.

L. Quibus in hanc sententiam duceris argumentis?

V. Primū est, quod ex tot Grammaticæ scriptoribus nemo uarietatis huius facit mentionem. Hoc si leue est, dicam aliud. M. Tullius in epistola quadam ad Pætum, ut demonstret eandem uocem apud alios obscœnā esse, quæ apud alios sit uerecunda: nec in uerbo turpitudinem esse, sed in sensu loquentis, producit bini, & βίβει, quæ Latinis sit pudica, Græcis obscœna.

Atqui si βίβει sonabat tum Græcis, quod uulgo sonae hodie, non erat uox eadem apud utranque gentem nihilo magis, quàm apud Latinos bini & uini. L. Probabile est quod narras. V. Arguit idem Græcanicarum uocum usurpatio. Quod enim Græci dicunt βοῖς, nos dicimus bos: & quod illi βοᾶν, nos boare: quod illi τυρᾶν, nos turbare: quod illi βαλανεῖον, nos balneum. Quid autem infinita persequor? Et siquid detorqueamus, in diuersam partem id facimus citius, ueluti quum pro βαλᾶι, dicimus papæ. Hic peccant & eruditi: uulgus autem, & qui uulgatam pronuntiationem non dediderunt, interdum pro b pronuntiant u consonans, & contrà, ut bibit pro uiuit, & uiuit pro bibit. Id peculiare dicitur cuidam Hispaniarum regioni. Audiui-mus & Gallos aliquot ad eundem modum sonantes. Sūt & apud Germanos, qui pro b sonet p, & contrà, ut pipere pro bibere, & biper pro piper. L. Frequenter istiusmodi uoces audisse memini. V. Imò & in libris manu descriptis huius pronuntiationis uestigia sæpe deprehendimus, ut pabtismus pro baptismus, & uelle pro belle, & biētus pro piētus, βάρης pro πάρις. Sed plus etiā est erroris in c, cui respondet apud Græcos χ. Aliud enim sonat Latinis quū præcedit e, i, y, æ, œ, quàm cū antecedit a, o, u, ut in Ceres, cinis, cynicus, cælum, cæcus: aliud in canis, colo & curo. Nam in illis uulgus nostratiū penè nihil discernit inter c & s, ut uix aures diiudicent cœnæ dicas à cœna, an sene à senex: & utrum silicem pro lapide, an Cilicem pro gente: citum à cio, an situm pro positum. In Sicilia, primæ syllabæ sonum ægrè dignoscas à sono proximæ. Quæ quidem in re minus peccant Itali, præsertim Romani,

qui tametsi non prorsus eodem modo sonant c ante uocales omnes: tamen ita pronuntiant ut manifesto discrimine dignoscas c literā ab s, linguam in latus dentium læuū intorquentes cum sonant Cicero, Cæsar, & Cyrus. in alijs tamen minus est crassitudinis, ut in canis, colo & cura. Difficilior autem est huius literæ distinctio, quoties præcedit s, ut in scio & Scythæ, resciscit, asciscit, quam tamen euidenter ac fœliciter exprimunt Romani, nos mirè confundimus. Nos hîc & alio peccamus modo, spiritū addentes, c quoties antecedit s, & sequitur a uel u, schando sonantes pro scando, & schutum pro scutum. Quin & Græci x suū crassius sonant, quasi uergens ad γ, ac sibili nonnihil meditans, quoties præcedit uocales aut diphthongos, ε, ι, η, υ, α, ει, οι, υ, quām in cæteris. Nec dubiū quin hæc differentia profecta sit à uulgo, quando nemo ueterū id scripto prodidit, quum tamen alijs de rebus minutissimis plurima conscripserint. Ex linguis autem popularibus, quas constat olim lingua Græca permixtas fuisse, coniungere licet, x ante uocales quaslibet perpetuū suum obtinuisse sonum. Sic Germani uulgo sonant Cæsarē, Batavi silicem, sic Picardi ici, quod imitatum est à Græco ἐκεί. Nec me fugit hanc Galliæ partē ob pronuntiationem rideri à cæteris: retinet tamen manifestiora Græcæ Latinæque linguae uestigia. Rursus si quis audiat Anglum petentem osculū, agnoscat Græcum ὠσται, in qua uoce nos pro u Græco sonamus u Gallicum. Et in nostrate lingua, quoties illud tenue uolumus exprimere, pro c scribimus K, non aliter sonantes eam in Ky, quām in Ka, ueluti quum diminutiue dicimus, puellam aut puerū, nō diminutē, aut nosse, aut

x

Ici

Picardi

Meys. Kin.

Kind.

Kennen.

Kemmen.

Kynne.

κ c

pectere, aut mentum. Et quum Angli dicunt iugulo, aut regem, aut serua. Nec defuere Latini, qui non patiebantur c præponi a, ut ca, sed κα scribendum censuerunt, quod ab eruditis reiectum est, negantibus hic opus esse litera Græcorū commodatitia, quum c suum natium sonum ad omnes uocales deferat. Probabile est igitur et apud Græcos κ, et apud Latinos c, eodē fuisse sono, quacunque uocali sequente. Nam Latini K propemodum pro superflua duxerunt, quemadmodum et q, quibus uix utebantur, nisi quum unica litera signarent totam dictionem, ut Q. pro Quinto: K, pro Kalendis. Atqui superuacanea non est, si nostrum c crebrò proximè accedit ad uocem s. Postremo uel à ranis discere licet quod narro. Nam his hæc litera peculiaris est, quum audimus illas quotidie modulantes illud suum βρεκεκεκεξ, κο'αξ κο'αξ, in quo non percipitur illud crassius, et ad γ sibilumque uergens, quod nunc audimus in uulgata Græcorum pronuntiatione.

γ g

L. Certum est argumentum. Nam ranæ non mutant cantionem suam tot iam seculis, quum homines nihil sinant esse diuturnum. V. Non absurdè dicis, siquidem ranis lingua summa religata est, postrema quæ fauces spectat libera, ut aliter sonare non possint. Iam mediā quæ est γ, uel g, Latini non semper eodē enuntiant sono. L. Quī sic? V. Quum dicis uaga, uago, exiguus: nōne aliud audis, quàm quum dicis, uage, uagi? L. Prorsus. Nam in ga et go et gu, audio nescio quid crassius ac spirantius. V. Item aliud audis in lego, quàm in legis, legit: in longas, quàm in longis. L. Sentio. V. Similiter in Græcis aliud audis, quum dicitur, θεολόγω, θεολόγου, θεολόγα: quàm cum

θεολόγε, θεολόγοι. L. Ut nos quidē sonamus. V. Huic
 malo succurrit Germanorū pronuntiatio, qui sono per
 omnia simili dicunt, lego, legis, legit. L. Video quem-
 admodū ex corruptis libris, itidē ex linguis quamlibet
 uitiatīs, posse quādam deprauata restitui. V. Atqui
 nos Batavi ridemus hīc Germanos, quasi uitiosum sit,
 quicquid diuersum est. L. Ad istam rationem ni-
 hil non esset uitiosum inter homines. Verūm ut hīc re-
 ctē sonant g, ita perperam sonant quum dicunt, cau-
 deo pro gaudeo, & cades pro gades. V. Ita sanē so-
 nant quidam, qui vulgatam pronuntiationem dedisce-
 re aut non potuerunt, aut neglexerunt. Verūm ex ma-
 lis siquid inest boni decerpere sapiētis est. Nos tamen
 grauius peccamus in aspirata χ, siue ch. L. Tantūm-
 ne peccatorum? Expectandus est annus Iubileus. V.
 Fortassis excusabitur ab aliquibus quod pro mī sona-
 mus mihi, rursus pro mihi michi, quo iure ueteres in
 Hebræis usi sunt, quo sonus sit uegetior, ut in Ioahim,
 & Ioachim. Verūm quod pro ἰωάχουσον, ἰωάκρυσον,
 pro CHRISTE sonamus criste, pro chrisma cris-
 ma, quis feret? L. Nemo, nisi qui nescit discrimen in-
 ter CHRISTVM & cristas. V. Sunt ex aduer-
 so qui aspiratum pronuntiant etiam cribrum. L. Isto
 nomine Germani superiores malē audiunt, quum &
 id, si quod est, uitij multis modis compēscent, & ab Ita-
 lis profectum uideatur. V. Scio quid dicas. Arrium
 sentis quem epigrammate ridet Catullus, qui pro com-
 modis dicebat chommoda, pro insidijs hinsidias, ex cu-
 ius immodico flatu tantum erat discriminis, ut poëta
 timuerit, ne postea quā ille Syriam petens nauigasset
 Ionium mare, iam non Ionium diceretur, sed Hioniū.

Et olim fuerunt apud Græcos qui uitabant aspirationem, Iones opinor: & apud Latinos priscos. Et nequid existimemus sub sole nouum esse, sunt hodie qui spiritum addunt ubi nihil opus, & spiritum adimunt ubi erat addendus. Quorū hoc posterius Flandriæ parti gentilitium est, qui mira constantia spiritum addunt tenuibus, & adimunt aspiratis. Is error uelut agnatus hæret illis etiam Latine Græcæue sonantibus. Quemadmodum enim uulgata lingua dicentes herum, subtrahūt spiritum, & sonant honorem, ita quum dicunt, honorem addunt: Latine loquentes ululam uocant hululam, & humilem umilem. L. Pulchrè pensant uitium uitio. V. Audiu Florentiæ in professione publica constanter pronuntiantem, chorpus, chalidus, & champus: quum tamen ea ciuitas procul absit à mari, etiamsi plus satis uentorū immittit imminens Apenini dorsum. Arbitror tamen non fuisse Florentinum. Contrà cæteri Itali uix distinguūt hominem ab omīne, quod nos ingenuè distinguimus, & utrique alteros ridemus, quum peccemus utrique. Ac ne soli nos in pronuntiando labi uideamur, sunt apud Italos qui ex publico sermonis usu pro laudo sonant laldo, pro audio aldio. Rursus qui pro deus degus, pro eum egum, siue echum: adhæc qui mare Hebræorum pleraque syllabas extremas acuto sono pronuntiant, Bergemates ni fallor. Mentior nisi his auribus audiui Romæ sacrificos ad hunc modum pronuntiantes: quūque narrarem in conuiuio quid audissem, existimans id inscitæ uitium esse, risere quidam, & protinus agnouere ciuitates essent qui sic pronuntiaissent. L. Equidem arbitrabar nos solos barbaros sonare barbaré. V. Hodie

Eer
Heer

uulgus nusquam non est barbarum. Quin et chi non prorsus idem sonat in χῆρε, χῆρας, βεῶχῶ, χῆρος, χῶ, χερρόνησος, quod in χασεῖ, χορὸς, et ἀνοῦχος. Illic enim audis nescio quid sibili, quod in posterioribus non audis. L. Num id recte? V. Non ulla ratio, sed deliciae morem hunc inuexerunt, mea quidem sententia.

L. Apparet. V. Quod dicam, à priscis traditum est, γ si sequatur aspirata χ, aut alterum γ, aut ξ, sonat mediū quiddam inter υ et γ, ut ἐχειρίδιον, ῥόγχος, ἄγγελος, λυγξ, σφίγξ, enchiridion, rhonchus, angelus, lynx, sphinx. Adeoque non conuenit his literis in eadē dictione, ut si prior syllaba desinat in υ, uertatur in γ. Nam ab ἐν et χερ compositum est ἐχειρίδιον. Quod si post γ succedit κ, utriusque literæ sonus mutatur, uelut in ἀράκην, λυκείς. Nam in his γ propemodum sonat υ, et κ propemodum γ: propemodum dixi, quod nō ad plenum exprimitur υ et γ, sed medium quiddam inter utrūque. Simile quiddā auditur et apud Latinos, si literæ g succedat n, aut alterum g, aut c, aut q, uelut in magnus, agnus, pignus, cygnus, magnes, agger, aggero, anchora, anquiro. Ac ueteres, quorū est Victorinus, adeo putabant nobis hīc deesse literam, medio sono inter g et n, ut pro aggerem et suggestum, scribendū existimarint, angerē et sungestum. Rursus pro anchora, agchora: pro ancyliā, agcyliā. Verūm n, litera nostris auribus blandior uicit. Illud certē constat, Italos emendatē loquētes, aliter sonare magnus, agnus, quā nos sonamus. Nec enim sonant agnus, ut a per se sonet: nec agnus, ut g hæreat priori uocali: sed pro g, audis quiddam quod neque sit prorsus n, neque prorsus g, sed è duobus medium quiddam. Ex eodem fonte

Sungestus
Agchora

nascitur, quòd quidam scribere maluerunt anquiro,
 quàm acquiro, quòd q uim obtinet eandem cum c &
 K. Ea uarietas declarat illos nec prorsus sonuisse g, nec
 prorsus n, sed mediū quiddam. Idem censebant de ec-
 quid, nunquid, nanque, tanquam, quanquam, & simi-
 libus. Vis enim literæ q, sic m uertit in n, ut g sonum
 admisceat. L. Hæc mihi uidentur argutiora, quàm
 pro nostra regione. V. Simile quiddam tradunt de
 sono medio inter m & n, si sequatur p, b, aut ph, ut in
 ampullis, Lycambes & Amphimachus. Ausculta, ut so-
 nos auribus diiudices. Quid audis quum sono Lyan-
 bes? L. n. V. Quid quum Lycambes? L. Prorsus
 m. V. Quid nunc? Lycābes. L. Nec m, nec n: sed
 quiddā utrinque mixtum. V. Bene habet quòd hæc
 inter nos aguntur lingua: nam calamo non possint ex-
 primi. L. Nisi uocalis esset calamus, quales erant illi
 plus satis loquaces, qui Midæ auriculas sic traduxe-
 runt, ut hodie quoque prouerbio celebrentur. V. Sic
 est. Sed ut pergamus in t, d, & th siue θ, uide quot mo-
 dis peccetur. Germani superiores th subinde sonāt, &
 scribunt pro t, Protheus pro Proteus. Contra nos sona-
 mus t pro th, ut in theologus, Timotheus, & Phaethon,
 Phlegethon, alijsque innumerabilibus, sed multo magis
 quum aspirata adhæret consonans alia, ut pro θυτὸς,
 sonamus τυτὸς: pro αἰθνα, ætna: pro θρέψω, τρέψω: pro
 Θράκες, Traçes: & in totū ægrè assuescimus huic aspi-
 rata sonāda, quā fœliciter exprimūt Angli in initio,
 quum sua lingua dicunt furē: in fine, quum dicunt fa-
 brum ferrariū. Nam his uocibus uelut inimitabilibus
 solent hospitē prouocare. Qui crasse docent, monstrant
 θ propemodum sonare, quod nobis sonat ts, quam sylla-

Thief
 Smyth

bam nostra lingua facillimè sonat in tsa, quum dua-
 bus syllabis dicimus, simul. L. Agnosco. V. Quin fre-
 quēter d et t differentiam confundimus, ueluti quum
 pro David, sonamus Dauit: et ad Petrum, ad te, at Pe- Tsamen
 trum, at te: quod idem facimus in b, nonnunquam so-
 nantes pro abste, apste, quum d et b crassius sint so-
 nanda. Porro quòd Græci τ sonant, ut nos d Latinum, τ
 quoties præcedit υ, in ὑπὸς et ὑπερ, arbitror eos eodē
 iure facere, quo pro ω sonant b Latinum in ἔμωπος.
 Nam quod pro ti, sonamus ci, quoties excipit uocalis, for- ti pro ci
 tissis ueterū auctoritate probatum est in Laurentius
 et Patiētia, quum idem apud Græcos nequaquā fiat.
 De duplicibus duobus ξ et ψ, iam per occasionem di- ξ ψ
 ximus, quas Galli ægrè pronuntiant, dūtaxat in ini-
 tio dictionis, saluus sonantes pro psalmus, et senia
 pro xenia: nos hīc certè sumus fœliciores. Et Gallorum
 quorundam uulgus hīc addere solet e, exenia pro xe-
 nia, epsallo pro psallo. Idem faciunt in st, sp, pro sto
 sonantes esto, pro specto especto. L. Isthic non in
 Gallis tantum animaduertere liæt. V. Scio et antè
 dictum esse, cum quibusdā Hispanis hoc illis esse com-
 mune. Et una tantum Galliæ pars habet quod dico, ne
 totā in me concites. Tertia dupliciū est ζ, complectens ζ
 in se σ et δ, si α crassè pronunties. Vnde Græci qui-
 dam pro χαῖα, scribunt χαῖσα: pro μελίξεν, μελίσδεν.
 Alij rursus δια uertunt in ζα: inde nobis etiam ζαβο-
 λος, pro διαβολος. Hanc literam, quoniam non reperi-
 tur in Græcis dictionibus, Latini ferè uertunt in ge-
 minum ss, ut in patrisso πατριζω, et in musso μωζω.
 Eam Germani et fœliciter et frequēter usurpant lin-
 gua uulgata, quemadmodum et Sarmatæ uidentur ea

si. Zi

delectari. Nos tamen loquentes interdum usurpamus illius sonum ubi nihil opus: id ferè perpetuò quoties incidit inter duas uocales, pro læsa dicentes læza, pro uise uize, pro illuso illuzo, pro risi rizi: quod unde uenerit in nostram consuetudinem, non satis queo coniectare, quum Romani nō uariant in huius literæ pronuntiatione: nec causam uideo mutationis, nec ab ullo ueterum tale quicquam sit traditum. Nec enim sa debet aliud sonare in musa, quàm sonat in salus: nec so aliud in uiso, quàm in solus: nec se aliud in uise, quàm in sedeo: nec si aliud in risi, quàm in sileo. Nec huiusmodi rei quicquam est apud Græcos, quibus σ sonum suum perpetuò obtinet locis omnibus. L. Atqui quosdā audio pro simplici s, sonare geminum. V. Atque adeò scribunt quoties antecedit longa uocalis, ut in caussa & læssio. Ad eum modum scribere solitum ferunt M. Tullium. L. Fortassis hinc nata est uarietas. V. Fieri potest, quanquam reclamatione Romanorum consuetudo: at nos idem facimus, etiam si correpta uocalis præcedat, ut in nisi & miser. Quibus autem hic usus à pueris inolitus est, similiter peccant & in Græcis, sonantes μέζον, pro μέσον, & μοῦζα pro μοῦσα.

caussa

L. Video rem operosiores esse, quàm putarā, emendatè pronuntiare. Verū nōdum explicuisti quo pacto sonandum sit ζ. V. Rectè mones, nam exciderat. σ lingua ponè dentes superiores appressa profert lenè sibilum, qualem ædit serpens minitans & erectus, ubi quis imprudens propius ad nidum accesserit, unde litera s figuram habet eius animantis sibilum ædentis, & inflexo corpore deterrentis. Vnde & exhibilandi uerbum deductum. Huic sibilo accedit sonus ς, sed

SA
SO
SE
SI

S

S

crassior, aut lenior potius. Quemadmodum in cæteris duplicibus sibilum antecedit habitus oris quo sonatur p aut c. Demiror autem quur hæc litera tantopere displicuerit Dionysio rhetori, qui tradit eum ferarum esse sonum, et uix homine dignum, quum Græci in ple risque dictionibus p uertant in σ, sicut attigimus supra: rursum quoties incidit π geminum, malunt in geminum ω uertere, pro γλωττα γλωσσα: pro δέπαιλος δέσπαιλος, pro τὸ, σὸ sonantes. Nam si ideo displicet, quòd hunc sonum à serpentibus didicerunt homines, displicere debet et κ, quæ ranarū est et κορυς: et β, quæ est ouium: et μ, quæ est bouum: et ο, quæ est asinorū: et ρ, quæ est canum rixantium: et α, quæ est puerorū uagientiū. L. Atqui ne desit omnino patronus Dionysio, prisci Latini uidetur illam elidere soliti. Quod genus illud ex epigrammate quod refert Plinius in historia naturæ, Reginae Iunonis supremi coniugis templum. Item illud ex Ennii uersibus quos adducit Aulus Gellius,

Doctus, fidelis, suavis homo, facundus, suoque
Cōtentus atq; beatus, scitus, secūda loquēs in Tēpore.

V. Quid mihi narras Ennios, quasi non idem hodie faciant in oratione soluta Galli, quod Ennius fecit in carmine: prorsus elidentes s, quum incidit inter uocalem et consonantem: in fine uerò sic obscurantes porrecta in immensum uocali, ut uix sentias, uelut in est et dominus, in quorū priore, eliso s, sonant geminum, aut triplex potius eee: in posteriore, u, trium uocaliū habet spatium. L. At mihi uidentur uiri iusti pariter ac prudentes Hispani, qui quod Galli peccant in s, abundè pensant, nihil sine hac litera pronuntiantes,

Est
Seigneur

ac sæpius eā in eandem dictionē infulcientes. V. Verra narras. L. Si ludere uacaret, dicerem Gallos, quoniam non assueuerunt sibilis ob serpentium illic raritatem, metu ac religione uitare literam, ne prouocatum cognato sibilo noxiū animal frequentius eò demigret. Contrā Hispanos, ut uiros fortes, & serpentium sibilis assuetos, adeò contemnere illos, ut etiā obsibilent, quo absterreant, quomodo solent quidam oppedere tonitruis. Quòd si nunc in re etiā seria fas esset iocis indulgere, poterā & illud aduersus Dionysium proferre, quòd matres ac nutrices hac litera, quam ille uipereā uocat, somnos acersunt infantibus. Sed mittamus & iocos, & recentiorum delicias ac fastidia: quot homines, tot sententiæ. Magis me mouet, quod priscis illis tantopere displicuerit, qui parè literam hanc admiscuerunt, in tantum ut quidam totas odas conscripserint ἀσίμως, hoc est, nusquam admisto σ. Quin & Pindarus fertur hanc literam infamasse uersu, Περὶ μὲν ἡεπε χοινότεν ἢ φωνήεντα διδυεῖ μὲν, καὶ τὸ σάν κίεδαλον, ἄνθρωποι. Iam & illud admiror, quū ζ respondeat gemino sigma: in hoc enim uertunt Latini quur tantopere probetur eruditus, ut Quintilianus homo nūnimè surdus, uix aliam putet spirare suauius, ut in Xephyris & Zopiris. L. Dicam quod uenit in buccam.

V. Ut lubet. L. Ipsa se molli: ut quædam si modicè sumas lædūt, si copiosè prosunt, ut de lactucis & testudinibus est proditum. quemadmodū n, in manna iucūdius sonat, quàm in maneo: & m in mamma mollius est, quàm in lama. Tum uis literæ s, admixta tēperat asperitatē sibili. L. Nihil absurdi loqueris. Superest f, de qua superius per occasionem nonnihil at-

tigimus. Sed pleniorē explanationem datā opera in hunc distulimus locum. Et hanc quidam iudicarunt supernuacaneam, scribentes philius, phacio, phacies: mox ph, seruata est Græcis dictionibus, phama, Phæthon, Phœbus, Philippus, Pamphilus: Latinis dicata f, fœlix, facio, fibra. Quanquam ne hîc quidem satis constantes sumus. Nam famam, fugam & furem per f Fama scribimus, quum Græcis sint φῆμα, φυγή, φῶρ. Quod si Fuga prorsus idē sonat f, quod ph, siue φ, constat literam esse Fur supernuacaneam. Rursus si nihil interest in sono, quū conuenit ut φ numeretur inter mutas, f locus datus sit inter semiuocales? Ad hæc quid opus erat AEolibus digamma, quum haberent φ: aut nobis quum sup- peteret f? Fatentur enim omnes Claudium Cæsarem iure addidisse digamma AEolicum, quod nostro f in- uerso notabatur: ut cunq̃ue uicit consuetudo. Ad hæc, F quum authores quidam tradant apud nos u conso- nans, eam habere uim, quam apud AEoles habet di- gamma: sequitur has literas sono uariasse, quandoqui- dem constat u consonans, sonare diuersum quiddam ab f. L. Sic apparet. V. Iam Priscianus non om- nino malus author, scripsit nonnihil esse discriminis inter ph & f. Quod euidentius facit Quintilianus li- bro primo, referens iocū Ciceronis ex oratione pro Fun- dano, testem Græcum, opinor, irridentis, quod primam eius nominis literam sonare non posset, phundanus di- cens pro fundano. At M. Tullius magis erat irriden- dus, si Græcum φ, & Latinū f, nihil sono discrepant. Idem Fabius libro, ni fallor, 12. commemorat hanc li- teram Latinorū inter eas, quæ parū fœlicis sunt soni, quod inter dentes effletur, unde fieri putat ut sermo

Latinus ne possit quidem ad iucunditatem Græcanti-
cæ pronuntiationis aspirare. Atqui si in hac litera pa-
ria faciunt Latini cum Græcis, ridiculum est quod Fa-
bius hoc argumēto persuadere conatur, nos Græcis in-
feriores esse uocum suauitate. Adde his quod Teren-
tianus docens huius literæ pronuntiationem, eviden-
ter indicat discrimen inter ph, & f. quum enim docet
aspirationem in initio uocalibus additam, aut conso-
nantibus quatuor à tergo adiectam, non mutare literæ
sonum, sed tantum aspirationis gratiam addere, Sotadeo metro sic rem explicat,

Quia non adicit literulis nouum sonorem,
Sed Græcula quædã scholicæ nitela uocis. De flon-
gè aliter loquitur: referam enim illius carmen,
Imum superis dentibus apprimens labellum,
Spiramine leni, uelut hirta Graia uites,
Hanc ore sonabis, modò quæ locata prima est.
An nõ hîc duplici nota discernit φ ab f? primùm quòd
in f, labium inferius apprimitur superioribus denti-
bus: deinde quòd spiritu leniore profertur, ueluti stu-
dio uitandi Græcam aspirationem, quæ est in φ, cu-
ius sono labijs utrisque diductis spiritus uehementior
erumpit. Et haud scio an probabile sit, percontatorem
illum qui ex Amphione sustulit aspirationē, de quo su-
prà meminimus, ex Amphione fecisse Amfionem, quē-
admodum alter ille Græcus ex Fundano fecit fun-
danum. Quæ si uera sunt, triplici uarietate distincta
sunt, ph, f, & u consonans. L. Qua ratione possunt
auribus discerni? V. In ph, magis stringuntur labia
priusquam erumpat spiritus, is erumpit uehementior
labijs ac dentibus latius diductis: in f lenius, dentibus

penè coeuntibus, & inferiore, ut dictum est, labro superioribus dentibus affixo, ut inter hæc litera uelut effletur: in u consonante, multo etiam mollius effertur aspiratio, quàm uel in p, uel in f, idque diductis & labijs, & dentibus in exitu uocis. Nunc auribus obserua sonos, & oculis os meum intuere. Dico pha, fa, ua. Rursum phama, facio, uado. L. Papæ manifestum uideo discrimen. V. Supereſt scrupulus, quid AEolibus sonuerit digamma, tum autem an hodie rectè sonemus u consonans. Primum ubi iaceo sonamus conflatis primis uocalibus, præter ia nihil audimus in sono noui. V consonans
At quum idem facimus in uadit, uelo, uino, uolo, uulnus, aliud quiddam sentiunt aures. Sona ia, duabus syllabis. L. Ia. V. Contrahe. L. Ia. V. Fac idem in ua. L. Vā. V. Contrahe simili modo. L. Sentio sonum primæ syllabæ in nostratibus uerbis, quum dicimus, uigilare, molle, uinum, & habitare. V. Vna igitur nobis deest, si recta est horum temporum pronuntiatio. L. Dic clarius. V. Inter ph & f, nonnihil interesse in confesso est. L. Est. V. Inter fuerò & u consonans multum interesse res ipsa loquitur. L. Ut nos quidem sonamus. V. Atqui quum Batauus sonat album aut latum, aliud audis ui, quàm quum Latine dicis, uide: rursus aliud quum Batauus dicit percontari, aliud quum ulcisci, aut stringere. L. Rectè. Verum id scribunt per geminum ui. V. Nimirum differentiae causa. Nam & illis est u consonans eo sono, quo Latine loquentes efferimus, ueluti cum dicunt, pinguem, aut similitatem. Contra quum dicunt scito aut legem. Alioqui quæ uocalis duplicatur initio dictionis, nisi muet naturā? Nunc accipe & illud argumētum. L. Hic

WacKen

Weeck.

Wyn

Wonen

Wit

Wijt.

uraghen

WracKen

Wringhen.

uet

ueet.

Wet

Weet.

sum. V. Quum grammatici diligenter indicent affinitatem literarum inter ipsas, ueluti quum pro i, ponitur u, ut in optumus: pro aspiratione f, ut in fordeo pro hordeo: pro s, t, ut in mertare & pultare: pro u, o, ut in dicont pro dicunt, ac similibus innumeris, nusquam mentionem faciunt affinitatis inter f & u consonans, tanta est soni uicinitas, ut si paulo lenius sones f, fiat u: si paulo pressioribus labris u, fiat f. L. Non leue, per musas, argumentum. V. Ad hæc apud Aulū Gellium libro XIII. cap. 5. grammaticus ubi præscripsisset legem, per quam nomina desinentia in us, si proximè antecederet i, uocandi casum inflecteret in i, non in e, ut egregius egregi, quæadmodum Virgilius Virgili: diuus, riuus & cliuus, & huius generis alia hoc lemmate excepit à regula, quoniam non simpliciter desinerent in us, quemadmodum Virgilius, sed in eam quæ per duplex u scribitur, ad cuius literæ sonum declarandū repertum esset digamma AEolicum. Quòd si id tum sonabat, uus in riuus & cliuus, quod hodie nobis, nihilo magis erat opus exceptione in riuus, q̃ in Rufus, quum esset manifestus consonantis sonus ante u posterius. L. Persuades aliū fuisse sonum. Quid igitur censes? V. Censor esse non ausim, at diuino ueteribus propemodū sonuisse f, quod Græcis sonat φ, & quod hodie f sonat Phrysonibus: sonāt enim asperius, quàm nos, qui & u consonans propemodum sonant uti nos f, ueluti quū dicunt, muscam, uolare, metuere, quæ nos per u consonans sonamus lenius. Porro u consonans sonuisse, quod apud AEoles & Claudium Cæsare digamma. Id denique propemodum sonuisse, quod apud nos hodie sonat w geminū. Nam quod in uulgata pro-

Vocatiuus
in i.

Egregi

fliech
flieghen
fresen

nuntiatione, u consonans sonamus aliquanto lenius, quàm f, apparet ex iisdē delicijs ortum, quæ pro εμ-
 ποος, sonant emboros: & pro βίvei, vini. L. Quibus
 indicijs isthuc colligis? V. Ex ijs quæ iam commemo-
 ravi, tum ex linguae nostratis uestigijs, quam constat
 Græco Romanoque sermone permixtam esse. Innume-
 ra sunt locorum uocabula à uico dicta, ut quum dici-
 mus, comitis uicum, pastorum uicum, fontium uicum,
 in quibus ultima scribitur per w duplex. unde colligere
 licet quid olim sonuerit Latinis u consonas in ui-
 cis, uanus, & riuus. L. Verisimillimū est quod nar-
 ras. V. Item quum uulgata lingua nominas uinum,
 deprehendis quid in uino sonuerit prima syllaba. Idē
 arbitror esse quum dicimus uiolentiā, quanquam cor-
 ruptis, ut solet, literis aliquot. Rursus quum pro uacare
 dicimus uigilare, & quum sonamus uentū & uen-
 tosum. Similiter quum apud nos uelut euanescit u, illi
 scribunt per geminum w, ut quum dicunt graue, iu-
 rare, uexare, fatuum, duos. Nam apud nos pluribus li-
 teris additur, quàm apud Latinos. Contra quū apud
 Latinos habetur f, Phrysones & Angli quidam uertūt
 in f, nos in u consonans, ut hodie sonant Latini, uelut
 influere, fluctu, pisce, & similibus innumeris. Nam in
 pisce, & hinc deriuatis, p tenue mutauimus in ph. pro
 qua scribebant f: nos rursus fuerimus in u consonas,
 ut nunc quidem profertur. L. Certa narras, mira ta-
 men, & haud scio an omnibus credenda. V. Hinc
 est quod Germani spirantiores, Latine loquentes con-
 fundunt interdum has literas, u consonans & f, quum
 efferunt conuidit pro confidit, & fideo pro uideo. Nec
 mirum uideri debet, si quod tradidimus non est per-

Cōtwyck
 harderwyck
 Bruynswyck

Ghewelt
 Walzen.
 Wint
 Windich.
 Swaer
 Sweren
 Qwelen
 Dwaes
 Twee

Vloyen.
 Vloet.
 Vifsch.

petuò uerũ, sed fallit in quibusdam dictionibus, quum non ignores quanta sit sermonis uulgo crediti uolubilitas & inconstantia. L. Cætera faciliè corrigentur, nimirum ut aliquo discrimine sonemus f, in filius: & ph, in Philippus. Cæterum illud durum, si quis pro uanus sonet uanus, aut pro riuus, riuus, atque itẽ in cæteris, quæ per u consonans efferuntur. V. Nec est necesse, ut prorsus exprimamus uulgatam Germanorũ pronuntiationem: satis est si paulo longius recedamus à sono f, & aliquanto propius accedamus ad sonum u uocalis. Nam inter f, & u consonans fuisse dissonantiam euidentiorẽ, quàm nũc est & illud arguit, quòd nusquam altera in alterius uicẽ succedit, quod tamen in cæteris fit passim, inter quas uel tenuis intercedit cognatio, uelut in βούλωμαι & uolo: rursus in eo quo ueteres, teste Fabio, pro hædo dicebant fædus, pro hordeo forleum. Verũ non occurrit ubi uel f mutarint in u consonans, uel u consonans in f. L. Nondum a-nimum omnibus scrupulis liberaasti. Veteres qui meminerunt de digamma AEolico, ueluti Quintilianus, Priscianus, Aulus Gellius, & ni fallor, Victorinus, exẽpla proferunt, in quibus u antecedit seipsam, ut in uul-gus & seruus, riuus & diuus. Quòd si litera AEolica non alibi locum habet, quid sonabit u, in uanus, Venus, uino, & uolo? V. Et in his eundem sonum indicat epigramma, quod Ioannes Tortellius, uir suo seculo magnus, Romæ sibi iussum fuisse testatur, in quo bis fixit, scriptum erat pro uixit. L. Nil miror, fortasse Germanus quispiam aut Phryso posuit: quasi nos Romæ non deprehenderimus in huiusmodi monumentis insignes solæcismos. V. Atqui non sic elaberis, ô bone,

Terentiani uersus audi,
 Ut uade, ueni, uota refer, teneto uultum:
 Creuisse sonum perspicis & coisse crassum,
 Vnde AEolijs litera fingitur digammos.
 Quæ de numero sit magis una consonantum,
 Vocalis in istum mage, quàm uersa sit usum.
 Audis hic in exemplis ua, ue, uu? quo minus autem po-
 suerit ui, metrũ obstitit, quanquam dicere poterat, ui-
 deto uultum, atque in his u mauult esse nouam lite-
 ram AEolicam, quàm ex uocali mutatam. L. Nondũ
 exemisti scrupulũ. Præ A. Gellio & Quintiliano con-
 temnere possem Terentianum: & quod aut de digam-
 mo, potest ad ultimum exemplum pertinere, uidelicet
 uultum. Nam epigramma nihil me mouet. Auli Gellij
 sententiam retuli, Quintiliani uerba subtexam: No-
 stri, inquit, præceptores, æruon seruonque u & o lite-
 ris scripserunt, quia subiecta sibi uocalis in unum so-
 num coalescere & confundi nequiret; nunc uu geni-
 na scribuntur, ea ratione quam reddidi, neutro sanè
 modo uox quam sentimus efficitur. Nec inutiliter Clau-
 dius AEolicam illam ꝓ ad hos usus literam adiecerat.
 Ex his Quintiliani dictis perspicuũ est, fuisse quẽdam
 sonum quem nec ꝓ redderet Græcum, nec f Latinum,
 nec u consonans. Rursus constat u consonans aliud so-
 nuisse in uado, uenio, uideo & uolo, quàm in riuus
 aut seruus: & hunc sonum Latinis literis notari non
 potuisse: eoque peregrinam literam à uicinis AEolibus
 mutuo sumptam, quam διγαμμοι appellant: quæ ne ui-
 deretur eadem cum f Latina, inuersa est ꝓ. Ea loco
 utriusque u, ponebatur in serijs, nec aliàs uidetur ha-
 buisse locum. Nos autem nihil discernimus u consonan-
 h.ij.

Cernon
 Seruon

ꝓ

tem, siue præcedat u, siue alias uocales, etiam si hoc
 discrimen Quintilianus significat fuisse perquam te-
 nue, sentimus, inquit, et tamen erat aliquod cuius
 gratia Romanus Imperator putarit literam aliunde
 accersendā. V. Sic urges, quasi meditatus ad hoc cer-
 tamen accesseris. Cogemur itaque quartum addere so-
 num, phu, fu, uo, uu, ut ph in phugz spiritum obtineat
 Græcicum: f in fundo flatum Latinum: u in uolo
 crassius quiddam quàm f: u, in seruus longius absit
 à sono f, quàm u in seruos, ac propemodū sonet, quod
 apud Barbaros et olim sonabat u geninatum. Qua de
 re satis, opinor, antè disertum. L. An satis nō liquet?
 Nam Victorinus tradit AEolicum digamma eandē esse
 literam quam Hebræi dicunt Vau, eāque respondere
 nostræ u consonanti. sed libet quod in scholasticis dis-
 putationibus solenne est dicere, acquiesco, quo reliqua
 peragis. V. De g igitur dictum est, inter illius cognat-
 tas De h propemodum conuenit inter grammaticos, ē
 literarum catalogo iure submouendam esse, nihilōque
 iustus uideri ut inter literas numeretur, quàm si a-
 pud Græcos spiritus toniue nota in literarum ordinē
 accerferetur, quum interim, inuitis grammaticorum
 centurijs propè dixerim, regnet in medijs literis, præ-
 posita uocalibus lenius sonans: rarius enim postponi-
 tur in aliquot barbaris et interiectionibus, ueluti in
 ah, uah, oh, et proh, non sine rixa tamen grammatico-
 rum, cauillantium id per apocopen fieri, quum inte-
 græ uoces fuerint, aha, uaha, ohe, et probe: alijs dicen-
 tibus nihilo magis præcipi posse quomodo scribendæ
 sint interiectiones, quàm præscribi potest alienis affe-
 ctibus, quorū illæ sunt notæ: consonantibus uerò post-

posita uehementius sonat. Postponitur autē c, t, p. Semper autem p apud Græcos, si consonans hæc sit uocis initium, rursus in medio geminatis pp, additur posteriori, ut in choris, thymum, phyllis, et rhetor, et catarhus. Nec raro medijs uocalibus interseritur, quo sonus sit uegetior. Siquidem Aulus Gellius citat peruestos codices, quos existimabant fuisse Maronis αἰγῆα ποῖς, in quibus ait se uidisse uersum hunc ex secundo AEneidos libro,

Exultat telis, et luce coruscus a^hena.

Ahena

ita fuisse scriptum, ut supernè inter a et e, h litera fuerit annotata, a^hena. Similiter in illo uersu,

Et folijs undam tepidi despumat a^heni.

Quod idem in nihil et mihi factitatum, iam prius admonuimus. Adeo uerò non est supernuacanea, ut AEolū exemplo Latini quoque huius uice subiiciant f, dicentes, ut modo dictum est, pro hordeo fordeum, et pro hœdus fœdus. Latini in Græcis usurpandis non raro uertunt in s, quum pro ἴς dicunt sus, pro ὑπερβόλιος superbus, pro ἑπτα serpo, pro ἑπτά septem, pro ἕξ sex.

Nihil
Mihi

ἕξ sex

L. Mirū istos adeo contempsisse spiritum, quum uideamus et arbores diffringi, et tellus subuerti, et mare intumescere, et terræmotus cieri spiritu. Verū illud adde quomodo promēdus hic flatus? V. Quid ni superne? L. Non hinc ambigo, quanquam et ructus supernè erumpit: sed quibus, et quomodo temperatis organis? V. Id in arteria, musculis, et faucibus situm est, tam morigeris, ut animo nonnunquam aliud agenti tamen obsequantur. Puer uirilem uocem ædere non potest, sicut nec mulier, nimirum ob angustiam transitus. At uir constrictis musculis, quum libet, uocem

ædit puerilem. Et alioqui contractis aut dilatatis faucibus & arteria pro suo arbitrato, magis exilem aut grandiore enuttit. Nec igitur summus labris ædendus est flatus, qualem solent qui pultem plus æquo feruentem refrigerant: nec ab umbilico ducendus, ut solent Germani quidam, tantum efflantes uenti, quantum molæ farinariæ circummagendæ sit satis: sed moderatè proferendus è faucibus, neque fatigandus pulmo, uelut in spiritosis ac labore anhelis. Sunt enim in quos illud è satyra possis dicere, Tunc immensa caui spirant mendacia folles. Et sunt rursus qui moleste ferant sibi inhalari spiritum alienum, qui nonnunquam obolet allium, æpis, aut salsamenta, aut polypum, ut absit scabiei contagiosæ, aut pestilentie, alteriûsue morbi periculum, quum nullus sit facilius, quàm per halitum transitus. L. Vnde mihi uidetur modestiæ causa natum, quòd quidam ore presso loquuntur, quæ res apud Gallos mulierculis uersa est in iocû oris pusilli.

V. Ab eadem modestia natum arbitror, quòd olim oculis semiclusis inuicem intuebantur. Id indicant picturæ nostrates ante annos ferè centum æditæ, tali forma nobis exhibentes, si quos intelligi uolunt ab improbitate uehementer alienos. L. Emoriar, nisi istuc in picturis mediocris antiquitatis sæpenumero miratus sum. V. Verum ut hoc ineptum sit, tamen est in oris & oculorû diductu quædam decora mediocritas. Me puero sese sic stringebant mulierculæ, ut insectas diceres. Ea res quum esset inepta, uidebatur cum primis elegans, simulque quod erat consequens, uerecundû habebatur, quàm minimum sibi capere. Ad id enim confert mediÿ corporis strictura. At è diuerso parum de-

corum est mulierem disinctam uideri.

Virtus est medium uitiorum utrinque redactum.

Idem observandum in diducendo rictu, in dilatandis faucibus, in promiendo spiritu. Peccant qui nihil aspirant, peccant qui aspirant omnia, peccant qui lenius, quàm sat est, peccant qui plus satis, sed grauissimè peccant qui præpostere id faciunt. Nec quims flatus est aspiratio literaria: concitatus, anhelus, aut qui procul semotis loquitur, ut solent nautæ rusticique, maiore spiritu loquuntur, quàm qui cū proximis confabulatur. Verùm hoc nihil ad grammaticum. Alioqui nullius literæ sonus absque spiritu promitur. De spiritu satis uidemur nugati. Addamus his, si uidetur, reliquas semiuocales, l, m, n, & r: inter quas, ρ Dionysius Συναγοτάτω appellat, quum sit asperioris soni. Nam linguae fastigio in palatum superius uibrato tremulis ictibus fragorè reddit, qualem audimus in lapide magno impetu perpulso funda, aut iaculo balista excusso, aut baculo uirgæue celeri motu per aërem acto. Vnde in dictionibus, quibus celeritatem, impetum, aut asperitatem significare cupimus, hanc literam admiscemus, ueluti Græcis in ῥέιν, ῥίπν, ῥπούω, χαράρρρις, ῥέχχω, ῥέαχς, ῥέμος, ῥπέωω: Latinis in rapio, ruo, roto, fulgur, tonitru, torrens, ructus, horror, fremo, frendo, strido. L. Itane uoces ad rerum quas significant, similitudinem effictæ sunt? Arbitrabar fortuito natas, aut certè pro arbitrato instituentium repertas. V. Imò referunt ipsis elementis, ipsoque sono quod significant: uerum nihil est necesse rē totam, ut est, uox representari, satis est aliquā similitudinem apparere: quæ si non appareat, tamen aliquid causæ subest cur huic rei uocabulū hoc sit im-
h.iiij.

positum. Bellum, apud nos omnis gratia blanda uoce sonatur, quemadmodum apud Græcos Furiae dicuntur Eumenides. Ita qui lenitatem aut lenitudinem declarant, amant l, ut Græcis λείος, λείχων: Latinis, lētus, labi, lenis, lubricus. Quæ uerò magnitudinē, m, qua nulla spatio maior litera, gaudent, ut Græcis μέγας, μακρός: apud Latinos, magnus, mons, moles. L. Quur igitur leonem dicimus potius, quàm reonem? V. Vel omnis causa, uel quia in longum porrectum est animal nullius proceritatis. L. Si uera narras, oportebat cuiuslibet rei in quauis lingua idē esse nomen. V. Nihil est necesse. Quum enim sufficiat qualiscunque rei repræsentatio, potest eadem alijs atque alijs modis effingi, ueluti quum Græcè dicis χείνω, Latine hio, Batavi- cè ghapen: in singulis sentis expressam oris diductionem. L. At quur μακρόν ἔσται μικρόν, quum diuersa significant, eandem habent consonantem? V. Affinitas inter contraria poscebat hoc, sed per a, quod ample sonat: ἔσται, quod exiliter, notatur discrimen. Ad hæc quoniam eiusdem rei multæ sunt qualitates, satis est si ab una quapiam harū sumatur uocabulum: nec absurdum sit, si res eadem lingua pluribus uocabulis signetur. Verum satius est ut hanc disputationem in aliud tempus reijciamus, uel quia uix habet exitum argumentatio, uel quia ad id quod instituimus, nihil habet momenti. Aliàs dabitur otium si libebit. L. Tuo arbitratu: sed absolue quod orsus es. V. De l dicam. itaque si linguam ualidè tendas in eam palati partem quæ dentibus supernis est proxima, mōxque diducas os, erumpit blandus ille tinnitus, sonantior tamen in medio ac fine, quàm in initio dictionis, ut sol, mel, uolo, le-

L

go, nisi quum finit syllabam, ut soluo, saluus. M uerò, compressis inter se labijs, mugitum quendam intra oris specum attractis naribus ædit, sonantissima in medio duplicata, ut mamma: in fine prorsus obmutescens, unde μῶζεν dicuntur Græcis, & Latinè mussare, qui tacite loquuntur, nec audent uocem clarā ædere. Hinc & mutum dixerūt Latini. Superest n, quæ ad palati conuexum inherente lingua, gemino naris & oris spiritu uocem explicat, maximè tinniens in medio geminata, & in fine dictionis, aut syllabæ, ut in manna, mandragora, & nomen. Vnde & tinniendi uerbum Latinis, elementi uocem exprimens, fortassis & ganniendi. Docet autem Fabius, olim diu fuisse rarum semiuocales duplicare, ut in alijs, lallare, Tullius, manna, sanna, & curro: & probabile est ueteres sic fuisse loquutos ut scribebant. Nam eam rationem Quintilianus indicat optimā, ut ita scribantur dictiones, quæ admodum sonantur. Contrā uocales, ut dixi, productas geminabāt. L. Isto pacto Gallos uideo posse defendi qui palium dicunt pro pallio, mama pro mamma, sana pro sanna, anum pro anno, panum pro panino, torens pro torrens. Quanquam hoc non in liquidis tantum faciunt, ex concursu quarumlibet consonantium aliquam elidunt, aut certè obscurant, dum capadiciunt pro cappa, lipus pro lippus, batus pro battus.

V. Ridiculū sit nunc in nostram pronuntiationem adsciscere, quæ Ciceronis etiam ætate erant obsoleta. Nec minus tamen peccant, licet diuerso uitio, qui pro simplicibus sonant geminatas, comma pro coma, commedo pro comedo, comminus pro cominus, collo pro collo, bonus pro bonus, curro pro curo, rippa pro ripa, pe-

M

Mussare

Mutus

N

Tinnire.

Gannire.

Consonantes
antiquis nō
geminatæ.

ne pro penne, pro anus annus, camellus pro camelo, mustella pro mustela, suadella pro suadela. Si uetustas patrocinator errori, antiquum est & hæc ita sonari. Etenim ni fuisset hic error, Victorinus non rixaretur cum suis discipulis, quod in his dictionibus consonantem perperam gemnarent. Quanquam idem author indicat, consonantem duplicandam sicilicet notula signari solere, quæ cuiusmodi fuerit, nec mihi satis liquet, nec refert, quum is scribendi mos iam olim exoleuerit. Nihil, opinor, superest præter y, qua Latini nō utuntur, nisi in Græcis dictionibus, sonum illius fuisse medium inter i & u, Gallico more pronuntiatum iam indicauimus. Vnde non defuerunt, quorum est Victorinus, qui y literam nobis necessariam esse iudicarūt, in gyla, mysera, proxymus, optymus, sylla: pro quibus nos gula, misera, proximus, optimus, & sulla sonamus, quanquam sylla est usitatus. L. Vtinam libeat & illud addere quod solent literarū doctores. V. Quidnam? L. Vt exemplo proposito præceptiones, uelut in speculo nobis ostendas, exigasque num satis uel intellexerim, uel memincrim, quæ tam multa differuisti.

V. Nihil grauabor: uerū id lingua fieri nō potest, nec est unde petamus calamum, atramentum, & chartas. L. Imitabimur ueteres pastores, qui teneris arborum corticibus inscribebant suos amores, spinæ, opinor, utentes pro stylo. V. Non committemus ut cuiquam in nos damni dati sit actio. Est mihi uagina recens, ac uersuum aliquot capax, & stylus adest, quam non in hūc usum paratus. L. Vtinam sic abuterentur omnes suis armis. V. En scribo.

Optimā quæque dñs miseris mortālibus æui,

Prima fugit, subeunt morboi, tristiſque ſenectus:
Et labor & dirai rapit inclémentia mortis.

Nunc audi pronuntiantem, oculis in uaginam defi-
xis, auribus ad uocē attentis. L. Adsum, ſona. V. Vi-
des & audis in Optima primam longam & acutam. Optima

L. Naturāne, an poſitu? V. In hoc loco nihil re-
fert, quandoquidē tonus eſt in antepenultima. L. Re-
ctē. V. In ſecunda ſyllaba ti, audiſtine ſonum mediū
inter i & u Gallicum, quēadmodū in heri? L. Pla-
nē. V. Tertiam uides breuem, addita ueluti ſemicir-
culi nota, ſuſſum porrectis cornibus, ne putetur auferē
di caſus. L. Video, ſed quur media non habet notā?

V. Quoniam accentus arguit illam eſſe breuem, La-
tinis duntaxat. L. Quur in quāque, prior habet Quāque
circumflexum? V. Quoniam natura longa eſt, nimi-
rum diphthongus, & ſyllaba ſequitur natura breuis.

L. Quin hic addis notam productionis? V. Quo-
niam tonus ipſe demonſtrat eſſe porrectam, qui niſi
in longis non habet locū, idque uel in fine, uel in pro-
xima finali. Eadē de cauſa, quā, nullam habet notam,
quoniam inflexus accentus in eadem diſtione non an-
tecedit niſi natura breuem. L. Sed præſtat ut tu me
perconteris. V. Agam, ſi lubet, grammaticum: tu di-
ſcipuli perſonā ſuſtine. L. Hoc ſanè malebā. V. Dies Dies
quur priorem acuit? L. Quia ſequitur natura lon-
ga. V. Adde, & præcedit breuis. Quoties enim ulti-
ma natura longa eſt, non refert qualis ſyllaba præce-
dat: ſecus eſſet ſi prior eſſet longa, non poſitione, ſed na-
tura. Nunc ſona mihi poſteriorē ſyllabam, es. L. Diēs.

V. Probē, quaſi ſit geminum ee, & ſono Gallico. At-
qui uulguſ nō diſcernit æs in eo unde eſt æris: in dies

Miseris

et fames, ab es à sum. Quur in miseris prima acuitur? L. Quia penultima natura brevis est, eoque notam non habet. V. Rursum sona mihi miseris. L. Miseris. V. Sentisne te hîc bis peccasse? L. Quî? V. Prîmū se, non oportebat aliud sonare inter duas uocales, quā sonat in sedere. L. Exciderat. V. Deinde ris, sonandum erat ueluti duplicato i, quemadmodum sonas Bataviçè glaciem. Nunc denuo sona. L. Miseris.

iis

Mortalibus

V. Pulchrè. Sequitur mortalibus. In mor, quam uides notam? L. Brevis, et eius notulæ dimidiū. V. Quid sibi uult? L. Quia syllaba mor, positu longæ est, non natura. V. Vnde id doces? L. In promptu est, quum dicimus emori. V. Quid in ta? L. Virgulam iacentem, quæ doceat uatura longam. V. Quur præterea nihil? L. Quoniam syllaba non desinit in consonantem, eoque non habet nisi duo tempora. V. Li, quur nullam habet notam? L. Quoniam accentus præcedens indicat esse breuem. V. Quid si dicas mortalis?

L. Circumflectam tâ, natura longam, sequentæ lis natura breui. V. Quomodo sonas bus? L. Non u Vuesphalico, sed Gallico, nisi quod non itidem porrigo labra, neque profero sonum. V. Docilem agis discipulum. AEui, quur priorē non circumflectit, sed acuit?

L. Quoniā sequitur ultima natura longæ. V. Quid si positu tantum esset longæ? L. Circumflecteretur.

V. Da exemplum. L. Vt si dicas æuūm. V. Hîc natura brevis est posterior, ut in Sorex. L. Sôrex.

Prîma

V. Prîma, quur inflectit tonum? L. Quoniam natura longæ sequentem habet natura breuē. V. Quid si dicas, prima luce? L. Acum primam, et mā addam uirgulam, prîmū. V. Quanquam et hoc super-

uacuum æquè atque in breui: sed fugit, quur acuit prior- Fugit
rem? L. Quoniam brevis natura breuem præcedit.

V. Quid si dicas fugit heri? L. Inflectam fû. V.
Quur? L. Quoniam natura longa proximam habet Morbi
natura breuem. V. Quur prior morbi, caret nota

brevis? L. Quia producitur. V. Quin igitur addita

est nota porrectæ, sed brevis et semis? L. Quia po-

situ longa est, non natura. V. Quur prior acutum ha-

bet potius, quàm inflexum? L. Quia et ipsa positu

longa est, et sequitur natura longa. V. Vnde scis esse

positu longam? L. Quia deduci uidetur à morien-

di uerbo. V. Quid sibi uult diphthongus in postero-

re? L. Ut discernatur à genitiuo singulari. V. Tristis- Tristisque

que, quur priorem habet circumflexam? L. Quoniã

natura longa est. V. Verùm, sed sequitur longa. L. Po-

situ, non natura. V. Vnde tonus alter? L. Ex què

coniunctione, quæ proximam è graui facit acutam, quod

idem faciunt ne et ue. V. Senectus, uides longè aliud Senectus

sonare ultimam, quàm in mortalibus. L. Quidni ui-

deam? Hic Gallos imitor excepto tono. V. Et, quur nul Et

lû habet accentum? L. Opinor quòd ut coniunctiun-

cula adhæret illi quod connectit, quod idem accidit in

nonnullis præpositionibus quæ sic annectuntur suis ca-

sibus, quasi sit unica dictio, ut in armis, in bello, ex ædi-

bus. Item in dissyllabis, ut super omnia, præter omnes,

antediè. Nam in uetustis codicibus etiã scriptura con-

iungit hæc. V. Commodus es discipulus qui uicissim

et doces. Quid si labor inflexisses? L. Iam ex nomi- Labor

ne fecissem uerbum. V. Dirai cur acuit priorem? Dirai

L. Quia longa natura præcedit longam. V. Quis sit

igitur ut Græci circumflectant μεῖον. L. Quia et

Et in fine dictionis pro breuibus habentur, duntaxat quod ad accentus rationē attinet. Ea lex non est apud Latinos. V. Quur igitur non scribunt *μῶτος* inflexé? L. Obstat addita consonans. V. Quur in dirai, pro æ scriptum est ai? L. Vt distingueres genitiuum à nominatiuo plurali. V. Quum, mortis, longam habeat ante breuem, quur non inflectitur prior?

L. Quia positu longa est, non natura. V. Vnde id coniectas? L. Quoniam à Græco *μῶτος*, et inde mori, ut antè dictū est. V. Nunc rursum, si libet, ausculta me sonantem hos uersus,

Optima quæque dies miseris mortalibus æui,
Prima fugit, subeunt morbi, tristisque senectus:
Et labor, et dirai rapit inclementia mortis.

L. Auscultaui non oscitanter. V. Primum, animaduertisne quasdam productas sonare tono acuto, ut æui: quasdam inflexo, uelut in prima et tristis. L. Sēsī discrimen. V. Deinde breues aliquot acuto tono, ut dies, miseris, fugit, labor, rapit. L. Qua in re peccant Latini quum Græca pronuntiant? V. Nec illud te fugit, me aliquāto productius sonuisse natura, quàm positu longas. L. Sēsi: uerūm admonuisti, subtile discrimen hoc non seruari in metris qui suis currunt legibus.

V. Et in quæque, sensisti elidi u, licet non penitus?

L. Sēsi et hoc. V. Iam in æui, duo sensisti, et diphthongi uestigium, et sonum AEolicæ literæ. L. Sēsi tenue quiddam. V. In prima fugit, arbitror animaduertisse te discrimē inter inflexum tonū et acutum. L. Non hīc tantum. V. Quin in, subeunt, non te latuit, opinor, aliud sonare u, quàm in mortalibus et senectus. L. Videbar audire ou diphthongū.

V. *Itidem audis in sunt, legunt, audiunt. Evidentius erit discrimen, si tollas liquidā, & sunt uertas in su-
tor, & eunt in uter.* L. *Papæ, quantum interest!* V. *Ve-
rūm hoc, ut antè dictum est, fortassis excusabit uetu-
stas quæ in huiusmodi ont pro unt solet scribere, le-
gunt, cupiunt. Rursus in optima, deprehendisti o semo-
ueri a pt. Sic efferunt Itali, nec liquet quam ob cau-
sam, quum sint duæ mutæ. Et incertum an ab opto de-
ducta uox sit, nec satis constat naturæne producat
prima an positu.* L. *Quid igitur?* V. *Eas in qui-
bus nec ipsa uocalis, nec diphthongus, nec cognatio di-
ctionum dissoluit ambiguitatem, pro natura longis ha-
bemus, quemadmodum in tristis.* L. *Pergratum fe-
ceris Vrse, si Græcum distichum tantum, ad eundem
modum excusseris.* V. *Est disticho locus, en tibi car-
men Hesiodi,*

Αἰδῶς ἢ ἐκ ἀγαθῆ κεχρημένον ἄνδρα κομίζει,

Αἰδῶς ἢ τ' ἄνδρας μέγα σίνεται, ἢ δ' ὀνίνησι.

Nunc oculis observa scripturam, uocem auribus.

L. *Istic sum.*

Αἰδῶς ἢ ἐκ ἀγαθῆ κεχρημένον ἄνδρα κομίζει,

Αἰδῶς ἢ τ' ἄνδρας μέγα σίνεται, ἢ δ' ὀνίνησι.

L. *Novum pronuntiandi genus.* V. *An non alium
audis sonum in α, quàm in κε, aut in με?* L. *Quid
ni audiam, ni surdus sim?* V. *Audis propemodū eam
uocem, quam ædunt Sueui sonantes Cæsarem sua lin-
gua.* L. *Maximè. Nec a prorsus, nec i prorsus, sed ta-
men utranque agnosco literam.* V. *Deinde in δῶς,
audis ἢ aliquanto sonare crassius, quàm d uulgo so-
nant Latini.* L. *Planè.* V. *Ad hæc in δῶς, non hîc
idē sonat os quod in ὀδός.* L. *Audio longam ex duo-*

bus oo minutis conflata. V. Quid in oûx? audisne Gallicum u? L. Minime. V. Italicum? L. Non. V. Vuesphalicum? L. Propemodum, nisi quod o magis resonat, ut quum nos dicimus frigidum. V. Quid in ην? L. θ̄ feliciter aspiratum, et pro n, propemodum a Zelandicum. V. Quur ην̄ grauat̄ur potius, quàm acuit̄ur? L. Quoniam sensus nullam ibi concedit interpirationem. Alioqui transisset grauis in acutum.

V. Quid in κε? L. Idem ferè sonat x quod in κο-
μιζει, nisi quòd lingua nonnihil lentescere uidetur ad γ. V. Tantulum sanè dare fas est consuetudini. Nec te fugit hîc κε præter naturam suam porrigi, quòd à muta liquidâque excipitur. L. Teneo. V. Nec ideo produci με, quòd habeat tonū acutum. L. Vtranque corripis ρ̄σ̄ρ̄, priore clarius sonante, posteriore summissius. V. Quur in ᾠδ̄σ̄α prior acuit̄ur potius, quàm inflectitur, ᾠδ̄σ̄α? L. Quoniam positu longæ est, non natura. V. Atqui Homero est anceps. L. Sat est alibi corripì, ut hanc legem effugiat. Nam in ᾠδ̄η̄, a breue est. V. Iam in κομιζει, nōnne aliud sonat uocalis penultima, aliud diphthongus ultima? L. In ζει audio sonum ex ε̄ et i conflatum. V. Atqui nostro uulgo nihil distinguitur inter η, χ̄η̄, μ̄ et ζει. L. Sic est.

V. In altero carmine, in ἦτ̄ rursus audis a Scoticum, et in οὐίνωι præter η̄ et iota quod suo utcunque sono dignoscitur, quum nos confundere soleamus, σῑ nihil aliud sonat, quàm in σίvetαι: alijs sonaturis οὐίνωι.

L. Memini. V. Nec ideo corripio penultimam η̄, quòd præcedat acuta breuis, quemadmodum nec in μίχα priorem porrigo, quòd tono intendatur, non extendatur. L. Nihil euidentius, si quis assuescat. Iamne

satis differtum est, quod attinet ad rectam pronuntiationem? V. De rhetorica pronuntiatione non institueramus dicere: de grammatica non ita multum arbitror superesse, si iunxerimus distinguendi rationes. Nam et in his peccat uulgatus usus. Nec iam loquor tantum de incis, quæ commata uocant Græci: de quæ mēbris, quæ cola nominant: et de periodis, quæ conclusiones aut circumacta dicis licet: de quæ notis horum si scribas: silentij modis, si pronunties: uerum etiam de morulis respirationū, quæ tradi arte non possunt: quandoquidem nec in illis tradendis admodū consentiunt grammatici, nec perpetuū est quod tradant. Nec enim semper æquale silentium dirimit comma à commate, nec colon à colo: nec quauis periodū sequitur æquē proluxa respiratio. Quoties enim articuli constant singulis uerbis ἀνωστήτως, neque nihil, et minimū moræ debet interponi, ut, Veni, uidi, uici. Sin duabus ac pluribus uocibus, plusculum interponitur moræ, ut, Rem familiarem prodegit, famam prostituit, genus dehonestauit, amicos alienauit, patriā prodidit. Hic commatum cursus quidam, et congeries est. Rursus quum prius comma proponitur uelut à percontante, et posterius accinitur uelut à respondente, paulo longius silentij intercedet, ut, Quæ tandē spes est illum fore frugi? Num pudor corriget? Iampridem depuduit. Amicorum consilia? Ne parentibus quidē unquam auscultauit. Aetas grandior? Ea semper addidit nequitia. Interdum ipsa incisa habent leuem incisionem, uelut in illo Musonij dicto, Siquid turpe feceris cum uoluptate, uoluptas abit, turpitudine manet. Siquid honestè feceris cum labore, labor abit, honestas manet. Hic quanquam in utroque

Distinguē-
dæ oratio-
nis, et mo-
dularū in-
terlegendū
faciendarū
ratio.

membro, post uoluptate & labore est diastole, tamen post feceris, & post abit, & manet, nonnihil est respirationis, quo magis sentiatur *ἐναρπύωσις*. Rursus idē fit in secundo membro. Subtilius est autem quod indicat Fabius in arma, uirūque cano: primam dictionē arma, per hypodiasolē separandam à sequentibus, quū uterque casus referatur ad idem uerbum cano: ceterū quoniam uirum refertur ad sequentia, nimirum hæc, Troiæ qui primus ab oris, breuissima interspiratiunculā monendus est auditor, sic ut minimum accedat silentio, minimū decedat breui syllabæ. Vnde & *ὑποσύστολη* dicitur, quod breui quoque nōnihil detrahitur. Quoties enim ex longa fit breuis, ut, Urbemque Fidenam, systolen uocant grammatici, hoc hyposystolen appellat Fabius, quæ dimidium temporis detrahit syllabæ, & addit silentio. Rursus post hanc clausulam, Atque altæ mœnia Romæ, quatuor aut quinque temporum spatio uocem suspēdere licebit, ut uelut nouo exordio subiicias, Musa mihi causas memora. Interdum & uox nonnihil immutatur, ubi particulam à sensu diuulsam interseris: ut, Hos illi, quod nec bene uertat, mittimus hœdos. quod nec bene uertat, uocē nonnihil immutata sonatur. Obscurius est in illo, Qui, malum, aliū? Malum enim, quoniam interiectionis uicem obtinet, leui submissione uocis distinguendū est, nec non morula, sed breuissima. Cæterum in Adelphis Mitio quum dixisset, Storax, clariore uocē sonuit, nimirum accersens seruum, interposito iusto silentio, reliqua mutata uocē ueluti secum loquitur. Verūm hæc persequi non est huius instituti, & extant authores unde hæc qui uolet possit petere: quod hīc agimus, illud est pueros

systole.

Terentiij locus.

arcendos à more quorundã, qui totum sermonem perpetua linguae uolubilitate, & ut Græci dicunt, ἀνευσι pronuntiant, quod in Gallis potissimum mihi uideor animaduertisse, nonnullis etiam hoc cœu uirtutem affe-
ctantibus. Rursus alij singulas penè uoces longa inter-
spiratione, aut etiã tussi, gemituue dirimunt, nec ullum
tam leuiter incisum occurrit, ubi non diutius intersile-
scant. Sunt autem uoces quæ se nullo silētio interposito
patiuntur coniungi, ut cumprimis, & homo prædiues, o-
ratio benelōga, uir malesanus, quasi cōpositæ sint. Rur-
sus aliæ non patiuntur, ut, Vxor iussit suo nomine tibi sa-
lutē dicere: uxor à iussit, tenui discrimine separandū
est, atque etiã iussit à pronomine suo, ob collisionē con-
sonantiū: suo nomine, probè sibi cohærent. At id magis
faciendū in duplicibus duplicatis, aut concursu dupli-
catarum, ut syncera pax xenia non moratur: & pons
struendus: inter pax & xenia, inter pons & struendus
distinctio uerè duo requirit tempora. Et, Declarant stu-
diū in nos suū: Inter declarant & studiū, uix sufficit
interposuisse tēpus unū. L. Deum immortalē, quàm
operosa res est emendatē loqui. V. Ex his conyicias
licebit cætera. Nam, ut diximus, innumerae sunt causæ
quæ uel continuationem suadent, uel incisionem di-
ctionum & partium. L. Haud prorsus alienum sit
ab hoc argumento, de distinctionum notis nonnihil at-
tingere. V. Optarim in his typographos consentire.
Nunc uariæ feruntur, nec pares tamen uarietati distin-
guendæ uocis. Theodorus Gaza eodem puncto distin-
guit triplicem pronuntiationem, perfectam puncto in
medio spatij posito, imperfectam in imo, mediam in
summo. Verū hic ut facilis est scribarum lapsus, ita
i. ü.

Accentuum
ratio.

Cūprimis.
Benelonga.
Malesanus.

Et pronuntiantium falli possunt oculi. Malim notulas
 uariâ habere figuram, ut minima interspiratiuncula,
 qualis est post uocandi casum interdum, signetur pun-
 cto inflexo ad imum dictionis: paulo maior distinctio
 duobus punctis, quorum alterum ad latus additum
 modicè flectatur deorsum: principale uerò cōma quod
 secat orationem, notetur duobus punctis, quorum supe-
 rius inferiori immineat. Cæterum ubi iam non pen-
 det constructio, sed additur aliquid sententiæ, punctum
 addatur imæ dictioni. Totam periodum absolutam si-
 gnent duo puncta, quorum inferius fluat deorsum,
 quæ Græcis nota est interrogandi. Siquid extra ordi-
 nem interijcitur, quod uelut ab alio interloquente di-
 ctum, submissiore uoce sonari solet, lunulis duabus di-
 midiatis signant quidam. Interrogationem nota Græ-
 corum inuersa signant Latini. Hic existit scrupulus,
 quæ sit uera interrogatio. Quoties negamus per inter-
 rogationem, quidam non putant addendam notam:
 multo minus quum percontandi specie dubitamus aut
 miramur. Hæc differentia uidetur Et alteram notam
 desiderare, quæ sic fingi posset, unico puncto sursum
 inflexo. Iam si illud quoque conueniat, ut omnes ad
 singulas notas uocem accommodent, non parum erit
 commoditatis uel ijs qui dictant alijs scribenda, uel ijs
 qui collatione codices emendant, uel ijs denique qui
 publicè recitant aliquid. L. Et breuiter Et dilucidè
 rem expedisti, nec amplius abs te requiram, si exem-
 plum subieceris. V. Ausculta ergo. Si mihi charissime
 nepos, daretur optio, malim breuem uitam cum hone-
 state, quàm longam cum infamia. Propterea quòd nul-
 li mortaliū uita longa possit contingere, memoria uerò

(quæ uera est hominis uita) in multa secula porrigatur. Quid uerò humana uita fugacius: contra quot seculorum millibus quorundam fama durat? L. Nihil prætermisum. V. Illud tamen admonendus es, ut commata, ita et hypodiastolas et hypostigmas posse plures in eadem periodo incidere. Nam quemadmodum ea pars quæ præcedit comma principale, aut etiam colon, potest habere plures minutas distinctiunculas, ita et ea quæ sequitur: omitto nunc illas notulas, quæ monent syllabas ac distinctiones diuidendas, quæ malè coniungerentur. L. Rectè, sed probasne quorundam, meo iudicio, morosam diligentiam qui Græcorum exemplo Latinis dictionibus ascribunt spiritus ac tonos, ac præter illorum exemplum, etiam porrectionis aut correptionis notas addunt: h quoque è literarum ordine submotæ, huius uicè notulam superscribunt aspirandæ literæ? V. Superstitiosum scribendi genus audi. L. Non defuere tamè apud Italos, qui genus hoc inuehere moliebantur. Si pateris, addam exemplum tuæ uaginæ.

V. Vel totam occupa. L. Distichon sat erit,
 Omnia sunt omnium tenui pendentiâ filo.
 Et subito casu quæ ualuerè riuunt.

L. Quid tibi uidetur? V. Hic illud uetus occurrit, *μὲν δὲ ἄρα*. Primum h, iam tot seculis receptam, quid attinet tollere? Deinde signare temporum minutias, nimis curiosum mihi uidetur: tonos et productiones aut correptiones in his notare, in quibus causa quæpiam hortatur, probo. L. Quot causas adferunt? V. Tres potissimum, distinctionem, ambiguitatem, et necessitatē. Distinctio et ambiguitas, quarum una uidetur habere locum in unica dictione, altera in duabus, pluribusue,
 i. iij.

suadet addi notam mutati accentus, ut quum dicimus, ponè ratem, ultimæ tonum addimus, ut ponè intelligatur esse præpositio, idem ualens quod iuxta: non imperatiuum à pono. Nam pône metum, habet priorem circumflexam. Rursus, Penè rem patriam perdidit, quum aduerbium intelligi uolo, posteriori tonum addo: quum membrum obscœnum, priorem inflecto, Pêne rem perdidit. De lâbor & lâbor antè dictum est.

L. Memini. V. Idem licet in palàm dedit, aduerbium indicans, addo tonum in fine: si est instrumentum rusticanum, aut anuli pars, priorem inflecto. Nec eodem modo sono, quum improbum & efferatis moribus aio feræ similem: & quum eum qui non multum abest à forma alterius, dico ferè similem. Ad eundem modum quantitas distinguit dictionem: cêdo, unde cêcidi, longam habet & acutâ: cêdo unde cêssi, non habet quo discernatur, nisi fortè tono cêdo. sed ab hoc cêdo, quod pro dic interdû usurpatur, rursus nota breuitatis discernitur. At cêcidi à cado, primâ habet acutam: à cêdo, penultimam cêcidi. Item profecto participium est, profectò aduerbium affirmantis: & uulgo uerbum est, uulgò nomen siue aduerbium. Cêrtò uerbum, certò aduerbium. Fâlsò nomen, falsò aduerbium, tametsi quidam hoc malunt circumflectere: únâ nomen, unâ aduerbium: òs, unde oris: & os, unde ossis: & ôra ab os, & ôra uerbum: ergo coniunctio, & ergò nomen pro gratia, Illius ergò uenimus. Ita distinguimus rauíce & spûræ uocandi casum, & ráuce, spûræ aduerbium: lége uerbum, à lêge nomine: uénimus & uênit præteritum, à uenímus, & uénit præsentis: & diuûm à diuum, & deûm à déum, & numûm à nú-

Ponè

Pône

Palàm

Ferè
CêdoCêdo
CêdoProfectò
Vulgò
Certò
Falsò
Unâ
ôra
Ergò
Rauíce
Lêge
Vênit
Diuûm

num, genitiuos ab accusatiuis. Huius generis exempla sunt infinita. Necessitatis exemplum adferunt, quum dicimus intereáloci, in aduerbio transferētes tonū ab intereáloci antepenultima prioris dictionis in ultimam, & proximam dictionem suo tono spoliantes, ut auditor admoneatur, intereáloci, nihil aliud ualere, quàm interea. Nam loci, festiuitatis causa adiungitur. Huius farinae sunt, maleficus, malesānus, sicut malesuāda, Malefānus ádmodum, propémódum, ínuićem, propédiem, índies. Idem fit quoties ex præpositione & aduerbio conflatur dictio, prómde, déinde. Similiter in coniunctionibus, enímuero, étenim, síquidem, quandoquidem. Nec ideo statim corripio, ue, penultimā in enimuero, si nim, præcedentem syllabam acuo. Alij necessitatis exemplū producant, quum dicimus, homo probus doctúsque, ut intelligas, que, coniunctionem adhærere proximæ dictioni præter rationem accentuum: posteriorem syllabam acuo: & si plurium syllabarum sit dictio, geminum addo tonum, ut omniúmque. Aliter enim effero, ómniū quæ fecit rationem reddidit: aliter, patris omniúmque cognatorum fauorē amisit. L. At ue-reor ne quis nos hebetes stupidósque uocet, si nō queamus ex ipso sensu diiudicare in Falso queritur genus humanum: falso aduerbium sit, an nomen, an participium. Aut in illo, Nunc scio quid sit amor: amor, nomen sit, an uerbum. V. Sit hoc sanè perspicuum mediocriter eruditis, ac frequenter sic incidunt, ut semidocti labantur, docti nonnihil hæsitent: an non rectum fuerit illorum errorem, horum contatiunculam exiguo negotio redimere? Vulgo quantum operæ perit in adiectitijs literarum flexibus & lasciuētibus lineis?

Quanto facilius est addere uirgulam, quæ ut doctis nihil officiat, ita pueris & illiteratis est necessaria. rudis enim ætatis hîc negotium agimus potissimum. His quum dictamus, ab his quum exigimus dictata, quum scripturâ emendatam exposcimus, tum hæc superna-canea uideri non possunt. Nec tamen in his mihi probatur anxiosa superstitiosaque cura, præsertim ubi res agitur seria, quod non hîc tantum præcepit ille scriptorum omnium diligentissimus Quintilianus: sed eum qui bene scribere nititur, curiosum non esse, sed fuisse oportet: quemadmodum, ut ait Seneca, quædam didicisse oportet, non discere. Tum demum gratiam habet in arte negligentia, si successit immodicæ diligentiae, ita ut curam remissam sentias non omissam. Hæc nimirum est illa docta negligentia, quam Terentius mauult æmulari, quàm aliorum obscuram diligentiam. L. At sunt qui putant à magnis authoribus rectissime dictum, Scientiam mihi seruans, usum sequor: & Sapiendum ut pauci, loquendum ut plures.

Loquendum
ut plures.

V. Isthic tum fortassis erat aliquid, quum sermonis ius adhuc penes populum erat, quumque ritu foliorum cadentium uicissim ac subnascentium noua uerba gigneret, deijceretque quæ fuerant in honore uocabula pro suo arbitrio popularis usus. Quanquam nec Cicerone, nec Quintilianus loquuti sunt ut plures: Nec enim uulgo receptus error, usus nomen promeretur. Nunc uerò nihil rei nobis est cum populo: à doctis petitur omnis loquendi ratio. L. A quibus tandem, & quo seculo natis? V. Hîc tibi pro me respondet uetus Græcorum prouerbiū, οὐτὲ παλῆτα, οὐτὲ παλῆτι, οὐτὲ παλῆτων. A Cicerone nemo negat optimū loquendi

Loquendi ratio
à quibus
petenda.
Cicero.

exemplar peti, nec inficiari possumus eo seculo dicendi genus incorruptissimum fuisse, quo iam & horror ille nimirum priscæ uetustatis abesset, & nondum degenerasset Romanæ linguæ sinceritas. Non tamen ab uno Cicerone petita omnia, nec statim quicquid illi placuit, pro optimo duxerim, ut rissi dicere malim, quàm rissi, Rissi, rissi quia sic ille fertur scribere solitus. Nec rei iam siquid uetustiores aut rectiores porrexere melius. L. Nunc quibusdam putet quicquid in libris Ciceronis nonprehenditur. Rursus alij siquam scripturam in cariiosa charta, aut in saxo uetustate semeso, aut in nomismate peruetusto reperiunt, eam uocant in exemplum dicendi scribendique. V. Equidem hoc hominum genus ridere soleo, non odisse. Delectant enim nos antiquitatis studio, nonnunquam & profunt. Non permittam autem illis, ut è suis delicijs, loquendi leges nobis præscribant. Siquidem orthographiæ ratio nec eodem seculo fuit eadem apud omnes. Et tamen obsoleta loco intermixta suam habent gratiam, ueluti quum citamus priscorum dicta, aut ad illa alludimus. Tum siquid desiderabitur in supellectile Romani sermonis, quod apud Ciceronem non reperiatur, haud uerebor ex Catoe, Varrone, Plinijs, Quintiliano, Seneca, Suetonio, Quinto Curtio, Columella sumere mutuò. Si ab his quoque destituor, superest Græcorum sacra anchora.

I. Nihilne igitur petendum ab horum temporum consuetudine? V. Quidni? siquid habeat recti. Vides quàm multa sumpserimus ex Gllo- rum, Germanorum, Britannorum, Italorum uulgaris pronuntiatione. Et si mihi disputandum esset in scholis publicis, ineptus essem si nihil tribuerem ibi receptæ consuetudini.

Præstat enim balbutire cū balbis, quàm et rideri, nec intelligi. Attamen ita cædendū est consuetudini, ut medicus cedit morbo: paulatim alleuiās, quando semel nō potest tollere. Et nunc in scholis ferūtur, quæ ante annos triginta fuissent explosa: adeo quædam facilius elabuntur, quàm expelluntur. Quis olim tulisset in templis pronuntiantem Timotheus antepenultima acuta? Aut Kyrie eleeson, septē syllabis, et absque diphthongo? Aut Christe sonantem pro Criste? Nunc probantur etiam, non modo feruntur. Cæterum illa debet esse curarum prima, ne puer Græcè Latinèue pronuntiās, ex uulgari sermone uitia trahat: quorum minimum esse ferunt apud Romanos, plurimum apud Gallos, plus satis apud Germanos, nonnihil et apud Hispanos. Anglis in ratione pronuntiandi, secundū ipsos primam laudē tribuunt Itali. Sed quid risisti Leo? Ruggire leonum est, non ridere. Dicam tamen quæ res in mentem ueniens mihi risum excusserit. V. Narra, te quæso, ut ipse quoque tecum rideam. L. Dicam. non admodum diu est, quod me fortè præsentē MAXIMILIANVS Cæsar ab aliquot oratoribus salutaretur, quod ex more magis, quàm ex animo nonnunquam fieri solet, quorum unus erat Gallus, natione Cenomanus: nomen non exprimam, ne uidear hominem notare, cui bene uolo. Is orationem ab Italo quopiā, ut arbitror, compositam, nec malè Latinam, adeo Gallicè pronuntiauit, ut Italis aliquot eruditis qui tum aderant, Gallicè non Latinè dicere crederetur. Nominare possim ex illis aliquot tibi non ignotos. Quum is perorasset, non absque incommodo: (nam in media dictione sibi exciderat, turbatus, ut conijcio, risu circum-

stantiū) quærebatur qui ex more responderet, idque ex tempore. Nam Galli oratio præter expectationē acciderat. Protrusus est ad hoc negotij Doctor quidā aulicus. V. Vnde id liquebat? L. Pileum gestabat suffultum candidis pellibus: hoc signi. Is hūc in modū orsus est, Cæsarea maghestas penè caudet fidere fos, et horationem festram lipenter audisit: aliāque tanto spiritu, tamque Germanicè, ut nemo vulgari lingua dicens possit magis Germanicè. Hunc maior excepit risus. Sequutus est orator Dania, quanquam is qui dicebat, videbatur scotus, mirè referens eius gentis pronuntiationem. Huic oppositus est Zelandus quidam: deiera sses neutrum loqui Latine. V. Quid interea Cæsar, potuitne tenere risum? L. Assueuerat huiusmodi fabulis, nec erat ullius linguæ rudis. Verūm hæc eò dico, quò tua dicta confirmem, nihil prius curandum, quam ut puer dediscat vitia linguæ gentilitiæ. Superest ut indices, quibus id rationibus quamocysissime et quāfoeliciissime fieri possit. V. A psittaco licet exemplum sumere. Crebrò occinitur meditati, ac subinde exigitur quod didicit. Si indocilis est, domatur ferula, reddenti quod accepit, cibus præmij loco est. Adhibendus qui linguā habeat emendatam: is admonitus quomodo præeat, conantem adiuvet, foelicitè reddentem collaudet, relabentem in ueterem consuetudinem crebrò corrigat: mensis unus totum hoc negotium absoluet. Profuerit si puer sodalibus utatur minimè balbis, sed incorruptè explanatèque loquentibus. L. Rationem probo, nisi quòd interim periculum est, ne, quoniā per pauci sunt emēdatè loquētes, post cogatur quod magno sudore didicit, maiore dediscere, itaque fiet ut nec

Italæ placeat, nec suis. V. Quod scholis accidit, idem eueniet omnibus cæteris: optima placebunt si non omnibus, certè quamplurimis. Et tamē non improbarim, si cui tanta naturæ dexteritas obtigit, ut quemadmodū Polypus colorem ad loci subiecti speciem, ita rhetor uocem ad auditorum aures pro tempore accommodet.

Pronūtiandi recta celeritas quo modo contingat. L. Quibus rebus fiet, ut contingat emendata pronuntiandi celeritas, præsertim in Græcis, quæ ferè grādiore hodie discimus? V. Quid assequutus sim nescio: quid quomodo conatus sim aperiam. Quir enim quicquam arcani celestem talem amicum? L. Muto dixeris. V. Ut tamen aurito. Posteaquam literas, syllabas, ac dictiones Græcas satis eram meditatus, ad parandam inoffensam celeritatem his artibus utebar. Adiunxi me quibusdam, quos existimabam castigatissimè sonare: finxi me codicum duorum collatione uelle castigare librum: persuasi id utrisque fore commodo: quum in hoc, ut utriusque codex ex alterius comparatione fieret emaculatio, quemadmodum manus manum fricat: tum ad eruditionē. Sic autem conuenit, ut alternis uicibus recitarem et auscultarem. Principio lentior erat recitatio. deinde, quemadmodum solet, incallescens paulatim lingua sponte ferebatur ad celeritatem. Si mihi cum doctiore res erat, tantum orabā ut secus, quā oportet sonantē admoneret. Ipse recitantis linguam arrectissimis auribus obseruabam, oculis in codicem fixis. Siquid esset recitatum difficilioris soni, fingebam me non satis percepisse, rogabāque ut repeteret, quo certius eius syllabæ sonitum insigere animo. Quum ille iam recitando defessus esset, et ad me recitandi uices redissent, illius linguam pro

uiribus imitabar, reprehendenti gratias agebam. Si cum pari negotium esset susceptum, æquis legibus paciscēbamur, ut uterque alterum reuocaret errantem. Ad hoc munus interdū natione Græcum mercēde conduxī, licet alioqui parum eruditum, propter natium illum & patrium sonum. Tametsi doctos aliquot natus sum, quorum pronuntiationem ego sanè Græcorum quorundam eloquutioni non dubitem antepōnere. Huic exercitationi datum est trimestre spatium. Nec ullius operæ me minus pœnituit unquam. Nec enim simplex erat huius laboris utilitas. Excepta siquidem exercitatione pronuntiandi, primum ipsa lectio præterquam quòd erat alacrior ac uigilātor, quam si solitaria fuisset, habebat & illud commoditatis, licebat sciscitari, siquid parum intelligerem. Nam & imperitior sæpenumero tenet, quod doctiorem fugit. Et nescio quo pacto fit, ut acrius meminerimus, quæ recitari audimus, quàm quæ taciti legimus, interdum semisomnes. L. Nihil uerius. V. Hac arte euoluimus seu reuoluimus potius totum Demosthenem, totum Plutarchum, totum Herodotum, Thucydidem, Homerum & Lucianum. Nec his contentus, a sciu mihi sodalitatē aliquot φιλελλήνων. Cōditæ leges nequis super cœnam, nisi Græcè loqueretur, ὀφειλόμην multa dicebatur pecuniaria, siquis Latinè dixisset absque ueniæ præfatione, assis: si Græcè quidem, sed inemendatè, assis dimidium: si bis ad eundem impegiisset lapidem, hoc est, si delaberetur in eum errorem, cuius antè fuisset admonitus, drachma. L. Quomodo successit res?

V. Initio submolestè, ne dicam dolo, uerūm pauculis diebus successit facilitas, mox & iucunditas non sine

fructu maximo. His artibus hanc quantulamcunque dicendi legendique promptitudinem sum adeptus, ad quam tuendam plurimum confert alijs prælegere bonos authores. L. Optarim tibi fortunam exiliorem.

V. Etiamne exiliorem, quum penè nulla sit? Quo meo merito mihi precaris tantum mali? L. Præficerem te meo leunculo. V. Næ tu planè, quod dici solet, boui clitellas, aut siquid est ineptius. Quòd si literator esse possem, habeo domi quos doceã. Verùm hanc operam tibi polliceor mi Leo: Tu quod potes dispicæ, si quem nancisci poteris idoneũ huic provincie, ego vicissim circumspectam, siquid queam: & collatis in commune nostris consilijs, prospiciemus catulis nostris, ut ex hominibus nati uideri queant. L. Habeo gratiam Vrse, quantũ possum maximam, relaturus etiã ubi dabitur & opportunitas & facultas. Quãm tibi Leonis occursum fuerit fœlix nescio: mihi tales Vrsos optarim sæpius occurrere. Onustus tuis officijs domum redeo.

V. Nec ego nihil aufero bonæ sarcinæ. Par pari relatum est. L. Vnum te uelim adiungere tam multis in me benefactis. V. Quòdnam? L. Istam uaginã optarim esse meam. V. In quem tandem usum? L. Ne mihi excidant isti uersus tam belle picti. V. Quidni? ut cum Samijs ridearis literatus miles. L. Ego uerò sic uel literatissimus haberi cupiam: & si proficiscar in bellum, nolim ullam armorũ partem esse mutam, sed & uaginam, & ensẽ, & capulum, & arcum, & sagittas, & lanceam, & bombardam, & galeam, & thoracem, & baltheum, & clypeum optarim habere literarum nonnihil, quod me alicuius bonæ rei admoneret. Sin domi sit agendum, auferem totam undique

loquacissimam esse, sic ut & postes, & ostia, & fenestras, & singulæ tessellæ utreæ, & trabes, & laquearia, & pavimenti lateres & parietes, ad hæc & suppellex uniuersa, lodices, cortinæ, aulacæ, mensæ, sellæ, mātīlia, disci, canthari, cyathi, cochlearia, pelues, ollæ, chytropodes, aliquid loquerentur quod expediret non obliuisci: tantum abest, ut me puderet istius uaginæ.

V. Aiunt inauspicatum esse, siquid huiusmodi rerū, quæ aduersus hostes gestantur, amicus donet amico. Hoc ominis ut uitemus, ex donatione commutationem faciamus. Da tuum ensē, & accipe meum, sitque hoc pignus inter nos inutiliterarū fœderis. L. Quod nobis utrisque, nostrisque catulis bene uertat, accipio quod offers, Musis, uti spero, bene fortunaturis.

EXCVDEBAT ROB. STEPHANVS
 TYPOGRAPHVS REGIVS,
 LVRETIAE, ANN. M. D.
 XLVII. XVI. CAL. IVLII.

INDEX EORVM QVAE IN HOC
de recta pronuntiatione dialogo continentur.

A		Bret, Breet	90
A, quomodo formandum		Brevis syllaba	78
39. 4 ⁱ		Bruit	72
A, quomodo sonet	61	C	
A, pro e, sonant Galli	64	C, quomodo sonetur	96
Accentus	75. 77	x c c	110
Accentuum ratio	131	K, quomodo formandum	
Acquiro	104	40	
Acuti à circumflexo discrimen	84	x, quomodo sonetur	99
Admodum	135	Cacacane	55
Agchora	103	Calliopius recensui	75
A ^b ena	117	Causſa	106
Ai pro æ	126	Cêdo	134
A- ruspex	96	Cêdo	134
A- tlas	96	Cêdo	134
Audÿs	92	Certò	134
B		Ceruon	115
B, quomodo formandum.		χ c ch	101
39. 4 ⁱ		Cicero imitandus	140
Ba be bi	55	Ciceroniani dialogi ſũ-	
Baccalarius	23	ma	141
Bas	92	κ'κκζ	67
Bat, Baet	92	κοιλοσμία	59
Beau	72	κολοβῶται	59
Bene longa	131	Consonantes antiquis nō	
Beſt, Beeſt	90	geminatæ	121
Bleſi	55	Cout	71
		Cucûlus	67

I N D E X.

<i>Cum primis</i>	131	<i>Fleur</i>	72
D		<i>Fliech</i>	112
<i>D quomodo sonetur</i>	97.117	<i>Flieghen</i>	112
[Δ] <i>quid significet</i>	40	<i>Floomen</i>	68
<i>Deinde</i>	135	<i>Foi</i>	71
<i>Digamma AEolica</i>	109.115	<i>Fresen</i>	112
<i>Diphthongi</i>	69	<i>Fruyt</i>	72
<i>Diphthongi propriae</i>	71	<i>Fuga</i>	109
<i>Distinguenda orationis, & morularum inter legendum faciendarum ratio</i>	129	<i>Fur</i>	109
E		G	
<i>E, quomodo sonetur</i>	62	<i>Gat, Gaet</i>	92
<i>Eer</i>	102	<i>G litera</i>	116
<i>Egregi</i>	112	<i>γ & g</i>	100.103
<i>Enimvero</i>	135	<i>Gannire</i>	121
<i>Est, Gallicè e't</i>	52	<i>Gout</i>	71
<i>Est Gallicum</i>	107	<i>Grammatica</i>	89
<i>Ergo</i>	134	<i>Gruet</i>	72
<i>Et enim</i>	135	H	
<i>Ex sex</i>	117	<i>Heer</i>	102
F		<i>Here, heri</i>	63
<i>F litera</i>	108	<i>Honos</i>	52
<i>Falso</i>	134	<i>Huius</i>	72
<i>Fama</i>	109	I	
<i>Fascheux</i>	71	<i>I, quomodo sonetur</i>	64
<i>I digamma AEolicum</i>	109	<i>n, quomodo sonetur</i>	62
<i>Fere</i>	134	<i>I, vitiose prolatum</i>	58
		<i>Ici, Picardicum</i>	99
		<i>indies</i>	135
		<i>Instituendi pueri ratio</i>	30
		<i>Interea loci</i>	135
		<i>Inuicem</i>	135

I N D E X.

Iotacismus	57	M	
Quomodo docendi inue-		M, muta	121
nes scribere	43	Máala	93
K		Mála, mála	93
Kees	93	Magistri nostri	24
Kim	99	Malefânus	131.135
Kind	99	Malefuâda	135
Kennen	99	Masia	52
Kemmen	99	Metacismus	58
Kynne	99	Meys	93.99
L		Mieulx	71
L, muta	120	Mihi	117
L quomodo formatur	40	μοιμαλία	56
Labdacismus	57	Moi, Gallicè	71
Lêge	134	Mouue	71
Leegi	92.93	μῶς, mus	67
De rectè promptè que le-		Mussare	121
gendo	46	Mutus	121
Lest, Leest	90	N	
Lis	93	N, muta	121
Licentia	23	Nihil	117
Literarum decor	39	Noumen	68
Literas agnoscere quomo-		Numûm	134
do docendi pueri	47	O	
Longa syllaba	78	O productum in fine uer-	
Loquendi ratio à quibus		borum	85
petatur	140	O quomodo sonetur	65
Loquendum ut plures		Optumus, optimus	67
140		Ora	134
Loumen	67	ou diphthongus	67
Luctus	93	Oud	71

I N D E X.

P		Risi, rissi	137
P quomodo formetur	96	S	
P quomodo sonetur	96	S inflexo corpore	106
Palàm	134	Sa, so, se, si	106
Pas	92	Scriberre discat puer	37
Pellucidum	52	Scribere quomodo docē-	
Perlucidum	52	di iuvenes	47
Pen	71	Seigneur	107
πλατασμός	58	Servon	115
Ponè, pône	134	Sex	117
Pròinde	135	Siquidem	135
Profectò	134	Smyth	104
De recte pronūtiādo	51	Sóphia	90
Pronuntiandi recta æ-		Sungestus	103
leritas quomodo con-		Super	67
tingat	140	Superbus	67
Propèdiem	135	Syllabæ difficiliores in-	
Propèmodum	135	culcandæ pueris	55
Pu, put	90	Syllabarum earundē i-	
		teratio vitiosa	55
Q		Systole	130
Quaet	71	T	
Quandoquidem	135	T quomodo sonetur	97. 105
Que coniunctio	135	Tempori	63
De quātitate syllabarū	73	Terentiij locus	130
R		Thief	104
Rat, Raet	92	Ti pro ci	105
Ráuæ	134	Tibijæn	92
r canina litera	52	Timótheus	89
r muta	119	Tinnire	121
řř	117	τραυλισμός	56
Riedt	72		

INDEX.

Tsanen	105	Vocativus in i	112
Tuer, Gallicè: Duer	67	WacKen	111
V		WeecK	111
V, consonans	68. 111	Wet, Weet	111
V, quomodo sonetur	66	Win, Wijn	90
Vaccarius	23	Wit, Wijt	90. 111
Valeſij	52	Wonen	111
Vel, Veel	90	WracKen	111
Vênit	134	Wraghen	111
Vet. Veet	90. 111	Wringhen	111
Virgili	112	Wyn	111
Viſch	113	Vulgo	134
Vinijs	92		
Vnà	134	γ, litera Græca	122
Vles, Vlees	90	γ respondens υ Græco	67
Vloyen	113		
Vloet	113	ζ duplex	105
Vocales ancipites apud		ζ, quo pacto sonandū	106
Latinos	61		
Vocalis geminata pro lon-		υ, quomodo sonetur	67
ga	92	ω̄, super	67
Vocalis natura longæ quo-			
modo à brevi discerna-		ξ & †	105
tur	90		
Vocalium sonus	61	ζαμιο̄ς	55





